

8836

281.6q  
F - 49

9/2



12

04 NOV 2009  
FIRE RAM

281.69..

P-49

ԲԵՆԻԿ ՎԱՐԴԱՊԵՏ

# ԻՆՉՈՒ ՀԵՌԱՑԱՆՔ

(1911 թ. ԿԱԹՈՂԻԿՈՍԱԿԱՆ ԸՆՏՐՈՒԹԵԱՆ ՆԿԱՐԱԳԻՐԸ)



Թ. Ի Ֆ Լ Ի Զ

ՅՊԱՐԱՆ ՎՐԱՑ ՀՐԱՏԵՐԱԿԶԱԿԱՆ ԸՆԿ.

1912

104 MAR 2013

8836

Եռիրում եմ

Վրաստանի և Խմերէթի Հայոց  
թեմի Կաթողիկոսական Պատգա-  
մաւոր Երդուեալ-Հաւատարմատար  
Ազնուամեծար պ. Յովհաննէս  
Սպենդիարեանին:



3885-55

ԱԶՆՈՒԱՄԵԽԱՐՄ ՏԵՂԻ

Պ. ՑՈՂՀԱՆՆԵՍ ՍՊԵՆԴԻԱՐԵԱՆ

Իր հիւանուգագին վիճակովն, իր հոգեվարքի նշանակովն յայտնի հայ ապերջանիկ ազգի մէջ Դէօգինէսի դամբարովն են որոնում մեր օրերում խօսքի և գործի մէջ ներդաշնակ, մտքի ու սրտի անարատութեամբ ազնիւ անձնիրին:

Վրաստանի և Իմ/րէմի հայոց թեմի ընտրեալ պատուիրակները բացարձակ վստահութեամբ Զեղ պատգամաւոր ընտրելով՝ հաւատում էին, որ Դուք այն սակաւներից էք, որոնց կարելի է գործ յանձնել, ասպարէզ հրաւիրել ազգի և եկեղեցու բարոյական շահերի պաշտպանութեան համար:

Զեր հակառակորդներն իսկ ողջունեցին Զեր ընտրութիւնը:

Նախքան պատգամաւորի ընտրութիւնը Դուք ձեր մտքերն ու դաւանանքը ի լուր հայ աշխարհի յայտարարեցիք ու երբ Զեղ պատգամաւոր ընտրեցին, Դուք հաւատարիմ մնացիք ընտրող ժողովրդին, ազգային եկեղեցուն և ինքներդ՝ Զեղ:

Ես Զեղ տեսայ էջմիածնում հոգու այն տառապանքով ու անքուն գիշերների տագնապով լի օրերում մաքառելիս անիրաւութեան դէմ ի պաշտպա-



Նութիւն հայ ժողովրդի դարաւոր իրաւունքների։  
Այսաեղ ես Զեզ շատ լսեցի և ուրիշների հետ և  
առանձին, ուր Զեր հոգին էր խօսում, ամենայն նենա-  
գութիւն ու սուս իր մերկացումովն ապշեցնում էր  
Զեզ՝ որպէս միամիտ մանկան, որի հոգին դեռ չէ  
թունաւորուել կեանքի կեղծիքով։ ամենայն չարու-  
թիւն Զեր զայրոյթն էր շարժում, մեր ամե-  
նայն իրաւացի զայրոյթ հակառակորդների դէմ,  
որի մէջ ատելութիւնն էր խսանւում, շարժում էր  
Զեր մեծահոգութիւնն ու ներողամտութիւնը և ես  
յիշում էի Մեծ Մարդու անմեռ խօսքերը։ «Այլ ինձ  
քան լիցի փոխանակել զիմ ախտացեալ ոչխար ընդ  
այլում առողջ գագանի...»։

Ես Զեզ ուսումնասիրում էի այն տխուր ու ան-  
մոռաց օրերում և ուրախ լինում թէ Դէօգինէսի  
լապտերով կարելի է դեռ մարդիկ գտնել հիւծուած  
կորաքամակ ազգի այլասերման մէջ։

Եւ ահա այդ լաւ յիշողութիւններով այս գրքոյ-  
կը, որ պատմական անցքի ճշգրիտ նկարագիրն է,  
Զեր և մեր միւս 26 ազնիւ ընկերների, հայ մարդ-  
կանց ապրումներն են, ես Զեզ եմ նուիրում։

Խորին յարգանքով, սիրով և օրհնութեամբ առ  
պատուական անձդ, մնամ։

Խոնարհ աղօթարար՝  
Թենիկ վարդապետ

## Ի՞նչո՞ի ՀԵՌԱՑԱՆՔ

Նամակներով ու բանաւոր հարցումներով պաշա-  
րել են ինձ, ամենքն են հարցնում «ինչո՞ւ հեռա-  
ցանք», ամենի երևակայութեան առջև արձանացած  
կանգնած է մի պատմական անցք՝ մեր ելքը Մայր  
Տաճարից, որ տարակոյսներով, ապշեցնեամբ, գո-  
հութեամբ ու հիացմունքով ամենի սիրտն է լցրել։

Այդ հարցումներին միանուագ պատասխան, այդ  
զգայացունց (սենացիա) անցքին լուսաբանութիւն գրե-  
լու համար եմ գրիչ վերցնում։

Ինձ թւում է թէ իրաւունք չունիմ լոելու, ինչ-  
պէս և իրաւունք չունի լոելու մէն մի պատգամա-  
ւոր, որ ինձ նման մտածեց ու գործեց, որի նման  
ես մտածեցի ու գործեցի։ Պատմական անցքը թիւր  
մեկնիչների լեզուից ու թիւր մեկնութիւններից ա-  
զատելու համար՝ բարոյական պարտք է ընկնում  
մեզ վրայ, որ խօսենք, որ պատմենք, որ լուսաբա-  
նենք մեր ազգին, մեզ ընտրողներին իրերի իսկական  
վիճակը, դուրսն ու ներսը, երեսն ու աստառը, որ-  
պէսզի գալիք ծանր ու դաժան օրերին անդատա-  
պարտ մնանք Աստուծոյ, ազգի և պատմութեան առաջ-  
Հայրապետի համազգային ընտրութեանը մենք

մօտենում էինք աշխատող, արթուն, գործունեայ մտքի տագնասլով, բորբոքուն, ջերմ զգացմունքով, որոնք անյողողող կամեցողութեամբ արտայայտուեցան և պատմական անցքն յառաջ բերին։ Ապա ուրեմն խնդիրը լուսաբանելու համար, մեզ պաշարող հարցերին պատասխան տալու համար, հարկ է գրել ի՞նչ և ինչպէս էր մտածում, խորհում մեր միտքը, ինչպէս էր զգում մեր սիրտը, ի՞նչ էր կամենում մեր կամքը։

Եւ ես որոշեցի այդպէս էլ լուսաբանել գործը, անթաքչելի առնելով ինչ որ զգում, մտածում, կատարում էի։

Բաց եմ անում սիրտս, փռում եմ խոհերս անցքով հետաքրքիր անձերի առաջ, ուր պատմական գէպքըն իր պայծառ ու աղօտ շողերով է անդրադառնում, որպէս առարկան՝ հայելու մէջ։

Տիգրանակերտի, Արդնիի և Զնքուշի առաջնորդ գերապատիւ տէր Զաւէն եպիսկոպոսն՝ օգուտ քաղելով իր անձնական ծանօթութիւնից ինձ հետ, բարեհաճել էր Արդնի վիճակի հոգեոր ներկայացուցիչ կարգել ինձ համազգային ընտրական ժողովին, առանց հրահանգ տալու, առանց խղճիս ու զիտակցութեանս վրայ բռնանալու, լոկ ցանկութիւն ու վստահութիւն տածելով թէ արժանաւորադոյն անձի կը տամ քուէս «ի պայծառութիւն Հայաստանեայց հկեղեցւոյ»։

Մարմնի տկարութիւնն, որ ինձ անկողին էր ձգել այդ օրերը, ստիպում էր, որ հրաժարուիմ մասնակցելուց. սակայն Էջմիածնից քաշուած մինօդական և բարեկամական հեռագրերը, ինչպէս և Տիգրիսի գա-

դափարակիցներիս յորդորները յիշեցնում էին ինձ պարտքս, որի գիտակցութիւնն ոյժ տուաւ ինձ յաղթել մարմնի տկարութեան և մեկնիլ դէպի ո. Էջ-



ՍՈՒՔԻԱՍ ԱՐՔԵՊԻՍԿՈՊՈՍ

Պատգամաւոր Ա. Էջմիածնի միաբանութեան

միածին։ Եւ ես ճանապարհ ընկայ Արդնիի և Բալուի վիճակների աշխարհական պատգամաւոր բժ. պ. Արտաշէս Շխեանի հետ։

Երկաթուղու դնացքի օթեակում ինձ պաշարել

էին պէս-պէս խոհեր. մի ծանր պատասխանատւութիւն լեռ քարի պէս ծանրացել էր վրաս: Յանձն էի առել մի անձն գտնել արժանի կաթողիկոսութեան, որից միայն կախուած է հայոց չարատանջ եկեղեցու և ապաբախտ ազգի դառն վիճակի ամոքումն, կիսաքանդ գործերի վերաշինութիւնը, կիսամեռ հաստատութիւնների վերակենդանութիւնը:

Այս անգամ ոչ իբրև լոկ խորհող, այլ իբրև պատասխանատու անձն, մանրակրկիտ քննութեամբ աշխատում էի լուսութեանս մէջ գիտակցութեանս լուսով, պատմութեան օգնութեամբ, իրականութեան պատկերով լուսաբանել ինձ համար մի վերջին անգամ, թէ ի՞նչ պաշտօն, ի՞նչ սրբազն դեր ունի Հայոց Հայրապետը, որպէսզի ըստ այսմ արժանաւոր անձն որոնէի մեր սրբազն դասի մէջ այդ գերագոյն կոչման համար:

Երեակայութեանս դաշտի վրայ շարք-շարք կանդ առան մեր ազգային եկեղեցական գործերը, բոլոր հաստատութիւնները, տւաղ, բոլորն էլ տխուր պատկերով, խախտուած, շեղուած իրենց դիրքերից, բոլորն էլ վտանգի բերանում:

Ահա դպրոցներն իրենց տնտեսական, ուսումնական և բարոյական կողմերով եկամուտները նուազ, եղածն անհարազատ ձեռքերում, կտակները քանդւած, անձեռնմխելիին ձեռք մխուած:

Ուսմունքները թերի, առանց կարգաւորութեան ու ամփոփման, լոկ տեսութիւններ առանց գործնական օգուտների. քանի դպրոցա՝ այնքան ուղղութիւն, քանի ուսուցիչ՝ այնքան ծրագիր ու գիտութիւն, կարծես դրանք մի ազգի դպրոցներ չեն, կարծես

գրանց նպատակն է հազար ու հակասական ուղղութիւններով գաստիարակել մի գալիք սերունդ, որի մէջ հասկացողութեան ու գաղափարական գաւանանքի միութիւն չլինի, որպէսզի էլ աւելի պառակտուի այն պառակտուած, խաղաղութիւնը կորցրած ազգը, որ հայ է կոչւում, այն ալեկոծ ծովը, որ հայկական կեանք է կոչւում:

Ուսուցիչները (հարկաւ վերապահութեամբ) թերուս և անկիրթ, որոնցից շատերը իրենց կոչման յարմար ասպարէցները թողած՝ դպրոց են մտել թիւրիմացութեամբ: Ուսուցանում են՝ ինչ որ պէտք չէ, չգիտեն կամ չեն ուսուցանում ինչ որ պէտք է: Զկայ գաստիարակութիւն, չկան կամ քիչ են գաստիարակներ և անդաստիարակ աշակերտները բիրտ են իրենց շարժմանց ու ձեռքի, խօսքի և արտայայտութեանց մէջ: Այդ պատճառով և ուսանող սերնդի մէջ յարգանքն է մեռնում դէպի մեծը, մեծերի մէջ սէրն է մեռնում դէպի փոքրը. լաւագոյն կապերը ծնողների և որդոց մէջ, ուսանողի և ուսուցանողի մէջ, այրամուսնու և կնոջ մէջ խզուում, խորտակւում են: Մեռնում է լնտանեկան և համայնական կեանքը, զօրանում՝ եսական անհատականը. մեռնում են իդեալները, զարգանում է նիւթապաշտութիւնը, որ հիասթափութեամբ ու յոռետեսութեամբ թունաւորում է կեանքը, որ շատ յաճախ ջանիլ մարդու ինքնասպանութեամբ է վերջանում:

Ամենից աւելի այդ «եկեղեցական ազգային» կոչւող վարժարաններում պակասում է քրիստոնէական կրօնի ուսմունքը, որ ոչ այլ ինչ է. եթէ ոչ ոգեսութիւն ազնիւ զգացմունքներով. բարու, գեղեցկի,

ձշմարտի, հաւատի, յուսոյ, սիրոյ, ներողամտութեան, գթութեան, վեհանձնութեան, հեզութեան Սելովամի աւազանը, որի յուգուած ջրերի մէջ սրառվ ախտաժէտները ապաքինուել կարող են։ Սակայն անպատրաստ կրօնուսոյցների ջնորհիւ (վերապահութեամբ) օր աւուր ցամաքում է աւազանը. կրօնական բարձր դգացմունքը՝ որ ամենաբարձր աօէզեան է մարդու մէջ, օր աւուր լուսում է, աշակերտներն անծանօթ են մնում Աւետարանի գաղափարներին և գալիս է հեթանոսական խաւարը իր ժանտ ատելութեամբ սպանելու ուսանող սերնդի մէջ լաւագոյն սէրը, որ երջանիկ ու գոհ ապրելու միակ պայմանն ու առհաւատչեան է։

Վարժարաններն աչքից հեռանում ու ինձ յանդիման. են գալիս հայ քահանայութիւնն ու վանականութիւնը, իրենց ներքին ու արտաքին կեանքով, իրենց վարք ու բարքով և նիստ ու կացով, իրենց կալուածներով ու դատարաններով։

Որպէս հրդեհուած հոյակապ քաղաք, որի շուք ու փառքից միայն միջնաբերդի աշտարակներն են մնացել, շէնն անշէն, ապաւոն անապատ գառած, ուր վարդենու թփի տեղը օձեր են սոզում, ուր եղնիկների փոխարէն աղուէսն ու կարիճն են բուն զնում։

Անպատրաստ ու անգէտ քահանայութիւն, դաշլար ու ջրաւէտ վայրերին անծանօթ հովւութիւն, վանական պարիսազների մէջ քար կարած վանականութիւն, (վերապահութեամբ). կոճի պէս անմիտ, գաղանի պէս անչիգեար հայրութիւն. աստուածպաշտութեան փոխարէն, ոսկի հորթի պաշտամունք, լեռնացած անիրաւութիւն, հեթանոսական հալածանք ու

ատելութիւն. արիւնըռուշտ Բահաղ ու անպարտ զուհերի ձենձեր, անլուր խարդաւանանք ու նենգութիւն, անորակելի զրադարտութիւն ու սողացող չարութիւն, գողութիւն ու աւարտութիւն, կաշառառութիւն ու կաշառատութիւն և նման գործեր այն համրացած տաճարներում ու վանքերում, ուր ամեն բան կայ, բացի Քրիստոսն ու քրիստոնէութիւն։



ՅՈՎՃԱՆՆԵՍ ԱՐՔԵՊԻՍԿՈՊՈՍ  
Պատգամաւոր Ա. Էջմիածնի միաբանութեան

Այս տիսուր, սրտմաշ պատկերի դիմաց ականջիս հասնում է հոգեվարք ժողովրդի դառն բողոքը, որ իր հովիւների դէմն է աղաղակում. երկնքից Տիրոջ բողոքը, որ մարգարէի բերանով է խօսում. «Ո՞հ, հո-

վիւք որ կորուսիք զխաշինս արօտին իմոյ, ասէ Աստուած»։ Սակայն «աչք են և ոչ տեսանեն, ականջք են և ոչ լսեն և ոչ իմանան»։

Ահա և հայ ժողովութելը՝ ատելութեամբ և անմիտ կուսակցութեամբ փեռեկուած, եկեղեցուց ուժացած, հաւատով պաղած, չարութեամբ լի, ստախօսութեամբ ձոխ, խաբէութեամբ հարուստ, աղքատութեամբ խեղճ, տգիտութեամբ անձարակ, հոգով ու մարմնով ախտաժէտ։ Ինչպէս մի բազմաստեղն ծառ, որի արմատը կոծող որդն է մտել, որի ճիւղերից տերեն է անժամանակ դեղնում ու թափում, որի բարձունքում աւերիչ որոտն ու կայծակն են սպառնում։ Եւ ոչ ոք բժիշկ, ոչ ոք օգնական, ոչ ոք խրատիչ ու պաշտպան։

Այս տիտուր, հիւանդու կացութեանը դեղ ու դարման անողը մի կոչմնաւոր կաթողիկոս կարող է լինել, որ ըմբռնելու, սիրելու եւ կամնալու կարողութիւն ունենայ։ Այս ծանր լուծը տանելու համար հասարակ, սովորական մահկանացուներից բարձր մէկը պիտի լինի, հերոսական գործերու ընդունակ և յարմար։

Արդի կաթողիկոսը պէտք է ըստ տնտեսականին՝ տնտեսագէտ, հաշուագէտ մէկը լինի, որի աչքից գեղծարաբները խուսափել չկարողանան. Նա պէտք է իրեն ոտորագրեալ վարժարաններից մտաւոր պատրաստութեամբ բարձր լինի, որ ազգի բարձրագոյն, միջնակարգ ու ստորին կարգի դպրոցները պատշաճ ծրագրով ու անսայթաք գեկավարել կարողանայ՝ ըստ մտաւորականին և ըստ դաստիարակչականին։

Նա պէտք է քրիստոնեայ մարդ լինի, քրիստո-

նէութիւնն ու Աւետարանն ըմբռնող մի հեղինակութիւն, որ Յիսուսի աւանդը անաչառ պահպանի ու տարածէ։ Նա պիտի փրկէ մեզ տգէտ ու անհաւատ հովիւներից, պիտի վանէ ատելութիւնը, նախանձը, հալածանքը եկեղեցու գաւթից, նա պիտի սիրոյ օրինակ լինի, արդարութեան քարոզ, վեհանձնութեան տիպար, անշահասիրութեան ջատագով, աշխատասիրութեան քաջալեր, կենդանի խօսքով հօրը։ Նա պիտի կարող լինի վսեմագոյն գաղափարների շուրջը խմբել, ստեղծել մի նոր հոգեկորականութիւն, Աւետարանի հունձի համար ընտիր մշակներ, ազգի պահպանութեան համար՝ անձնուէր պահապաններ, հոգեկոր պատերազմի համար՝ սպառազէն հոգեկոր զինուորներ։ Նա պիտի վերականգնէ իր ուխտին դրժած 17 դարեայ Մայր Յթուր, որ մոխրակոյտ է գառել։ Նա պիտի իր հեռատեսութեամբ ու բարոյական բարձր հեղինակութեամբ տիրող արքաների և կառավարութեանց վըստահութիւնը շահի յօգուտ հայ ազգի և եկեղեցու պահպանութեան։

Արդի Հայրապետի գործն ու կոչումն այս պիտի լինի։ Եւ ես բաց արի օրացոյցն ու սկսայ կարդալ հայոց սրբազն եպիսկոպոսների անունները, որոնել այնտեղ յարմարագոյն անձերին, որոնց կարելի լինի Աստուծոյ տաճարի մէջ, հայ ժողովրդի առջե անդաշտապարտ խղճով հայրապետացու առաջարկել։

Աւագագոյն ու կրտսեր եպիսկոպոսների շարքն եկաւ ու մտքիս առջեով անցաւ. ամենքն էլ իրենց առաւելութիւններն ունեցող անձեր էին, ամենքն էլ պիտանի իրենց յարմար տեղերում, մի ընտիր կաթողիկոսի ձեռքի տակ, բայց ոչ կաթողիկոսացու.

Մէկը սրտով բարի է, բայց կամքով թոյլ, մըտշ  
քով տկար. միւսը մտքով զօրեղ է, կամքով ուժեղ,  
բայց հաւատով տկար ու սրտով չար. երրորդը հասարակ  
մահկանացուի և մոլորուածի պէս կուսակցական ու  
ծայրայեղ փառամէր. չորրորդը՝ եկեղեցական կոչուե-  
լու յարմարութիւնը չունի. հինգերորդը՝ զօշաքաղ և  
արծաթապաշտ և այլն:

Այս փայլուն, ամբոխի բերանով փառաբանուող  
շարքից աչքս ընկնում է ամբոխից նախատուածների  
վրայ, որոնք իրենց մի քանի բարձր յատկութիւննե-  
րով հերոսներին են նման:

Երեքն են զրանք՝ կարապետ եպիսկոպոս, Սու-  
քիաս արքեպիսկոպոս, Մաղաքիա արքեպիսկոպոս Օր-  
մանեան, երեքն էլ կենդանի նահատակութեան պսա-  
կով պսակուած, ամբոխի նախատիքով ձաղկուած,  
ստախօս աբեղաների չար լեզուով բամբասուած, չա-  
րամիտ տղաների թքով օծուած: Ինձ թւում է թէ  
Պարթև Սահակը, Խորենացի Մովսէսը, Փարքեցի Ղա-  
զարը, Քարկոծուած մարգարէները, սղոցուած առա-  
քեալները, ինքն Յիսուսը ժպտումեն սրանց երեսին:

Եւ ես մտքերս խաղաղելով, անդորր հոգով,  
հանգիստ խղճով ուխտում եմ Աստուծոյ և ազգի ա-  
ռաջ վկայել իմ ձայնով ու քուէով թէ սրանք են  
յարմարագոյնները հայոց հայրապետական գահի հա-  
մար:

Այս մտորումներով, այս վճռով ես Էջմիածին եմ  
հասնում:

\* \* \*

Մտնում ենք վանքի գաւիթը: Աշխարհական  
պատգամաւորներին հրաւիրում են ձեմարան, ուր

նրանց համար սենեակ է պատրաստուած: Ես մնում  
եմ կանգնած ու մտքամոլոր. ուր գնամ: Մի ծանր  
թախիծ, որ Էջմիածնի պարսպի մէջն է իջել միշտ  
հոգուս վրայ, որից ազատուել էի մի քանի ամիս,  
նորից երեաց և իր ցուրտ ու ձնշող գիրկն առաւ  
ինձ: Երեակայեցէք որ ձեր պատանեկութեան և լա-  
ւագոյն երիտասարդութեան ՅՈ տարին անցած լինի



ԱՆԱՆԻԱ ԱՐՔԵՊԻՍԿՈՊՈՍ  
Առաջնորդ Շամախու քեմի

Ճեր հայրենի օջախի մէջ, որի հետ կապուած  
էք մխացող վշտերի, սակաւ ուրախութիւնների, ու-  
գևորող գաղափարների, թեաւոր մտորումների հիւ-  
սուածքով, և երբ վերադառնաք օտարութիւնից ու ձեզ  
չընդունեն, պատսպարուելու անկիւն չտան... Սակայն



պէտք էր քարացումից ելնել և ես շարժուեցի դէպի Յուսիկ վարդապետի բնակարանը։ Հարկաւ ընկերու ընդունեց ինձ, թէ հիւրեր ունէր արդէն։ Այստեղ էլ մի նոր անակնկալ լսեցի, բայց արդի էջմիածնի համար սովորական բան, պատգամաւորների ամբողջութիւնը երկու բանակի էր բաժանուած արդէն, մեծամասնութեան խորհրդակցութիւնների համար վարիչներն յատկացրել էին մատենադարանի դահլիճը իր յարմարութիւններով. փոքրամասնութեան համար հարկ չի համարուել խորհրդարան տալ և սա իր ցերեկ ու գիշերուայ խորհրդածութեանց համար օգտուել է Յուսիկ վարդապետի հիւրընկալ բնաւորութիւնից և խորհրդարան դարձրել նրա բնակարանը։ Ուրեմն ես հիւնդ հալովս աղմուկի և անքուն զիշերների մէջ պէտք է անցկացնէի օրերս։ Հարկ էր հոգալ այս մասին և ես վանքի բակը դուրս գալով հանդիպեցայ կարգադրիչների ժողովի անդամներից մի երիտասարդ վարդապետի և խնդրեցի, որ իրենց նախագահին յայտնէ ինձ մի բնակարան տալու։ Վարդապետը սիրով յանձն առաւ կատարել, բայց ես ոչ պատասխան ստացայ և ոչ սենեակ։ Հարկ էր հաշտուել եղածի հետ և պարտականութիւններ կատարելու ետևից ընկնել։ Նախ և առաջ պարտաւոր էի Տէր Տեղակալին ներկայանալ, նորին բարձր սրբազնութիւնը պաշտօնական քաղաքավարութեամբ ընդունեց ինձ, մինչև իսկ առաջարկեց նստել, առողջութիւնս հարցրեց։ Եւ ես՝ որ կարօտ էի հայրենի տան մի տաք խօսքի, էջմիածնի ցրտութեան մէջ, այդքանով էլ շատ դոհ եղայ և ջերմապէս շնորհակալ Տէր Գէորգ սրբազնից։

Դուրս եմ գալիս Տէր Տեղակալի բնակարանից, աչքիս դիմացն է ելնում իր հսկայ հասակով, իր շուշանագեղ գլխով էջմիածնի «Անպաշտօն Պատրիարքը»։ Սուքիաս արքեպիսկոպոսը, որ յետ ու առաջ քայլելով շրջում է Տաճարի զանգակատան առջև։ Վեց տարի շարունակ աչքս տեսել է պաշտօնական ասպարէզների փակ դռներից դուրս մնացած այդ առիւծասիրու արքեպիսկոպոսին, Օրէօլի և Օրէնքուրգի աքսորականին, շրջելիս նոյն տեղում, ու ինձ թւում է մի վայրկեան թէ հնաւուրց նախնիք, հողերի ծոցումը հանգչող յաւերժայիշատակ հայրագետներ պահակ են կարգել նրան էջմիածնի դռների վրայ և նառիստեալի անձնուիրութեամբ, նազովրեցու համբերատարութեամբ հսկում է, որ Լուսաւորչի այգին աղուէմներ չմտնեն ու չապականեն։ Մօտենում եմ Արհուն, համբուրում աջը, ընդունում օրհնութիւնը և քայլերս ուղղում գէպի օթևանս. մտքերիս հոսանքին անձնատուր լինելով։

Առջևս է ելնում, կարծես լեռնանում, մի հողաթումը և ձայն տալիս. «Կանգ առւ։ Եւ ես կանգնում եմ իզմիրեան կաթողիկոսի յաւիտենական հանգստի առջև։ Աստուած ողորմի քեզ, հայրապետ Հայոց, քո դատաստանը քաղցր անի. քո մեղքերիդ մուրհակը ջնջի անպահանջ թողնելով։ Քեզ համար բարեխօս լինի Գէորգ Մեծագործը, որի հարևանութեամբ յաւիտենական բնակութիւն հաստատելու մեծ պատիւն ունիս։ Յիշում եմ ինչպէս մի օր քո նախորդը՝ «Հայրիկն Հայոց» Գէորգ Զորբորդի գերեզմանի որնարքումը կանգնած ոգեստութեամբ խօսում էր իր անուշիկ բարբառով. «Գերեզմաններ կը խօսին, մեծ մարդ-

կանց գերեզմաններ կը շարունակեն խօսել ու խորհուրդ տալ աս գերեզմանից Դէորդ կաթողիկոսի ձայն կուգայ ինձի ու կասէ խնամէ իմ ճեմարան, իմ սահմաներուն ուրար տուր և ես արժանի համարելով ձեզի աս ուրարները կուտամ ու կը հրաւիրեմ ծառայելու ազգին իբրև եկեղեցու սպասաւորներ»։ «Բայց Վեհափառ Տէր, ձեր երկուսիդ օրերում ճեմարանցիք հալածական փախան. տեսնում, լսում էք արդեօք. Սուրբիաս արքեպիսկոպոսը դեռ պարապ շրջում է ձեր շիրմի-քով, սա ճեմարանի անդրանիկ տեսուչն ու անձնուէր պաշտպանն էր. Կարապետ եպիսկոպոսը՝ ճեմարանի լաւագոյն սաներից, դեռ հոչակւում է որպէս հայրապետասպան, ճեմարանի ոսկերերան ուսուցչապետ Օրմանեանը Իթըր փողոցի տնակում կալանաւոր է... Աստուած ողորմի քեզ Վեհափառ Տէր, Աստուած քո դատաստանը քաղցր անի»։

Յառաջ եմ շարժւում դէպի ժողովի սրահը, ուր ընդհանուր խորհրդակցական ժողով պիտի լինի։ Ամեն մի քայլափոխում նոր տպաւորութիւն եմ ստանում, երփներանդ, մէկ մէկի յաջորդող, մէկ մէկի ետևից վազող, յուղուած ծովի ալիքների նման։

Տաճարի ներքին խորանի ետև վաղաշապատցիների մի ստուար խումբ է կանգնած, դէմքերը դէպի մատենադարանի հրապարակն ուղղած, ուր պատգամաւորների բաժան-բաժան խմբակներն են փսփսում, և տաք-տաք խօսում են։ Նրանցից մինը՝ մի վաթունամեայ տղամարդ, խօսում է բարձր ձայնով, խօսում է վշտով ու զայրոյթով։ Ականջիս են դարկում հետեւալ խօսքերը. «Ախր էս էջմիածնի քարը քարի

վրայ խի՞ա մնացելո. Էս ի՞նչ անաստուածութիւն ա, հարամ ըլնի դրանց ուսումը, իրենց զլսին խոռվ կենայ. ըստրամնք են ազգի պատգամաւորները, էս աննամուս, անխիղճ հոսհոսները։ Ախր մեզնից լաւ էլ ո՞վ ազգիտում մեր վարդապետ-եպիսկոպոսներին. Կա-



ՂԵՒՈՆԴ ԵՊԻՍԿՈՊՈՍ  
Պատգամաւոր Էջմ. միաբանութեան, լուսաւարապ. Մ. Տաճարի  
բապետ եպիսկոպոսը մեր աչքի առաջն ա մեծացել, վարդապետ ու եպիսկոպոս դառել, մենք ենք գիտում թէ նա ինչ մարդ ա, հմի էս անաստուած. . թուղթը մուստառում, հոգիները սեացնում են ու թուղթիկ թուղթ են տպում ու ցրւում, թէ Կարապետ եպիսկոպոսը բողոքական ա, ֆարմասօն ա. ը՛ը՛... ձեր խիղճը մեռնի, ձեր խիղճը. աղա, պատուի, էդ

մուռտառ մարդկանց գրած թուղթը, պատուի թող կորչի...»:

Եւ խմբից մի երիտասարդ իր ձեռքումը եղած թուղթը պատուաւմ ու վրան թքելով ցփնում է ուշքերի տակը:

Մինչ հետաքրքրութիւնն ինձ տիրել էր և ուզում էի իմանալ, թէ բանն ինչումն է, ուշադրութիւնս գրաւեց մի հայ հեղինակի, մի գրող պատգամաւորի ձայնը հակառակ կողմից. «աղա, բեր է, էն թերթերիցն էլ բեր, ուզողներ կան, բաժանէք, տարածէք, կանչում էր հայոց «վիպասանը» իր ընկերներից մէկին»:

Համանալի էր, որ կատարւում էր մի աղտոտ զրպարտութիւն, մի պրովակացիա այն մեծ սրբաւ վայրում, ուր իբր թէ միայն ճշմարտութիւն պիտի լսուէր ու խօսուէր. Մօտենում եմ ընկերներիս, ուզում եմ իմանալ բանն ինչումն է և նրանք տալիս են ինձ մի օրինակ թուոցիկ, գաղտագողի հրատարակութիւն, ուր ոմն «Ա. Յարութիւնեան» իր հոգու մէջ մթերուած առատ դառնութեամբ ստեղծել, շարահիւսել, յերիւրել է մի ամբողջ առասպել թէ՝ կարապետ եպիսկոպոսը գաղտնի բողոքական է և գերմանական բողոքական մի ընկերութեան հետ դաշն է կապել հայոց եկեղեցին բողոքական դարձնելու. Այսպէս ուրեմն «կղերական» կարապետ եպիսկոպոսը այդ օր թունդ ազատամիտ է դառել և «բողոքական». և հայ ազգի ոչ-կղերական ազատամիտները, սօցիալիստները վրդովուել են, ժամաշապիկ են հաղել և թուոցիկ են տարածում «Կղերականութեանը» դաւաճանող կարապետ եպիսկոպոսի դէմ:

Ո՞վ է այդ «Ա. Յարութիւնեանը». միթէ Սամսոնը. ոչ, այդ անկարելի է, պնդում եմ ես. Սամսոնն այդչափ ընկնել չի կարող, թէկուզ էջմիածնում. անտարակոյս այդ անունով օգտուել և իր խօսքին արժէք տալ է կամեցել պրովոկատորը. Այդպէս էլ եղաւ. դոյն վայրկենին մօտեցաւ մեզ մի սիրելի պարոն և ասաց թէ՝ այդ կեղծանուն գիրը տպագրուել է Ալքսանդրապոլում, հեղինակը միցած անձնաւորութիւն է. սրան առարկեց մի նորեկը թէ՝ «սխալւում էք, գրուել ու տպուել է էջմիածնում»:

Ես վերջի վերջոյ չիմացայ թէ ով է հեղինակն այդ պարսաւագրի, և ոյք են տպագրել. այդ այնքան էլ հետաքրքիր չէր ինձ համար. Բայց ես մի կսկիծ, մի մրմուռ զգացի հոգուս մէջ, որ էջմիածինը, Յիսուսի իջած ու սիրած սրբավայրը՝ ըստ տեսլեան ս. Լուսաւորչի, դարձել է ստութեան քարոզարան, զըրպարտիչների բնակարան, պարսաւագրողների և պարսաւագրերի շտեմարան. գողերի պատսպարան:

Մի տարի յառաջ էջմիածնի վարիչները թոյլ տուին որ մեռելաթաղի պատգամաւորները ժողովուեն ձեմարանում ու հայրապետապանութեան արատ փաթաթեն անմեղների վզին, գոռալով. «Կորչի կարապետ եպիսկոպոս, կորչի Բենիկ վարդապետ, Դրանք սպանեցին մեր իգմիրեանին». մի տարի յետոյ էջմիածնի վարիչների աչքի առաջ, հայրապետական ընտրութեան խորհրդաւոր օրերում, անբարեխիղճ անձեր պարսաւագիր են տարածում կարապետ եպիսկոպոսի դէմ. ես յիշեցի թէ երկու տարի առաջ էլ նոյն անձերի ծափերով բեռնաւորուած «Մեծ» գահակալը պարսաւագրեր էր թելագրում վարդապետնե-

ըին իրենց կարգակիցների դէմ... օ, ես շատ բան յիշեցի ու կոկազին ցաւեցի թէ էջմիածինը ինքն է վարկաբեկում իր արժանաւոր որդոց, ինքն էլ Մայր չէ խանդակաթ, այլ նախանձի ու փառասիրութեան ծարաւից խելագարեալ մի առիւծ, որ իւր ձագերին է յօշոտում, առանց ըմբռնելու, թէ ինքն իր կործանումն է պատրաստում։

Հեռացայ խմբից, ուզում էի բարձրանալ օթեւանս, որ պատրաստուիմ ժողովի գնալու, երբ սահնդուխների վրայ երեք երիտասարդ, ինձ իսպառ անծանօթ, ճանապարհս փակեցին և նրանցից մէկը վրդովուած ու հե ի հե յայտնեց թէ «հոսհոսները» «Փթութեան օճախ» վերնագրով մի պասկուիլ են տարածում Օրմանեանի վրայ և ժողովուրդը սաստիկ վրդովուած է և ուզում է քարկոծել այդ չարագործներին։

— Ովքէր էք, չգիտեմ, տղէրք, բայց ես ձեզ խնդրում եմ, ոչ ոքի չդիպչէք թողէք որ խաչահանները քարշ տան անմեղներին դէսլի Գողդոթայ կը դան օրեր, որ դրանց թմրած խիզճը կը զարթի ու ամօթահար կը կարգան՝ յիրաւի այս մարդիկը Աստուծոյ որդիքն էին։ Հեռացան մեղմացած և ես պատրաստուելով իջայ ժողով գնալու։

\* \* \*

Փառաւոր դահլիճ՝ որ հիմնագիր և բարեգործ Աւանսիւզբաշեանին, ինչպէս և նախաձեռնողին, պատիւ է բերում, նոր մատենագարանի դահլիճն է։ Մուտքի դիմացը, դահլիճի ճակատի կողմում առանձին սեղանի առաջ տեղաւորուած է համագգային ժողովի ընտրեալ դիւտ՝ կենդրոնում բաղմած է նախագահ

Սամսոն Յարութիւնեանը, աջ կողմից՝ փոխնախագահ Գէորգ Զուբարը, ձախից՝ մի փառաւոր մօրուք, որ պատկանում է Մանկունու ներկայացուցիչ Յակոբ Աշոտ Եպիսկոպոսին, ժողովի՝ կարծեմ, պատուաւոր ատենապետին։ «Կարծեմ» եմ ասում, որովհետև ուր մարդկանց մէջ միայն մօրուքն է աչքի ընկնում, որպէս արժանիք, այստեղ նրանց դերն ու կոչումը դժուար է ըմբռնել։ Նարունակութեան վրայ տեղ են գրաւել քարտուղարները։

Դահլիճի երկայնութեամբ լուսամուտների առջև նստած են «փոքրամասնութեան» պատգամաւորները. այս կողմը լոյս է ու ցուրտ։ Հակառակ կողմում դահլիճի մեծ մասը բռնել են «մեծամասնութեան» պատգամաւորները. այս կողմը տաք է, վառարաններն են վառւում, բայց խաւար է։ Պատգամաւորների թիկունքի կողմում յոտնկայս կանգնած են ձեւմարանի ուսանողներն, աշակերտները և կողմնակի անձինք. եւ որովհետև ես ուշացել էի և շարքերում տեղ չգտայ, ուստի գնացի և դիւանի թիկունքի կողմից, թղթակիցների մօտ տեղ բռնեցի։

Դահլիճը խաղաղ չէ, խօսում են, փսկում, հոհուում, տեղտեղ ծխում. համազգային վեհաժողովի չի նման, այլ հայկական սովորական ժողովների։

Նախագահը յայտարարում է օրակարգի առաջին խնդիրը. այսինքն պէտք է ժողովն զբաղուի կաթողիկոսական «թեկնածուների» արժանիքների խնդրով և կարողանայ քառանուն ցանկը կազմել։ «Փոքրամասնութիւնը» «թեկնածու» չունէր, այլ «ընտրելի» միայն. այս մասն առաջարկեց իր ընտրելիների և մեծամասնութեան «թեկնածուների» խնդիրը երկուս-

տեղ ընտրուած յանձնաժողովի խորհրդակցութեանց յանձնել, որոնք աւելի արագ և դիւրին կերպով կարող են համաձայնութեան և որոշ եզրակացութեան գալ, ապա արդիւնքը զեկուցանել ընդհանուր ժողովին։ Փոքրամասնութիւնը անհրաժեշտ է համարում յանձնաժողովը, որորին անկեղծօրէն ցանկանում էր իրաւախոհ լինել ու համաձայնութեան գալ. իսկ այդ հնարաւոր էր միայն յանձնաժողովով։ Մեծամասնութիւնը հակառակ էր յանձնաժողովին ու պահանջում էր «թեկնածուների» մասին խօսել ընդհանուր ժողովում, ուր անտարակոյս ոչ մի խելօք գործ կատարել չէր կարելի, այլ կիրք ու կռիւ պիտի բորբոքուէին։ Մեծամասնութեան մէջ կային տաճկաստանցի «գլուխներ», որոնք առարկում էին թէ յանձնաժողովը կարեոր չէ «վասն զի անիկա կը ձգձգէ լինդիրը, մինչդեռ ընդհանուր ժողովին մէջ աւելի շտապ կըլլայ գործը»։ պարզ էր թէ այդ իմաստունը կամ յետին միտք ունէր, այսինքն համաձայնութեան չգալու անբարեմիտ ցանկութիւն և կոռուի սէր և կամ այնչափ տկարամիտ էր, որ չէր ըմբռնում թէ յանձնաժողովներով ինդիրներ մշակելն աւելի արագացնում է, այլ ոչ յերկարում գործը։

Համաձայնութեան կամ թեկնածուների լինդիրը բաւական ալեկոծում էր մեծամասնութեանը, որոնք իրենց ճշոցներով ու բացականչութիւններով պարզապէս երկիրւղ ու անհանգստութիւն էին արտայայտում։ Փոքրամասնութիւնը այս շփոթութիւնը հասկացաւ իսկոյն թէ հակառակորդները վախենում են Օրմանեանին ցանկի մէջ մտցնելուց, որին կարող է նպաստաւոր լինել յանձնաժողովը. մինչդեռ ընդհանուր

ժողովի մէջ շատերն ստիպուած պիտի լինէին խղճի ձայնը խեղգել իրենցում սպաւնական հայեացքների ազգեցութեան տակ։

Նկատելի էր մի բան, որ նախագահն ընդհանրապէս ղեկավարում էր մեծամասնութեան հաճոյքը և



ԿԱՐՍՊԵՏ ԵՊԻՍԿՈՊՈՍ  
Առաջնորդ Առաքատականի

Ժպտուն ներաղամտութեամբ էր վերաբերում դէպի մեծամասնութեան ձայնը, խօսքը, աղմուկն ու անկարգութիւնը և խիստ՝ դէպի փոքրամասնութիւնը, որ առանց այն էլ քիչ էր խօսում և հանդիսատեսի դերումն էր։

Նախագահի այս տրամադրութիւնն աւելի շեշտուեց հետեւեալ օրուայ ժողովում, երբ լիազօրութեանց խնդիրն էր քննուում: Ես կը կամենայի որ այդ դերում մի տաճկաստանցի լինէր, այլ ոչ մեր Սամսոն Յարութիւնեանը կամ նրա նման ուսեալ, հանրածանօթ մի իրաւաբան գործիչ, որովհետև մերոնց՝ ուսեալների վրայ ընդհանրապէս է պ. Սամսոնի վրայ՝ մասնաւորապէս ես լաւ կարծիք ունիմ ու կը սիրեմ պահել:

Թէև հիւանդ էի ու խօսելու անկարող, բայց եռացող անիրաւութեան պատկերի առաջ չկարողացայ զսպել ինձ ու պարտք կատարելուցանկութեամբ խօսք խնդրեցի պ. նախագահից:

Ուրքի ելայ թէ չէ կարծես մրրիկ անցաւ մեծամասնութեան վրայով, շշուկ, ժխոր, քըս-փըս: Վերջին ընտրութիւնների ժողովական պատկերները, որ Տաճկաստանի պատգամաւորները ցուցահանդէս էին գնում էջմիածնում, ինձ քաջ ծանօթ էին, ուստի և առանց պաղարիւնութիւնս կորցնելու խօսքս սկսեցի: Ես մտաղիր էի պաշտպանել յանձնաժողովի խնդիրը և հրաւիրել ժողովի ուշադրութիւնը այն հակասական առարկութիւնների վրայ, որոնցով փայլում էր մեծամասնութիւնը, որոնց վախճանական եզրակացութեան յարմար օրինակը գայլի ու գառան յայտնի առակը կարող էր լինել:

Դեռ նոր էի սկսել, երբ գէպի վայելչութիւն և արդարամտութիւն հրաւիրող մի շեշտ ուղղեցի համագգային «Վեհաժողովին» ասելով՝ «ազնիւ եղէք ընդունելու...» և խօսքիս կէսը շրթունքներիս վրայ սառած մնաց. բարձրացաւ մի աղմուկ, մի ժխոր.

Հետն էլ նախագահի անընդհատ զանգահարութիւն: Մանրիկ մարդկանց «վեհաժողովը» իր սովորական բոնութեանը դիմելով՝ պատրուակ գտաւ ինձ լուցնելու, որովհետև ես ասել էի «ազնիւ եղէք»: «Հա, ուրեմն մենք անազնիւ ենք, ինքն է անազնիւ, չենք ուղեր, քարող չենք ուղեր, հոս թիֆլիզի բորսան չէ, դասախոսութիւն չենք ուղեր»:

Եւ այս խոռոչանային աղմուկի ու բոնութեան մէջ սովորագոյն դերը յանձն էր առել էջմիածնի մի վարդապետ, մինչև իսկ Սինովի անդամ, որ մոռացութեան տալով իր կոչումն ու դիրքը, հանդէս էր դրել իր ներքին մարդը, որին միայն . . . կարող էր նախանձել: Նա ինձ հայհոյում էր և ես լուռ էի. Նա համբերութիւնից հանել էր Յուսիկ վարդապետին, որ զայրոյթի թափով նրան դիմեց, անուանեց արժանին ու գուրս զնաց:

Երբ կատաղութեան փրփուրը նստեց ես անվրդով շարունակել կամեցայ. Պարոններ, դուք կամ սխալ էք հասկանում, կամ չհասկանալ էք ձեւնում. ազնիւ եղէք, չի նշանակում թէ անազնիւ էք, ինչպէս որ «բարի եղէք» չի նշանակում դուք չար էք: Ես կամեցայ ձեր լրջութիւնը հրաւիրել խնդրի վրայ:

Պ. նախագահը շատ ճարպիկ կերպով դարձաւ դէպի ժողովը. «Լուցէք պարոններ, հայր սուրբն իր խօսքը յետ է առնում»:

— Երբէք, կանչեցի ես, ես չեմ վիրաւորել, որ խօսքս յետ առնեմ, այլ միտքս եմ պարզում:

Այնուամենայնիւ ինձ թոյլ չտուին խօսելու հայոց աղգի «ազատամիտները»:

Ի՞նչ էի ուզում ասել. ահա թէ ինչ. «Զեզնից մինը հպարտութեամբ շեշտեց թէ մեծամասնութիւն էք, հետեաբար եթէ յանձնաժողով կազմուի՝ երեք ներկայացուցիչ դուք պիտի ունենաք և միայն մէկը՝ փոքրամասնութիւնը՝ Տաճկաստանի այդ ջահիլ վարդապետն էլ ոգեսրութեամբ խօսեց մեծամասնութեան ուժեղութեան գիտակցութեամբ, և դուք ծափեր զարկիլք, առանց մտածելու, որ ծափերը շատ յաճախ ճշմարտութեան շուրջը չէ, որ որոտում են նարունակեցէք խնդրեմ նոյն չափն ու կշիռը և հետևեալ հանգամանքում և մենք գոհ կը լինինք: Զեզ համար պարզ է այժմ որ սակաւամասնութիւնը Ուուսաստանի հայութեան երկու երրորդ ձայնն է ներկայացնում. եթէ ի նկատի ունենանք նրանց հետ միացած և Տաճկաստանի մի քանի ձայները, կերևայ որ փոքրամասնութիւնը ամբողջ հայութեան 2/3 մասն է ներկայացնում և մեծամասնութիւնը՝ 1/3-ը միայն: Դուք շատ էք և այդ հետեանք է մի անարդարութեան, որ ձեր թեմերը 5—6 հազար հոգուց են կազմուած և մերոնք 200000-ից—5 հարիւր հազարից. ձերն էլ մի ներկայացուցիչ է տալիս, մերն էլ: Դուք բարոյապէս պարտաւոր էք ի հաշիւ աւանել մեր ժողովի թիւը, այլ ոչ փոքրամասնութեան թիւը՝ Այլս. Դուք եթէ չէք եկել միայն մի հոյակապ անձն սևացնելու, այլ եկել էք կաթողիկոս ընտրելու, դուք պարտաւոր էք գիտակցել, թէ կաթողիկոսը ձեզ համար չէ, որին ոչ մի նիւթական ու բարոյական աշխացութիւն չի ցոյց տալիս տաճկահայը, որի հետ իրաւական ոչ մի կապ չունիք: Ասացէք խնդրեմ, էջմիածնի և առհասարակ Ուուսաստանի հայ եկեղեցու

որ տառապանքի օրերին բարոյական ու նիւթական աջակցութիւն է ցոյց տուել Տաճկաստանի հայութիւնը: Ի՞նչ պատասխանատութիւն կարող են Ուուսաստանի հայերը բեռնել ձեզ վրայ, ձեր այն խոշոր իրաւանց փոխարէն, որ հանդէս է գալիս հայրապետական ընտրութեան ժամանակ. Ի՞նչ պահանջ կարող են անել ձեզնից այն երկու անյաջող կաթողիկոսների աւերածութեանց հանդէպ, որոնք դուք փաթաթեցիք հայրապետական աթոռին ու Ուուսաստանի հայութեան վզին, ու գնացիք առանց յետ նայելու մինչև այժմ, որ եկել էք նոր հայրապետ տալու մեզ: Ի՞նչ հաշիւ պիտի տաք մեզ, եթէ ձեր ընտրելի կաթողիկոսն էլ սիալանքի և անգիտութեան ճանապարհով դէպի անդունդն առաջնորդի Մայր Աթոռը, մեր գպրոցները, մեր հոգեոր ու կրօնական գործերը, ու ընք առանց այն էլ աւերակ վիճակի մէջ են ձեր շնորհիւ: Գաղանիք չէ, որ սպառնական ձայներ են լաւում ձեր կողմից թէ եթէ Ուուսաստանի հայոց ընտրելին անցնի, հերձուած պիտի առաջանայ, Տաճկաստանցի հայերը կը բաժանուին: Ի՞նչով է արտայայտուելու այդ բաժանումը, երբ կապը բարոյական է, և այժմ դուք բարոյական ամենազօրեղ կապը՝ սրտերի միութիւնը մեր մէջ կտրել էք ուզում, արհամարհելով Ուուսաստանի հայոց ցանկութիւնը առանց փափկանկատութեան: Միթէ Ուուսաստանի հայութիւնը Կիլիկիայի հայութեան հետ կապուած չէ, թէև Կիլիկիայի և էջմիածնի կաթողիկոսութեանց մէջ ոչ մի կապ չկայ: Միթէ դուք «հակակերական աղատամիտներդ», հաւատում էք, որ մեր և ձեր կապը միայն հայրապետական ընտրութիւնն է: Միթէ

ոչ մի ուրիշ կապ չկայ մեր՝ հայագաւան հայութեան և կաթոլիկ կամ բողոքական հայութեան մէջ։ Ուռւսաստանի հայութիւնը հերձուածի, բաժանման ոչ մի ցանկութիւն չի ունեցել և չունի, ընդհակառակն Տաճկաստանի հայոց բոլոր թշուառ օրերին օգնութեան հասնողը Ուռւսաստանցին է եղել. ձեր որբանոցները, Սանասարեան և այլ վարժարանները, շինւելիք Ղուկասեան ձեմարանը, Ուռւսաստանցիք են հիմնել ու պահում են միշտ նպաստելով, որ դուք բարոյապէս և կրօնապէս կապուած մնաք իրենց հետ նախ և առաջ ձեր օգտի, ապա ընդհանուր հայութեան օգտի համար։

Հետեաբար ձեր սպառնալիքն յանցանք է ձեզ համար, ձեր բաժանումը՝ միայն ձեզ վնաս։

Սւելի կասեմ. Ուռւսաստանի հայոց քնքշութիւնը դէպի ձեզ դուք վիրաւորանքով էք փոխարինում։ Ուղիղ թէ սխալ Ուռւսաստանի հայութիւնը պինդ է սիրել մի արքեպիսկոպոսի, որին դուք փողոցների ցեխերում տրորեցիք, և ուզում է նրան կաթողիկոսացնել, որին իր կարիքներին յարմար է համարում։ թէև նա ձեզ պէտք չէ, թէև կաթողիկոսանալով նա ձեզ կառավարելու չէ, բայց դուք ատելութեամբ կամ ուրիշ հաշիւներով, որոնք յամենայն դէպս հասարակական չեն, չէք ուզում նպաստել, որ Ուռւսաստանի հայութիւնը այս անգամ գոնէ իր ցանկալի հայրապետն ունենայ։ Վայելել այս ժողովրդի նիւթական և բարոյական առատ բարիքը և ծայրայեղ վիրաւորանք հասցնել և դեռ հերձուածով սպառնալ կարի անքաղաքավարութիւն է և ամենագէշ բաժանման առիթ։ թէև Թիֆլիզ մտնելիս էլի ձեռք պիտի

մեկնէք վողուգելու նրանցից, որոնց այդչափ վիրաւորում էք \*)։

Ահա այս և սրանց նման խնդիրների առջև պէտք է կանգ առնել, խորհել, մտածել և հաշտութեան ճառնապարհը բռնել, այլ ոչ թէ յենուել անարդար մե-



ԲԱԲԻՆ ԵՊԻՍԿՈՊՈՍ

Առաջնորդ Գաղատիայի

ծամասնութեան վրայ, բաժանման հերձուածով վախեցնել և ընտրել մի կաթողիկոս, Ուռւսաստանի հայութեանը հակառակ, որ այսպիսի պայմաններում ոչ միայն ձեր և մեր կապը չի լինի, այլ սրտերի բա-

\*) Ծանօթ. Այդպէս էլ եղաւ. ընտրութիւնից յետոյ Թիֆլիզ մտան և ձեռք մեկնեցին։

ժանման անջրպետը, պատճէշը իսկ երբ մեր և ձեր սրտերը բաժանուած են, էլ արժէ խօսել հաւատի կամ հայրապետութեան կապի վրայ:

Այս խնդիրների վրայ իրաւախոհ լինելու համար անհրաժեշտ եմ համարում յանձնաժողով կազմել, ու բովիետե ընդհանուր ժողովում միայն կրքերը պիտի բաղկուին, եզրակացութեան չպիտի յանդիք և ազգային վեհաժողովը մանրաժողով պիտի դարձնէք»:

Ահա, ինչ որ խեղդեցին կոկորդումն, ինչ որ այժմ պարտք եմ համարում ասել ի գիտութիւն Ռուսաստանի հայութեան և ինձ ընտրող վիճակի:

\* \*

Հետեւեալ օրն է. էլէքտրական լոյսի շողերով ցողուած նստած են ազգային պատգամաւորները: Դիւանի նախագահը բաց է անում ժողովը՝ յայտարարելով թէ այդ ժողովը պաշտօնական ժողով է, ուր պիտի պատգամաւորների լիազօրութիւններն ստուգուին: Տէր տեղակալը թուղթ է գրել ու տեղեկագրել թէ նախարարութիւնն արտօնել է համազգային ժողովին ստուգել պատգամաւորների լիազօրութիւնները:

Իրաւամբ հարց բարձրացաւ թէ ժողովը պաշտօնական ճանաչելու համար հարկ է, որ ինքը՝ տ. Տեղակալը բանար այդ ժողովը, ուր ներկայ լիներ նաև Սինովի դատախաղը, Գնացին խնդրելու մէկին և միւսին. տ. Տեղակալը մերժեց դալ, օրէնքի ներկամիւսին. տ. Տեղակալը մերժեց դալ, օրէնքի ներկամիւսին բանի բառակազմով այս գնաց ու չհասկացանք ոչ դալը, ոչ գնալը: Պաշտօնական ու ժողովը այս անդամ յայտարարեցին կիսապաշտօնաւ ժողովը:

Կան, փոքր ինչ յետոյ դարձաւ մասնաւոր ու վերջացաւ ամբոխականով:

Ժաղովի ընթացքը պարզեց թէ ինչու տ. Տեղակալը հրաժարուեց ժողովից, ինչու օրէնքի ներկայացուցիչը եկաւ ու չեկածի պէս գնաց, ինչու պաշտօնականը մասնաւոր դարձաւ:

Առաջարկութիւն եղաւ այդ ժողովը զեկավարելու համար նոր նախագահ և դիւան ընտրել. այս առաջարկութեան մէջ լոելեայն դժութիւն էր արտայայտում նախագահի անաշառութեան դէմ: Սկզբունքով ընդունուեց առաջարկը, սակայն փափկան կատ և քաղաքավարի փոքրամասնութիւնը յարմար համարեց նոյն նախագահն ու դիւանն ընտրել և այս ժողովի համար: Պ. նախագահը սրտի գոհութեամբ շնորհակալ եղաւ ժողովականներից և այս նոր պատվի և «վստահութեան» համար:

Անցան օրակարգին: Անձնիւր պատգամաւորի լիազօրութիւնն ստուգելու համար մէկ ուղիղ և օրինական ձեւ կար. կարդալ պատգամաւորի անունն ու ընտրական վաւերական արձանագրութիւնը, քննադատելին քննել և տրամաբանական եզրակացութեամբ որոշումն անել ընդունելի կամ խոտելի համարելով պատգամաւորին:

Մակայն այսպիսի օրինաւորութիւնն ապօրէն դորձերի քննութեան ժամանակ որպէս չափ ու կշիռ ընդունելը կարելի բան չէ ապօրինութեանց հեղինակների համար. ուստի և պ. նախագահը ճարակի պատուի խնդրից հեռանալով այս ձեր տուաւ. քըննել միայն քննադատելին, այսինքն ինչ որ ի լրոյ դիւսին որպէս քննադատելի: Յօժարեցան:

Փոքրամասնութեան ներկայացուցիչները՝ էապէս պ.պ. Սպենդիարեան, Ենգիբարեան, Չուբար, Զէրքէզեան յառաջ բերին հետևեալ աստօրինութիւնները. յայտնի է և ոչ ոքից գաղտնի չէ թէ Տաճկաստանի հայոց պատգամաւորների մի մասը ժողովրդից ընտրուած չէ, ուստի և ժողովրդի ձայն ու ներկայացուցիչ լինելու բարոյական ու իրաւական արտօնութիւնը չունի. Ամենայն հայոց հայրապետութեան ա. Տեղակալի կողմից մի անուանացուցակ էր ուղարկւած Պոլսի պատրիարքական տեղապահ Մանկունի արքեպիսկոպոսին մասնաւոր նամակով, որպէսզի նա ժողովրդի ձայներն այդ անձինքներին տալ յաջողից Մանկունին այս ու այն վիճակներին առաջարկել է այդ անձանց ընտրել, բարոյական ու իշխանական ձնշումն է գործ դրել, ժողովրդական ազատ, անբռնաբարելի իրաւունքն է ոտնհարել և միակողմանի մարդկանց մի ստուար խումբ է դրկել եջմիածին ժողովրդի անունով ընտրելու ի գահ հայրապետութեան այնպիսի թեկնածուների, որոնք՝ որչափ և յարդական լինին որպէս եպիսկոպոսներ, ժողովրդի ցանկալին չեն։

Այդ ցուցակի գոյութիւնը ի յայտ եկաւ Պոլսի պատրիարքութեան տեղապահ «իմաստուն» Մանկունու բերանով, ուսկից ճարտարութեամբ գաղտնին դուրս էր քաշել պ. Հ. Առաքելեանը և յայտնի դարձրել մամուլի միջոցով։ Հայրապետութեան ա. Տեղակալի կողմից հերքուեցաւ ցուցակի գոյութիւնը, սակայն կաթողիկոսական մի այլ թեկնածու՝ Նիկոմիդիոյ սրբազան առաջնորդը դարձեալ միամտութեամբ իր նամակով լրագրութեան մէջ հաստատեց

թէ ցուցակի առաքումը ճիշդ է։ Ամենայն Հայոց հայրապետի ա. Տեղապահը՝ որ պաշտօնական և անպաշտօն գրագրութեանց մէջ վերին աստիճանի ճշշտապահ է, Մանկունուց ստացած մի գիր մակագրութեամբ Սինոդին է յանձնել, ուր Մանկունին զեկուցանում է որպէս բարեկամ թէ՝ ինչ որ հնարն էր արեց, մի քանի պատգամաւորներ իր տնօրէնութեանց հակառակ խոյս տուին Պօլիս մտնելուց, ուր պիտի հրահանգէր նրանց. ավանս որ իր տեղապահութեան օրերը համրուած են, այլապէս դիտէր թէ ինչ պէս պիտի պատժէր նրանց։

Որպէս ապօրինութեան մի այլ ցնցող փաստ յառաջ է բերում ա. Էջմիածնից՝ ա. Տեղապահի կողմից քաշած մի հեռագիր Պօլիս՝ տեղապահ Մանկունուն թէ ցուցակի մէջ սխալմամբ մտած չորս քահանաների տեղը (անունները կան), որոնք իրենց մարդիկը չեն, պէտք է դնել Յուսիկ, Եփրեմ եպիսկոպոսներին, Բագրատ, Բաբկէն վարդապետներին և ձայները առաջիններից յետ խլելով վերջիններին տալ։

Այս յայտնագործութիւնները լսելիս, մի անգամ ևս հաստատուեցայ հաւատիս մէջ թէ անսուտ են և յաւիտեանս ճշմարիտ ա. Աւետարանի խօսքերը՝ «Զիք ինչ ծածուկ որ ոչ յայտնեսցի»։

Բայց ինչպէս ընդունւեցան այս յայտնագործութիւններն ու բողոքները ժողովի մեծամասնութեան կողմից և քննելու խնդիր դարձան թէ ոչ։

Փոքրամասնութեան ներկայացուցիչները պահանջում էին ապօրինութեամբ ընտրուած պատգամաւորների ընտրական գործն ու մերկացնող թղթերը

կարդալ։ Մեծամասնութիւնը բարձրացնում էր իր ժխորը թէ «պէտք չէ, քուէարկեցէք»։ Պ. նախագահը մեծ պատրաստականութեամբ քուէարկութեան էր զնում օրինաւոր թէ ապօրինի ճանաչել պատգամաւորի ընտրութիւնը առանց գործը կարդալու։ Ոտքի էր ելում մեծամասնութիւնը կամ՝ իր թուով շատ ու անարդարութեամբ լի ձեռքը բարձրացնում էր ու ապօրինութիւններն օրինաւոր ճանաչում։

Այս պատկերի, այս իւրատեսակ բոնութեան առջև փոքրամասնութիւնը իր պատուին ու գիտակցութեանը տէր կանգնելով՝ բարուոք համարեց այնուհետեւ լուռ մնալ, լոկ հանդիսատես դառնալ և թողնել, որ լեռնացած անիրաւութեան բարձունքից սրբնթաց թափով արշաւող մոլեգնեալ, պղտոր հեղեղը քանդելով, աւերելով հոսի մինչև վերջն ու ցամաքի, իր ետերից անմիտար հեղեղատ, աւերակի քար ու քանդ տխուր պատկերը թողնելով։

Ի միջի այլոց փոքրամասնութիւնը շեշտեց Պալաքեան Գրիգորիս վարդապետի պատգամաւորութիւնը հետեւեալ հիմունքներով։ Պալաքեանը եկել է ընտրութեան որպէս Բուլղարիոյ թեմի առաջնորդ։ Բուլղարիան Տաճկաստանի հայոց թեմ չէ։ մինչև օրս Բուլղարիոյ կառավարութիւնը այդպիսի թեմ չի ճանաչում և ոչ մի առաջնորդ չի ընդունում։ Չորս տարի է որ Պոլսի պատրիարքարանի և Բուլղարիոյ կառավարութեան մէջ այդ խնդիրը գրագրութեանց նիւթէ դառել, բայց ցարդ վերջնի մերժումով է յայտնի։ Պալաքեան վարդապետին չորս տարի յառաջ Պոլսի պատրիարքարանը անուանել է Բուլղարիոյ հովիւ, բայց նա երբէք Բուլղարիոյ հողը կոխած չէ ու հայ ժողովուրդ

հովւած չէ։ Բացի այդ, նա Պոլսումն է և ազգային ժողովում պաշտօն ունի, միչդեռ սահմանադրութեամբ Բուլղարիոյ առաջնորդը միաժամանակ չի կարող ազգային ժողովում պաշտօն վարել։ Իզմիրլեան կաթողիկոսը խաչի կոնդակ է տուել Պալաքեանին, ուր նա կոչուած է Բուլղարիոյ հովիւ, հովիւը առաջնորդ



ԲԵՆԻԿ ՎԱՐԴԱՊԵՏ

Առաջնորդական ներկայացուցիչ Սարգիսի

չէ և թեմ ներկայացնելու իրաւունքից զուրկ է։ Անցեալ կաթ։ Ընտրութեանն էլ Պալաքեանը ապօրինութեամբ է մասնակցել, այս անգամ էլ նոյն ապօրինութիւններն է գործում լոկ ոյժի ոյժով։

Բայց ի՞նչ օգուտ, հայ ժողովորդի անունն ի բերան «քաջ» պատգամաւորների մեծամասնութիւնը

ձայնի առաւելութեամբ օրինաւոր ճանաշեց Պալաք-  
եան վարդապետին, ու մոռացաւ այն ժողովրդին,  
որի ներկայացուցիչն էր նա, որ իր վարդապետի ե-  
րեսը տեսած չէր:

Եատ հետաքրքիր էր և մեծամասնութեան վերա-  
բերմունքը գէպի Ամերիկայի հայոց պատգամաւորը,  
պ. Բերբերեանը.

Զերկարելու համար կարճ ասեմ. Ամերիկայի 16  
գաղութի հայութիւնը Էջմիածնից կաթողիկոսական  
ընտրութեանը մասնակցելու հրաւերն ստանալով, իր  
«ազգային սահմանադրութեան» (որ հաստատուած է  
Խրիմեան կաթողիկոսի կողմից) օրէնքների անշեղ  
տրամադրութեամբ ժողով է կազմում և պատգամա-  
ւոր ընտրում Բերբերեանին, որ Ամերիկայից շտա-  
պում է Էջմիածն։

Ի՞նչ անցք է անցնում յետոյ, դեռ գաղտնիք է,  
վաղուց պաշտօնանկ եղած մի վարդապետ յետոյ մի  
նոր ժողով է անում, մի փոքր խումբ հայերով ընտ-  
րում է Ամերիկայի պատգամաւոր մի ուրիշի, ինքն  
էլ իբրև Ամերիկայի առաջնորդ վեր է կենում գալիս  
Էջմիածնին ու բերում իր ընտրած ապօքինի պատգա-  
մաւորին։

Բերբերեանը սքանչելի մի ճառով դէպքերի յա-  
ջորդական կարգով, սահմանադրութեան յօդուածների  
հիմունքով ժողովրդի արդար իրաւունքի անունով  
պահանջում է, որ ժողովն իր պատգամաւորութիւնն  
օրինաւոր ճանաշի։

Սակայն նրա ձայնը անապատում հնչուող ձայնի  
պէս անլուր մնաց, նա փաքրամասնութեան մէջն էր  
նստած, որոնք արդար էի. համարում նրա պահանջը,

ուստի և Ամերիկայի հայոց իսկական պատգամաւորը  
մերժուեց և կեղծ ու պատիրն ընդունուեց։

Ի դէպ. պէտք էր այդ ժողովումը լինել ու տես-  
նել թէ ինչպիսի ինքնամոռացութեամբ «ժողովրդա-  
վարական, ժողովրդասիրական» բանակը եռանդով ու  
աւիւնով կոսկրառում էր Բուլղարիոյ և Ամերիկայի  
հայ ժողովրդի իրաւունքը և պաշտպանում էր երկու  
կղերական վեղարաւորների, որոնք ժողովրդական  
ձայնը իր կոկորդի մէջ խեղդող դահճճներն էին։

Եւ տարիներով «կղերական» հոչակուած փոք-  
րամասնութիւնն էր, որ ժողովրդի իրաւանց պաշտ-  
պանն էր կանգնել ինչպէս միշտ, սակայն հարկաւ ի  
զուր...

Ի՞նչ ծիծաղաշարժ ու միաժամանակ բարոյապէս  
դալուկ էին այն դէմքերը, որոնք հանդէս էին գալիս  
այդ դիմակախաղի ժամանակը։

Ի՞նչ էր մնում փոքրամասնութեանը, բողոքել և  
հեռանալ։ Չնգուշի պատգամաւոր Գ. Ենգիբարեանը  
ներկայացրեց իր բողոքը, Բեսարաբիոյ պատգամաւոր  
Չուբարը ժողովն անուանեց «խայտառակութիւն»  
և նախագահի վարմունքներն անհանդուրժելի, թողեց  
դիւանը և հեռացաւ, իր բողոքը գրելու։

Մեծամասնութեան մէջ, մեր հակառակորդների  
բանակում երկու ազնիւ հակառակորդ տեսանք, ո-  
րոնք իրենց ազնւութեան զոհն եղան մեծամասնու-  
թեան բարեկամութիւնից զրկուելով. լրանք Աստրա-  
խանի պատգամաւոր երիտասարդ իրաւաբան Ն. Սա-  
թունեանն էր (որ դժբաղդաբար անկարող եղաւ մաս-  
նակցել ընտրութեանը) և Եգիպտոսի պատգամաւոր  
վ. Թէքէեանը։

Ժողովը ցըուեց մեծամասնութեան կատարեալ  
յաղթանակով, եթէ միայն այդպիսի յաղթանակը կա-  
րող է պատուով պատկել յաղթականի ճակատը:

\* \*

Լիազօրութեանց ստուգութիւնների ժողովը հա-  
կառակ կողմերի հաշտութեան նշոյլն իսկ ջնջեց: Այդ  
ժողովում մեծամասնութիւնը հայկական այլանդա-  
կութեան ճամբէն բռնելով՝ փքում էր իր թուական  
ու բռնաւորական ոյժով և իբրև մի հզօր ասպատա-  
կող, յդիացման վայելքի էր նստած իր աւարի ու  
կողոպուտի առաջ: Կոյր էր նա ու չէր նկատում թէ  
ամենայն յդիացումն հիւանդութիւն ու մահ է բե-  
րում. անիմաստ էր նա՝ որ չէր ըմբռնում թէ ար-  
դարութիւնը ոչ մի բռնութեամբ սպանել ընդմիշտ  
չես կարող:

Փոքրամասնութեանը տիրել էր մի խորին լուս-  
թիւն. նա ապուշ էր կարել լեռնացած սևաթոյր  
անիրաւութեան առաջ: Նա դժուարանում էր ըմբռնել  
թէ ինչպէս տաճկական բռնութեան դէմ հեծեծանք-  
ներով, հոգու և մարմնի արիւնով բողոքող այդ Տաճ-  
կաստանի հայ քրիստոնեայ «Եղբայրները», որոնց մէջ  
կային նաև հայ քրիստոնեայ եպիսկոպոսներ, ընդու-  
նակ էին թուական ու կուսակցական բիրտ ոյժին  
յենուելով բռնանալ հայ ժողովրդի սակաւաթիւներ-  
կայացուցիչների վրայ. այս Կայէնի ձեռքն էր Աբէլ  
Եղբօր վրայ բարձրացրած: Ինչպէս կարող էր «լու-  
սամիտ մտաւորականութիւնը» այդպէս կուրօրէն  
ցանկալ, որ ազգի լուսաւորութեան գործը ղեկավա-  
րող կաթողիկոսը կիսակիրթ ու ապիկար անձերի մի-  
ջից վերցուի:

Այս, ապուշ էր կարել փոքրամասնութիւնը, լե-  
զուակապ լուսութեան տուել իրեն, բայց այդ լուս-  
թիւնը ոչ վհատութեան, ոչ հոգեկան անզօրութեան,  
ոչ հաւատի տկարութեան, ոչ աղօտ գիտակցութեան  
էր նշան. ընդհակառակն փոքրամասնութիւնն այդ  
ժամանակ յիշեցնում էր ձմբան դաշտերը, որ ձիւնի  
սպիտակ, թանձր սաւանով են ծածկուած, սակայն  
որոնց խաղաղ ծոցում, կրծքի չերմոցում բոյմն ու  
ընձիւղն են կենսաւորւում, ուր կեանքն է կազմա-  
կերպւում աւողջ սաղմով ու մայր երկրի շնչով: Այդ  
անբարեառ խաղաղութիւնը նման էր ծերութեան  
ալիքն ու դէմքի խորշումները մէկ կողմ գրած ու  
մանկացած ջինջ ու խաղաղ ծովի, որի վրայով անհոգ  
ու սանձարձակ խնձորքի սեղանի առաջ նաւի բաց  
առագաստներով լողում էին կոպիտ ոյժի ներկայա-  
ցուցիչները, առանց մի վայրկեան ըմբռնելու, թէ  
հեռու չէ փոթորիկը, որ խաղաղութեան քօղովն է  
ծածկուած:

Սակայն մեծամասնութեան մէջ եղան փոքրիշա-  
տէ հեռատես անձեր, որոնք մեր պաղ ու զուսպ  
լուսութիւնից ցուրտ զգացին և կամեցան իրաւախո-  
հութեան հողի վրայ համաձայնութեան սերմեր սփուր:

Երկուատեք կարգուեցան ներկայացուցիչներ. փոք-  
րամասնութիւնից՝ Յովհաննէս Սպենդիարեան, Սամոն  
Զէրքէզեան, Թաղէսս Զաքարեան, Արշակ Բաբեան,  
Համբարձում Առաքելեան: Մեծամասնութիւնից՝ Թոր-  
գոմ և Խորէն եպիսկոպոսներ, Մատթէսս վարդապետ,  
Կարամանեան, Միքայէլեան: Սոքա դիւանի նախա-  
գահի և անդամների ներկայութեամբ համաձայնու-  
թեան խնդիր պիտի մշակէին փոխադարձ զիջողու-

թեամբ, արդիւնքը պիտի զեկուցանէին իրենց ընդհանուր ժողովներին ի տնօրէնութիւն,

Այդ խորհրդակցութեան մէջ սուտն ու խորածանկութիւնը, որ իրենց հետ ըերած են եղել մեծամասնութեան ներկայացուցիչները, բաղխուռմ են խելքի ու շիտակութեան հետ, որով զինուած էին միշտ փոքրամասնականները։ Հարկ չկայ այդ մեծամասնութեան դաշը մուրհակների պատառուումը նկարագրել։ Միայն իբրև օրինակ, իբրև նմուշ կարելի է յիշել հետեւալ երկխօսքը. որով Սեբաստիոյ առաջնորդ պերճախօս (ու զոյտ ընդ սմին մի այլ բան) Թորդոմ եպիսկոպոսը դիմում է փոքրամասնութեան։

— Զանը, վաղ եկէք Օրմանեանից, ի՞նչ կուզէք անորմէ, արդէն 80 տարեկան զառամեալ ծերունի մըն է, ան ի՞նչպէս կընայ կաթողիկոս ըլլալ։


Սրբազն հայր, Օրմանեանը 80 տարեկան չէ, այլ 70 միայն, վրայ է բերում Զէրքէզեանը, եթէ Օրմանեանի տարիքի մէջ 10 տարի սխալ էք անում, ուրեմն նրա կեանքն ու գործունէութիւնը նկարագրելս որչափ սխալ կանէք։

Զէրքէզեանը քրիստոնէութեան քարոզին այս դասը տալիս անշուշտ կամեցել է ասել՝ «Յրի, բրատեց դա զնայ մերը»։

Ի՞նչ են առաջարկել մեծամասնութեանը փոքրամասնութեան ներկայացուցիչներն այդ ժողովում։ շատ փոքր, շատ չնշին բան։

«Որովհետեւ խորապէս համոզուած ենք, որ Ռուսաստանի գրեթէ ամբողջ հայութիւնը Օրմանեան Սրբազնին արժանաւորագոյն ընտրելի է համարում և մենք գիտակցում ենք, որ նա է արժանաւորագոյնը,

ուստի մեր խղճի առաջ պատասխանատւութիւն ենք յանձն առել նրա ընտրելիութիւնը պաշտպանել, այդ իսկ պատճառով առաջարկում ենք նախ և առաջ քառանուն ցանկի մէջ մտցնել Օրմանեանի անունը։ Երեքը գուք դրէք, մէկը մենք և որովհետեւ ձայների առաւելութիւնն ունիք, ուստի և կարող էք քուէար-



ՅՈՒՍԻԿ ՎԱՐԴԱՊԵՏ

ՊԵՊԱՄ ՍԻՆՈՎԻ

կութեան ժամանակ սևացնել նրան։ Այս է մեր առաջարկութիւնը և այս հողի վրայ միայն հաշտութիւն կարող է լինել ու բանակցութիւնները շարունակուել։

Յանձնաժողովը իր գեկուցումն անում է ընդհանուր ժողովներին։ Զորից ընտրութեան նախօրեկի եւ

րեկոն է։ Մեծամասնութիւնն իր ժողովն է գումարել մատենադարանի գահինում, իսկ մենք խմբուել ենք Յուսիկ վարդապետի ընակարանում։

Ասեցինք յանձնաժողովի գեկուցումն։ մեր հաւկառակորդների տրամադրութիւնը հիմք ընդունելով, ըմբռնեցինք, թէ մեծամասնութիւնը ոչ մի զիջումն անելու չէ։ Նա ոչ միայն Օրմանեանին քառանուն ցանկը մտցնելու չէ, այլ նոյնիսկ Սուքիաս ու Կարապետ եպիսկոպոսներին։ «ոչ Օրմանեան և ոչ օրմանական» ասել էին ոմանք։

Հարկ էր, որ մենք պատրաստ լինէինք, զգացինք թէ նրանք իրենց վախճանական պատասխանը կարող էին ուշացնել և մեզ յանկարծակիի բերելով տաճար տանել ու ակամայից մասնակցել տալ ապօրինի ընտրութեան։ չէ որ նախարարութեան հրահանդի մէջ ասուած էր, որ տաճարումը եղող պատգամաւորը ձեռնպահ մնալ չէր կարող։

Մտախոհ էինք մենք, տապնապի գիշերն էր մեզ համար։ Մեր գիտակցութիւնն ասում էր թէ մեր ընտրելիներն արժանաւորագոյներն են Լուսաւորչի Աթոռը բազմելու համար։ մեր խիղճը ձայնակից էր մեր գիտակցութեան և ժպտում էր մեզ, երբ ծրագրում էինք տեղի տալ կոսիտ ոյժին և հեռանալ ժողովից, գալիք օրերու ծանր պատասխանաւութիւնը ձգելով յոխորտացող անիրաւութեան վրայ։ «Հեռանալ տաճաշից» ծանր էր հնչում շատերի համար և վարանման մէջ ձգում։ Եւ մենք աշխատում էինք համոզել իրար՝ անել թէ չանել այդ քայլը։

Համազգային ընտրական ժողովից հեռանալու միտքն իբրև բողոք պարբերական դարձող անիրաւու-

թեան դէմ ծագել էր իմ մտքում դեռ մայիս ամսին էջմիածնում։ Ես գեռ երիտասարդ սարկաւագ էի, երբ Խրիմեանի ընտրութիւնը եղաւ, ուր բռնութիւններ գործ գրուեցան, որոնց դէմ լռեցին խոհուն, բայց անարի պատգամաւորները Որպէս բռնութեանց դէմ բողոքողների ինձ և Ղեոնդ սարկաւագին ժամանակի բռնութեանց դեկավարները վանքում բանտարկեցին։

Ես տեսայ իզմիրլեանի ընտրութիւնը, թաղումը, երբ նեղսամիտ պատգամաւորները բարոյական ու ֆիզիքական ճնշումներով խեղեցին արդարութեան ձայնը յանցագործներին, ապիկարներին «ի վառս» հանելով և անմեղներին ու շնորհալիներին գահաւէժ անելով ու զրպարտութեան պեղած գուբը գլորելով։

Այս զրութեան պատուզը գառնահամ եղաւ տարաբաղդ ու կոյր ազգի համար։ բարոյական, տնտեսական, կրօնական ու մտաւոր աւերակները բաժին եղան հային, որ բուի նման փլատակների վրայ հաստատեց իր բոյնը, վայելով ինք զինքը և այս պատկերի առաջն իսկ կուսակցական կարճամիտ տեսութեամբ տարուող կոյրերը՝ նոր աւերակների հեղինակներն աւերակաց աշխարհում, կոյր, անսիրտ ու անզիղ մնացին։

Արդ, մտածում էի ինքս ինձ էջմիածնի սիրուն լճակի ափին մտքամոլոր շրջելիս։ Եթէ մօտակայ հայրապետական ընտրութեանը դարձեալ կուսակցական մի բազմութիւն խուժանական հոսանքով կը զայ, կը լցուի էջմիածին ու դարձեալ անձնական հաճոյքի կամ շահի տեսակէտով կը կոխկրտէ արդարութիւն ու աղգի վսեմագոյն շահերը, փոքրամասնութեանը

մի բան կը մնայ անելու. վեր կենալ, տաճարի մէջ շուռ գալ գէպի արևմուտք «հրաժարիմք ի սատանայից և յամենայն խաթէութեանց և բոնութեանց նոցին» ասել և հեռանալ. Եղկելի, թմրած, անդիտակից ազգ է մեր գովական հայ ազգը. քո խօսքը, հայրենասիրական ճիշը նրան չեն սթափեցնի իր մահաբեր թմրութիւնից. Պէտք է երկրաշարժի որոտ, ահեղ ցնցում, որ նա աչքը բաց անի ու տեսնի որ անդունդի բերանումն է պառկած մթան մէջ։

Իսկ այդպիսի որոտ ու ցնցում յառաջ կը բերէ միայն լրջմիտ փոքրտմասնութեան հեռանալը տաճարից։

Ինչպէս մի գիւտ արած փութացի Սուքիաս սրբազնի մօտ, որ սենեկի դռանը նստած օրուայթերթերն էր կարդում։

Սուքիաս սրբազնը իր փորձառութեան ու բնական խելքի ոյժով վայրկենաբար ըմբռնեց խնդրի կարևորութիւնը և իրեն յատուկ շեշտով որոտաց. «Այս, ուրիշ ճանապարհ չկայ. ես միշտ պատրաստ եմ։»

Նոյն միտքս հաւանութիւն գտաւ և ընկերիս՝ Յուսիկ վարդապետի կողմից։

Տփիս գալիս նոյն խնդրին ես գեռ Մայիսին, հուսկ յետոյ նոյեմբերին արծարծեցի բարեկամաց շրջանում. Նրբամիտ Զէրքէզեանը համաձայն էր այդ գործելակերպին. հակառակ էր ու զարմանք յայտնեց իմ մտքի գէմ մի յարգելի պարոն, որը բարեբախտաբար էջմիածնում իրերի զիմացը կանգնելով, յարեցաւ մեզ և մի սքանչելի ճառ և կոչ կարդաց մեր խմբի մէջ, հեռանալու համար։

Ահա այս խնդրի՝ տաճարից հեռանալու, բայց ոչ առանց բողոքի, ոչ լսելեայն, շուրջը սկսուեցաւ մեր ճառերը այն գիշերը՝ որը ես տաղնապի գիշեր եմ անուանում։

Դիմեցի մեր ամենօրեայ և գիշեր ու ցերեկուայ նախագահին՝ որ այնքան էր ընտելացել զանգակին, որ զանգահարելով նիրհում էր շատ անգամ, Հ. Առաքելեանին և խօսք խնդրեցի։

Հաշիւ եմ տալիս ես հայ ազգին և զիս ընտրողներուն, ուստի և յիշատակեմ այստեղ ինչոր խօսեցի։

\* \*

«Պարոններ, Ուսւսաստանի հայոց մեծագոյն մասը թմրութիւնից արթնցածի թարմ գիտակցութեամբ այս ընտրութեանը մասնակցելու համար պատգամաւոր է ջոկել լաւագոյն ու լրջմիտ հայերին. Նա իր ընտրեալներին նախորոշումներով ու պարտաւորական հրահանգներով չի կաշկանդել, վստահ լինելով նրանց խղճի մաքրութեան, մաքի պայծառութեան ու անբիծ հայրենասիրութեան վրայ. Սակայն այդ ժողովուրդն ամենուրեք բուռն ցանկութեամբ յուսացել է՝ թէ իր ընտրեալները կը պաշտպանեն այն անզուգական արքեպիսկոպոսի ընտրելիութիւնը ի գահ հայրապետական, որին Պօլսի մոլեգնեալ ու վատարի խուժանը փողոցներում անարգեց, դառն ապերախտութեան արատն ընդունելով իր վրայ. Ընտրելի պատգամաւորները ժողովրդի ցանկութեան ընդառաջ գնալով՝ նախընտրական ժողովներում իրենց ճառերով բացարձակ արժանաւոր հոչակեցին Օրմանեան Սրբազնին և ընտրուեցին պատգամաւոր. Այժմ, երբ Օրմանեանի անունն իսկ քառանուն ցանկի մէջ գնելու

յօժարութիւն չունի հակառակորդ մեծամասնութիւնը, ձեզ մնում է մի բան՝ հաւատարիմ լինել ժողովը զինքնին և ինքներդ ձեզ և չմասնակցել ընտրութեանը։ Այլապէս ի՞նչ հաշիւ պիտի տաք այն ժողովրդին, որին բարոյական խոստումն էք արել Օրմանեանի ընտրելիութիւնը պաշտպանել։ Ի՞նչ կը լինի ձեր զրութիւնը, եթէ կոպիտ ոյժին տեղի տաք ու միանաք մեծամասնութեան հետ մի այնպիսի կաթողիկոս ընտրելու, որ ձեզ ուղարկողներին հակառակ լինի։ Ո՞չ, դուք այդ չեք անի, դուք ազնիւ էք, դուք կը հեռանաք այդ ժողովից։

Չեզնից անբաժան պիտի լինին յանուն նոյն գաղափարի էջմիածնի միաբանութեան և Տաճկաստանի հայ թեմերու այն պատգամաւորները, որոնք գաղափարով համամիտ են ձեզ ու Օրմանեան Սրբազնին համարում են արժանաւորագոյն կաթողիկոսացուն Նրանք էլ պարտաւոր են խօսքի և գործի մէջ ներդաշնակութիւն պահել. այս նրանց բարոյական պարտաւորութիւնն է։ Ուրեմն նրանք էլ պիտի հեռան ժողովից։

Բայց, պարոններ, Օրմանեանի անձնաւորութիւնը չէ, որի համար դուք այդպիսի անօրինակ պատմական քայլ պիտի անէք. այսաեղ կայ երկու այլ զօրեղ հանգամանք, երկու խոշոր սկզբունք, որոնք Օրմանեանի անձից բարձր պիտի լինին մեզ համար, և որոնք այնուամենայնիւ ձեզ պարտաւորեցնում են հեռանալ ժողովից։ Առաջինը՝ ընտրական ապօրինութիւններն են, որոնց դէմ դուք պէտք է բողոքէք յանուն հայ ժողովրդի ընտրական ազատութեանը եթէ այսօր հայրապետական տեղակալը և Պոլսի պատրիար-

քական տեղակալը իրենց իշխանական դիրքով, իրենց գաւազանի զօրութեամբ կարող են ժողովրդին ազգարարել, որ իրենց ցանկացած անձերին պատգամաւոր ընտրէ, վաղը նոյնպէս մի ուրիշ զոյգ տեղակալներ նոյն խաղը կարող են խաղալ և ժողովրդի



ԳԱՐԵԳԻՆ ՎԱՐԴԱՊԵՏ

Առաջնորդական ներկայացուցիչ Տիգրանակերտի

անունով իրենց մարդկանցը բերել տալ էջմիածին և ազգի ու եկեղեցու վզին իբրև կաթողիկոս փաթաթուիլ ու օրաւուր սասցնել ժողովրդին իր եկեղեցուց եկեղեցու և ազգի ընտրական սկզբունքը փըրկելու համար հարկ է բողոքել և հեռանալ։

Երկրորդ՝ պարոններ, երբ ես լսեցի, թէ մեր

հակառակորդներն ասել են, թէ «ոչ Օրմանեան և ոչ օրմանական», ոչ Սուբիաս, ոչ Կարապետ», ես ցնցուեցի ու ընտրելիների անձերը մոռացութեան տուի. մտքիս մէջ կանգ առաւ մի ուրիշ նշանաւոր ծանրակըշիս ու վտանգաւոր հանգամանքը ես հասկացայ, որ այս կաթողիկոսական ընտրութեան պայքար չէ, այլ երկու ուղղութեան ահեղ բաղխումն.

Մեր ցաք ու ցրիւ տառապեալ եկեղեցին, մականազուրկ ազգը դարերով պահել, փրկել ու բերել մեզ է հասցրել իր գոյութիւնը կենսակրթական-կուլտուրական ճանապարհով՝ 20—25 տարի է, որ օտար հովերի ազգեցութեամբ մեր կեանքի մէջ բուսաւ մի ուրիշ ուղղութիւն, որ դարաւոր ուղղութեամը հակառակ ուղղութեամբ կամեցաւ վարել ազգի և եկեղեցու գործերը, հայկական կեանքն ու հաստատութիւնները էլ աւելի կարճ ճանապարհով, էլ աւելի արագութեամբ ու թափով բարձրացնելու, բարուոքելու խոստումն անելով:

Այս նոր ուղղութիւնը՝ որ իրեն ազատամիտ առունը տուաւ, ես անուանում եմ «ազգային մոլորութիւն»: Հանգամանքների բերմունքով նա յաջողեցաւ հայ ազգն ու եկեղեցին իր հայրապետով հանդերձ հանել իրենց շաւզից և դնել իր ճանապարհի վրայ առանց կանխատեսութեան, թէ այդ ճանապարհը անդունդով է վերջանալու:

Մենք՝ «խաւարամիտներս», «կղերականներս», ինչպէս սովոր են մեզ կոչել մոլորեալները, ակամայից տեղի տուինք, անկիւններ քաշուեցանք կամ վըտարուեցանք ասպարէզներից: Նոր ուղղութիւնը ծովացաւ ու իր գիրկն առաւ նոյնիսկ բաղմաթիւ հո-

գեորականների, մանր ու խոշոր, որոնք ոյժ տուին նոր անուղիղ ուղղութեան:

Եւ մենք գրեթէ քսան տարի ականատես ու առկանջալուր եղանք սոսկալի անկման. մեր աչքի առաջ կանգ առաւ հետեւեալ տիսուր, սրտաճմլիկ պատկերը՝ միացող հայ գիւղ ու քաղաք, անտէր որբերի բանակ, վարժարաններ՝ անիմաստ ու անբովանդակ, աղքատութիւն անօրինակ, բանգերը հայ ծաղիկ երիւտասարդութեամբ, վանքերն՝ աւազակութեամբ լի. Եկեղեցականութիւնը՝ հաւատից, ժամերը՝ ժողովրդից թափուր: Բարի վարկ ունէինք օտարերի առաջ, այն էլ կորցրինք, մեր ազգային պատիւն էլ վրայ տալով:

Այս արիւնոտ ու փոշոտ պատկերից հայ ժողովուրդը կշատցել է, թմրութիւնից սթափուել և ձեզ դրկել է այստեղ այնպիսի կաթողիկոս ընտրելու, որ շեղումից հանէր հայ ազգն ու եկեղեցին: Օրմանեանը անձի անուն չէ այլև նրա համար, այլ կենսակրթական ուղղութեան անուն, որի հետ բաղմուելու է եկել մի անգամ ևս մոլորութիւնը:

Եթէ գուք այժմ էլ տեղի կտաք մոլորեալներին ու զօրեղապէս չէք բողոքի նրա դէմ, նա էլ աւելի կը հաստատուի իր մոլորութեան մէջ և աւերն էլ աւելի կը շարունակուի: Խսկ տեղի չտալու համար, գալիք օրերու սիալ գործերն ու անարժան կաթողիկոսութիւնը չքաջալերելու համար, գուք պարտաւոր էք մի փառաւոր նահանջով յետ քաշուիլ այս ընտրութիւնից: Ազգը ձեզնից գոհ կը մնայ, մոլորեալները գինարբութիւնից կը սթափուին, անարժան թեկնածուները կըցնցուին:

Մէկ ճանապարհ կայ մեր առջև պատուով ցան-

ուած՝ «հեռանալ ընտրութիւնից»։

Այս իմաստով խօսեցին մեր լաւագոյն ընկերները, որոնց ես «մատեան դունդ էի անուանում. Յովհաննէս Սպենդիարեան, Սամսոն Զէրքէզեան, Սղեզսանդր Քալանթար, Գէրդ Չուբար, Գարեգին Ենգիբարեան, բժ. Շխեան, Խաչատուր Աֆրիկեան, Տէրեղիշէ Դեղամեան, Համրարձում Առաքելեան, Արշակ Բաբեան»։

Հաճութեամբ կը շարէի այստեղ նրանց ճառերը եթէ էջմիածնում մտադրութիւն ունեցած լինէի լրագրութեանը յանձնել այս նկարագիրը և միտս պահած լինէի։

Այս ուղղութեամբ գործելուն նպաստաւոր եղան ժողովրդի ականաւոր անձերից հէնց այդ օրն ստացաւած հեռագրերն ու նամակները, որոնք ժողովրդի տրամադրութիւնն էին ցոլացնում մեր առջե. «հեռանալ ապօրինի ժողովից»։ Եկան և օրուայ թերթերն ու բերին նոյն տրամադրութիւնը. ի գէպ. աչքի ընկան Ստեփան Մալխասեանի տաք ու կտրուկ յօդուածը «Մշակում», Սպանդար Սպանդարեանինը «Սուրհանդակում»։

Եւ մենք՝ առանց Աւետարանի վրայ ուխտ անելու, վճռեցինք պարտք կատարել. Փութացինք բողոքը կազմել ու ստորագրել և պատրաստ կենալ։

Հարց դրուեց բողոքը տալու ձեկի և ժամանակի վրայ. ես առաջարկեցի այն ձեզ և ժամանակը, որ ընդունեց ժողովը որպէս լաւագոյնը և վայելուչը, ինչպէս և կատարուեց. Հարկ զգացուեց մեր կատարելիք քայլի մասին նախապէս յայտնել պետութեան ներկայացուցչին, որպէսզի թիւրիմացութիւններ յա-

ռաջ չգային. Ժողովը այդ բանը յանձնեց Սպենդիարեանին և Չուբարին։

Մենք գեռ սպասում էինք մեծամասնութեան պատասխանին. գրեթէ միաձայն որոշել էին գաղտնի քուէրկութեամբ մերժել փոքրամասնութեան առաջարկը և ոչ մի զիջումն չանել։ Խնդիրը վերջացած էր մեզ համար. վճիռն անդառնալի։ Եւ մենք ուշ գիշեր պառկեցանք քնելու հանդիսա ու անդորր խղճով, բայց ոչ ուրախ, մտքի ալեկոծութիւնիցն ուժաթափ։

\* \*

Առաւօտ է. արեն երեր ու աշնան աղքատ երկնքի ամպեղէն ցնցոտիների պատառուածքներից վար էջեցնելով իր շողերը՝ ազօտ լոյս է ցողել խաւար ու տխուր էջմիածնի վրայ։ Լուրջ փութկոտութեամբ թողինք մեր անկողինները, իջանք բնակարաններից, հասանք վանքի բակը, մատենադարանի հրապարակը, որոնք ժողովրդով ու պատգամաւորներով են ամբոխուած։

Մեր վճիռն այլևս գաղտնիք չէր. խօսք ու զրոյցի, ցաւ ու տրտունջի նիւթ էր գարձել այն հրապարակի վրայ։ Ժողովուրդը՝ որ բակ էր կապել 16 գարեան կաթողիկէի շուրջը, որ տխուր բայց գոհ էր մեզնից, կարծես հայկական դարաւոր բնագդով պարսպել էր տաճարը, որ անիրաւութեան հեղեղը տարերական ոյժով նրա դոներիցը ներս չհոսի, անարժան ընտրութեան լուրը մուրճի ծանրութեամբ չնարուածէ Լուսաւորչի գրած հիմնաքարը։ Զէ՞ որ ամեն անգամ՝ երբ ատելութեամբ կուրացած հայեւը «Աստուածակառոյց Մեծի Աթոռոյն» հիմքին են դիսլչում անիրաւութեան մուրճով, շարժւում է տաճարը,

ճշում են հիմքերը Մասեաց սարերի, ձորերի մէջ ու  
ըստ ու արձագանք փոելով, դղբում են սեղանները,  
շըջում են խաչերն ու աւետարանները նրանց վրայ,  
և Միւռոնը արտասուքի խոշոր կաթիլներով պղպջակ-  
ներ է հանում իր երեսին կաթսայի մէջ ու խուլ  
հեկեկանքներով եռում, կանթեղները կամարներից  
վար են թափւում. զանգերն իրենց իրենց ահաւոր  
թաղման զօղանջով են որոտում, սևաթոյը ամպերով  
ծածկում է Մայր Էջմիածնի երկինքը, ծոցերը որոտ-  
մունքով լի, արգանգը կայծակներով յղի, հրեղէն գե-  
տերով հոսում են փայլակները ահ ու սարսափ, ա-  
հեղ զարգանդ թափելով հայ ազգի թշուառ մնացոր-  
դի վրայ, որ հայոց աշխարհի սրտում, Մայր Էջմիած-  
նումն է հիւսել իր բոյնը ու պատսպարուել աշխարհի  
արհաւիրքներից:

Այս ամենը տեսնում, լսում, զգում են սակաւ  
ընտիրներն ամեն անդամ, երբ ինքնասպան ու ուշա-  
կորոյս ազգի կոյր հարուածը «Լուսաւորչայ հիմքն է»  
բախզում ու տաճարի կաթողիկէից քարեր են թափ-  
ւում: Եւ ահա նա, հայ ժողովրդի հաւատով մնացոր-  
դը ինքն իր անձով պարիսպ քաշել, բակ է կապել  
Մայր Տաճարի շուրջը ու թոյլ չի տայ, որ անիրա-  
ւութիւնը տաճարի ներսը հոսի ու հարուածէ Լուսա-  
ւորչահիմն հաստատութիւնը:

Բայց նա մի լեռնաշարժ հեքով զլորում է վար  
իր հոգու վրայ ծանրացած վէմ քարը, երբ նկատում  
է թէ մի փոքրիկ՝ բայց հարազատ բանակ կայ հոգով  
սոլառազինուած, որ կը մտնի Տաճար «զբարուոք պա-  
տերազմն» կը պատերազմէ, կը պաշտպանէ հայրենի  
տան սրբութիւնն ու պատիւը, կը պարտուի նիւսա-

լաւուրտի զօրութիւնից, կընկնի տաճարի շէմքի վրայ,  
բայց յաղթական կը մնայ և կապրի պատմութեան  
ու հայ ժողովրդի սրտի մէջ անդատապարտ անունով:  
Եւ ժողովուրդը քանդեց իր պարիսպը, մեկուսա-  
ցաւ՝ հանդիսատեսի վիճակն ընդունուելով:



ՏԻՐԱՅՐ ՎԱՐԴԱՊԵՏ

Ներկայացնեցից Ընտառարիոյ առաջնորդի

Այլ պատկեր էր մատենադարանի հրապարակում,  
ուր ժողովրդից մեկուսացած, ցաք ու ցրիւ խումբ-  
խումբ կանգնած էր խստապարանոց հզօրը՝ պատզա-  
մաւորների մեծամասնութիւնը, իր թուական ոյժի  
գիտակցութեամբ փարաւոնացած, որ պատրաստ է  
երկաթապատ կառօք և երիվարօք վրայ հասնել անի-  
րաւութեան երեսից փախչող հսրայէլին. և Կարմիր

ծովի ալլիքների տակը թաղել նրան:

Ընդդիմադիր բանակի ականջին հասել էր մեր վճռի ձայնը, մեր ծրագրած նահանջի լուրը, բայց միայն բաղսել էր նրա լսելիքն ու փակ դռնից յետ դարձել, առանց նրա մտքին ու սրտին համնելու։ Նա չէր հաւատացել թէ սակաւաթիւ հակառակորդը այդպիսի քայլ կանի, ու կարծել էր թէ մեր տկարութիւնը ծածկելու ու հակառակ բանակում շիռթութիւն յառաջ բերելու նպատակով սուտ լուրեր ենք հնարում ու թևաւորելով թոցնում իրաւունք ունեին. վասն զի Երբ էք տեսել որ ստութեամբ ու կեղծիքով օրօրուողները շիտակ խօսքին, համարձակ ու ճակատով գործերին հաւատան. Երբ էք տեսել որ կոտիտ ոյժին յենուածները բարոյական յաղթանակին հաւատան:

Սակայն ժողովրդի դէմքից դէպի մատենադարանի հրապարակը հոսող ատելութիւնն ու արհամարհանքը իբրև ձմրան պաղութիւն սողոսկելով մտաւ մեծամասնականներից ոմանց սիրտը և ստիպեց որ լրջանան, առանց գինու արբեցութիւնից ուշքի գանեւ երբ համոզուեցան թէ տարածուած լուրերը փախչող նապաստակներ չեն, Յովիանի դղմենու նման թուոմեցան, սալացած պաղեցան ձմրան ջրերու նման ու իբրև յանցագործ ծրագրներով լի զլուխները արել կորցրած արևածաղկի նման կախ ընկան երկրահայեց:

Ժամի 9-ին պարտաւոր էինք զանգի ձայնով հաւաքուիլ վեհարան և այստեղից կարգաւորեալ շարքով իջնել Մայր Տաճար, քառանուն ցանկի շուրջն ընտրութիւն կատարելու։ Ժամն անցել է, լուս է

զանգը, հզօրների ներկայացուցիչները վագում են պետական ներկայացուցի, դատախազի և տ. Տեղակալի բնակարանները «արհամարդուած» փոքրամասնութեան վճռի մասին զեկուցանելու, խորհելու, ելք հնարելու։ Ոմանք էլ մեր ներկայացուցիչներից ոմանց հրաւիրում են նորից իրաւախոն լինելու, յորդորելու որ ծրագրած քայլից յետ կենանք։

Սակայն Յովիաննէս Սպենդիարեանի բերանով մեզնից լսում են. «Մենք զիտէինք, որ պատգամաւորներից շատերի ընտրութիւնը ապօրինի է, բռնազբօսիկ, հակաժողովրդական, սակայն այդ ճշմարտութեան վրայ դեռ տարակուսում էինք մինչև երեկ երեկոյ։ Լիազօրութիւնների ստուգութեան երեկուայժողովը փարատեց ամենայն կասկած և մեզ բացարձակապէս համոզեց, որ այս պատգամաւորական ժողովը ապօրինութիւններով է հարուստ և ժողովրդական։ Կեղեցական իրաւանց ու սկզբունքների խախտումովն այլանդակուած։ Երեկուանից մեզ համար կաթողիկոսացու անձերը երկրորդական են դառել, մենք նրանց վրայ էլ չենք մտածում։ Մենք բողոքում ենք ձնշումներով կարգուած՝ այլ ոչ ժողովրդական քուէներով ընտրուած պատգամաւորութեան դէմ և հեռանում ենք և մեր վճիռն անդառնալի է։ Ակսել եք, շարունակեցլը և տարէք ձեր յաղթանակը, ձեզ պսակող դափնիների վրայ աչք չունինք մենք»։

Մինչ բանակցութիւնները շարունակում էին, մենք իմացանք հետեւեալը. նախընթաց զիշեր մեծամասնութիւնը ժողով է կազմել լսելու իր ներկայացուցիչներից մեր առաջարկը. քառանուն ցանկի մէջ մեր կողմից գէթ մի հատիկ ընտրելի ընդունել։

Խնդիրը քուէարկութեան են զնում է միաձայն, առանց մի քուէի, մերժում են ամենայն զիջում և հաշտութիւն։ Ի գէպ, այդ մի քուէն յօգուտ համաձայնութեան տուել է մի վարդապետ, որի անունը յայտնագործել և էջմիածնի հալածանքին ենթարկել, վիճակակից դարձնելով ինձ, չեմ կամենում։ Սակայն ժողովի և մեծամասնութեան ղեկավարները փութացել էին հաւատացնել մեզ, թէ իրենք շատ են աշխատել համերաշխութեան օգտին, բայց յաջողութիւն չեն գտել։ Այսպէս էին ուզում իրենց ուղղամտութեան մէջ համոզել մեզ այն ղեկավարները, որոնք գործով համաձայնութեանը ու քուէ էին տուել։ Եւ սրանք ազգի պատգամաւորներն էին, երկու օր առաջ Մայր տաճարի մէջ Աստուծոյ և հայ ժողովրդի առաջ իջման սեղանի սրբութեանց դիմաց երդում տուած, որ ճշմարտութեամբ, ուղղամտութեամբ, Աստծուն, ազգին և կայսերական օրինաց հաւատարմութեամբ պիտի խորհին, գործեն, և արժանաւուրագոյնին ընտրեն։

Սակայն ես շարունակեմ. և այդ շարունակութեան մէջ պիտի երևայ, որ մեր երդմանակեր «ազնիւները» երդուել և ուխտել էին շարան-շարան խաբերայութիւններից մանեակ հիւսել իրենց բարձր վերի համար. այսպէս են երդւում այն մարդիկ, որ սուրբ գործին անսուրբ խորհուրդներով են մերձենում.

Պատմեցին մեզ նաև, որ քառանուն ցանկը կազմելիս, մեծամասնութիւնը գրով և Աւետարանով ուխտ է կնքել միաձայն, (հարկաւ առանց մեր մասնակցութեան) 91 ձայնով երկանուն ցանկը գաղտնաբար

քուէարկելիս ընտրել որպէս առաջին թեկնածու Դուրեան եպիսկոպոսին, իսկ երկու երկրորդներին Մեսրոպ և Սուրէնեան սրբազններին տալ 60 և 50 քուէ։

Թէ ինչպէս հաւատարիմ մնացին և այս ուխտին, թէ ինչ արժէք ունեցաւ Աւետարանը այդ «ազնիւների» համար, այդ մասին յետոյ։

Ի գէպ. մեմ էին ընտրում «ուխտեալները» ի գահ հայրապետութեան... Զէ, լոեմ լաւ է, առանց այն էլ լեղիով ու քացախով խառն է այն բաժակը, որ «սրբազն հայրերս» տարիներով շրթունքներիցս չեն հեռացնում։

Ժամի 11-ն էր. իրարանցումը դադարեց, զանգը մեզ վեհարան հրաւիրեց։

Այդ զանգի ձայնը սովորական զօղանջը չէր ինձ համար. քսան տարի ականջս շարունակ լսել էր էջմիածնի զանգերի մերթ ուրախ ու կայտառ, մերթ տիսուր ու մելամաղձիկ զօղանջը. բայց այս անգամ նման չէր նա և ոչ մի անգամուայ. Նա աղօթքի հրաւիրակ չէր և ոչ թմրութիւնից արթցնող կոչնակ, այլ նա մի ահազանգ էր կարծես, կայծակներից փոխ առած որոտ, անիծամօր ողբ ու հառաջ, վայող բուի վայնասուն շեշտով։ Ես փախչում էի այդ ձայնից, շտապում վեհարան, որ էլ չլսեմ այն ձայնը։

Ի գէպ. այդ զօղանջին ներդաշնակ մի մարդկային ձայն լսուեց պատգամաւորների միջից. մի պատգամաւոր տղայ հրամայական շեշտով կանչում էր իր ընկերներին «բժ. Կ. լսեցէք, ինչ որ ասի նրան լսեցէք»։

Պատգամաւորներից մի խղճմիտը բայց անարին

հարցնում է ընկերին. — Աղբար, աղիկայ վ՞կ է, որուն  
կուզեն որ լսենք կոր, ի՞նչ բժիշկ է, պատգամաւոր  
մըն է:

— Զէ, աղբար, անիկայ պատգամաւոր մը չէ, էն  
շտէ, ակույ կարկանող մըն է, բժիշկ կըսեն, անոր  
ալ պիտի լսենք եղեր, հասկցար:

— Էն ի՞նչ ընենք, աղէկ, անոր ալ լսենք, ի՞նչ  
ընենք աղբար, ի՞նչ...

Այս խօսակցութեան հետ մտքիս մէջ զուգորդ-  
ւեցաւ մի դէպք, որ երեկ երեկոյեան տեղի ունե-  
ցաւ. վշտով, ցասմամբ, յուսահատ զայրոյթով ու  
զզուանքով լի մտնում է մեր ժողովը մի տաճկաս-  
տանցի հայ վարդապետ, մի բարեխիղճ, արդարակո-  
րով հայ եկեղեցական ու դրան ետևից սկսում է իր  
խօսքը ծանր հեքով.

— Այս, այսպէս, կը տեսնաք, եղբայրներ, ինձի  
կըսեն շուտով Տաճկաստան պիտի յետ դառնաս եա,  
հոն կը տեսնենք քո հաշիւդ: Ինձ սպառնալիք կու-  
աան, սակայն ես չեմ վախնար, ես ճշմարտութիւնն  
ուրանալու ախտը չունիմ, չեմ կընար, կուզեն կեան-  
քըս առնել հոգ չէ»: Եւ մենք պղած աչքերով նա-  
յում էինք այդ անուշ վարդապետին ու տաք սրտով  
սիրում նրան:

Այսպէս «ուխտաւորների» «երդմնակերների» բա-  
նակը հրաման ու սպառնալիք սփուելով իր շուրջը,  
խղճի և խոհականութեան ձայնը խեղդելով իր մէջ,  
գնում էր վեհարան ահազանդի ելևէջով:

\* \* \*

Դէպի վեհարանի պարտէզը տանող դարպասից  
ներս մտնելով աշխարհիկ պատգամաւորները թեքւում

էին դէպի ձախ և ուսած կարգով շարւում դուրսը  
սալայատակի վրայ. հոգեորները դէպի աջ թեքուե-  
լով՝ բարձրանում էին վեր և մտնում վեհարանի ար-  
տաքին դահլիճը:

Ես էլ՝ մտայ: Դահլիճը լիքն է վեղարաւորներով,  
մերարկուներով, ոսկի, արծաթ շողակնազարդ լանջա-  
խաչերով, շքանշաններով: Այս բոլորի մէջ պակաս են



ՄՈՒԾԵ ՎԱՐԴԱՊԵՏ

Առաջնորդական ներկայացաւցիչ Թալուի

մարդն ու քրիստոնեան, որ զարդարէին այդ ամենը,  
փայլ տային վեղարին ու վերարկուին, խաչին ու  
նշանին, որոնք այնքան նսեմ, անարժէք են, երբ չա-  
րախորհուրդ գլուխներ, հպատակ պարանոց, ատեցող  
կուրծք են զարդարում:

Ո՞րքան քիչ մարդ կար այգտեղ, քրիստոնեայ մարդ, Աւետարանի ուխտաւորների այդ հոյակապ կաճառի մէջ:

Աչք ածեցի այդ հաւաքածուն, այդ տարօրինակ զանգուածը, որ հայոց եկեղեցու հոգեոր զինուորութիւն է կոչւում: Մի զինուորութիւն, որի զինուորների հոգիների մէջ ոչ մի նմանութիւն, մտքի, զգացմունքի, կամքի, արտաքին ձևերի ու շարժմանց մէջ ոչ մի ընդհանուր մարդանք չկայ: Այս մեկուսացած սրտերի հանդիսաբանում կը տեսնէք քովէքով կանգնած կամ նստած անարգին ու պատուականին, ուխտաւորին ու առաքինուն, դաւաճանին ու հաւատարմին, տգէտին ու գիտունին, բթամտին ու սրամտին, գողին ու անձնուէրին, ստահակին ու կարգապահին, աւազակին ու հովուին, հալածողին ու հալածեալին, տիրանենգին ու տիրասիրին, դաժանին ու սիրողին, խաչահանին ու առաքեալին, Յուդային ու Յովհաննիսին:

Աշխարհիս բոլոր հաստատութեւնները, ընկերութիւնները, աղէկ ու վատ, օգտակար ու վնասաբեր, երենց գործին, փեշակին յարմար ախպեր այստեղից կարող էին ջոկել ու տանել և գոհ մնալ:

Այսպիսի եզրայրութեան մէջ ընական է, որ արտաքին վայելչութիւն էլ չի լինի, պատկառանքի շեշտը չնշուած կը լինի:

Մի ընդհանուր հայեացքից, մի սրատես դիտողութիւնից դուք այդ բանը կընկատէք: Նայեցէք, ահա ներս է մտնում մի եպիսկոպոս. շատ դէմքեր ասելութեամբ են ծռմուռում, շատ գլուխներ իրենց սռնու վրայ շուռ են գալիս, շատ շրթունքների վրայ

Ժպիտ է ծաղկում, շատ հասակներ յարգանքով ծալւում են, շատ բերաններ են բացւում գովքի ու պարսաւի համար: Տեսածից յետոյ բարուոք կը համարէք փակել ականջներդ, որ բերաններից ուղղակի ականջները հոսող փափոցը չլսէք:

Եւ այս բոլորը մի Մայր եկեղեցու որդիք են. սիրտգ քամւում, աղիքներդ գալարուում, հոգիդ արիւնոտում, միաքդ գալկանում, աչքդ արցունքով է ծռվանում ու ողբերգու մարդարէի վիշտն է ցցւում գանգիդ ու սրտիդ մէջ. «Ո՞ տայր ինձ յանապատի դոյզն օթևանս... Եւ լարեցին զլեզուս իւրեանց իբրև զաղեղն. ստութիւն և ոչ հաւատք զօրացան ի վերայ երկրի, զի ի չարեաց ի չարիս ելին և զիս ոչ ծանեան, ասէ Տէր: Իւրաքանչիւր յընկերէ իւրմէ զգոյշ լերուք, և յեղբարս ձեր մի յուսաք, զի ամենայն եղբայր խաբելով խաբէ...»:

Մտնում է ծեր առիւծը՝ Սուքիաս արքեպիսկոպոսը, իր օրելին յատուկ կարգապահութեամբ ողջունաբեր գլուխ է խոնարհում. նստածներից ոմանք փորձում են անշարժ մնալ, բայց նա իր ծակող, պահանջկոտ աչքերով կարգապահութիւն է պահանջում և նրա այդ հայեացքին չդիմանալով ակամայից վեր են կենում ոմանք ու գլուխ խոնարհում:

Դահլիճի վերին կողմը, բազմոցի վրայ տեղ գրաւելով նա որոտագին ձայնով դիմում է դիմացը նըստած Մեսրոբ սրբազանին նուրբ հեգնանքի և դողացող զայրոյթի շեշտով:

— Մեսրոպ սրբազան, դուք անշուշտ կիմանաք, ճշմարի՞տ է թէ Տէր նախարարի թղթի մէջ ասուածէ, թէ տաճար մտնող պատգամաւորները այլևս գուրս

գալու իրաւունք չունին և առանց ձեռնպահ մնալու պարտաւոր են մասնակցել ընտրութեանը:

Մեսրոպ սրբազնը շփոթուեց ու մի շփոթ, անորոշ պատասխան տուաւ:


Ինձ այնպէս թուաց թէ այդ խօսակցութիւնը անախորժ վախճան կարող է ունենալ, ուստի մօտեցայ Սուքիաս սրբազնին, զեկուցի թէ այդ մասին թող անհոգ լինի, մեր ներկայացուցիչները՝ Յովհաննէս Սպենդիարեանը և Զուբարը իրաւախոն են եղել պետութեան ներկայացուցչի հետ և լսել են նրանից թէ ժողովի բացման ժամանակ, նախքան ընտրութեանց անցնելը, դժո՞հ պատգամաւորները եթէ կամենան կարող են թողնել ժողովը:

Տիրեց լոռութիւն և մի վարդապետ պատգամաւորների անունները կարգալով, «աջ, ձախ», «աջ, ձախ», հեգելով կարգի հրաւիրեց ամենքին, պահանջուած կարգով Տաճար իջնելու Աւելորդ կոկորդաբանութիւն:

Նարքի գլուխ անցան առաջին դոյգը՝ Տ. Տեղակալն ու պետութեան ներկայացուցիչը՝ Նրանց ետեւից գնում էր Երուսաղէմի պատրիարքութիւն և Աղթամարի կաթողիկոսութիւնը ներկայացնող մի դոյգ՝ մի վարդապետ և մի քահանայ։ Երուսաղէմի պատրիարքական և Աղթամարի կաթողիկոսական տեղապահները Եպիսկոպոսական և արքեպիսկոպոսական դասի մէջ արժանաւոր ոք չէին գտել ու իրենց ձայները տուել էին մը վարդապետի և մի քահանայի վայելչութեան դէմ գնալով։ Ինքնուրոյնութիւնից ձեռք քաշած պատրիարքներն ու տեղապահները ուրիշ ընտրութիւն անել չէին կարող։

Հուսկ յետոյ գնում էին Սինոդի անդամները Եջմիածնի միաբանութեան ներկայացուցիչները, առաջնորդներն ու վիճակների ներկայացուցիչները։

Դուրսը սանդուղքների վրայ հոգեւորական պատգամաւորների շարքի վերջից միացան աշխարհական պատգամաւորները և այսպիսով հայ ազգի 122 ներկայացուցիչ Եջմիածնի զանգերի հրաւիրական դօլան-



ՏԻՐԱՅՐ Ծ. ՎԱՐԴԱՊԵՏ

Բարերդի տռաջնօրդական տեղապահ

Չով Երկուստեք ծովացած ու լայն ձանապարհ բացած ժողովրդի միջով անցան ու Մայր տաճար մտան Լուսաւորչի գահի համար արժանաւոր գահակալ, հայ ժողովրդի համար արժանընտիր հովուապետ, հայ հոգեուրականութեան համար կարող դեկավար ընտրելու։

Տաճարի յետին դասում, կամ դաւթում, ուր հայ ժողովուրդն է աղօթում աստուածպաշտութեան ժամանակ, խաչաձև շարուած են սեղաններ և աթոռներ։ Մուտքի կողմում բազմում է ժողովի նախագահ Տէր Տեղակալը երեսը դէպի իջման և, սեղանը, աջ կողմից ըստ աւագութեան տեղ են բռնում հոգեորականութեան պատգամաւորները երեսները դէպի արենելը և հիւսիս Զախ կողմից նստում են աշխարհական պատգամաւորները երեսները դէպի հարաւ։ Դիմացը նստում է պետութեան ներկայացուցիչը երեսը դէպի արևմուտք, թիկունքը դէպի իջման սեղանը. նոյն դիրքով նստում են փոքր ինչ հեռու Սինոդի դատախազը, ատենադպիրը և երկու պաշտօնեայ։ Դոներն ամուր փակուեցան։

Երբ ամենքը տեղաւորուած էին, ոտքի ելաւ Տ. Նախագահը, ոտքի ելանք ամենքս։ Ա. գործն աղօթքով է սկսում. Տ. Տեղակալն «հայրն մերն» է կարդում, երկու վարդապետ սաղմոսներն են քաղում, եպիսկոպոսները հատընտիր աղօթքներ են մրմիջում։

Խորհրդաւոր է ու սուրբ վայրկեանը. «Զործուաց մերոց ուղիղ արա ի մեզ, Տէր, և զործուաց մերոց յաջողեա մեզ»։ «Հովիւ քաջ, Հովիւ, բարի և յաւիտենական, նայեաց և այց արա բանաւոր հօտի քո, զոր ժողովեցեր առ քեզ գթութեամբ քով։ Զի քո առաջի կամք, Տէր, և ողորմութեանցդ և գթութեանցդ ակն ունիմք. զամենեսեան օրհեա, զամենեսեան իրամաստնացն, զամենեսեան լուսաւորեա և ամենեցուն պարգեեա զերկնից արքայութիւնդ»։

Թւում է քեզ թէ սուրբ սեղանների վրայ դըրուած, որմերից ու սիւներից կախուած սրբոց պատ-

կերները կենդանանում են, իջման տեղում արձանաւնում է ինքը Յիսուսը, կաթողիկէն ընտիր նախնեաց հոգիներով է լցում այս աղօթքը, խնդրուածքը, ուխտը լսելու։ Թւում է թէ հրաշք պիտի կատարուի. Փրկչի ձեռաց շարժումով հրեշտակը պիտի մօտենայ պատգամաւորներից շատերին, հրեղէն սրով նրանց կուրծքը պիտի պատոփ, հանէ սիրու, մաքրի, ազատի ատելութեան մամուռից, գէշ զկացմունքների թանձր փոշուց. Թւում է թէ լոյսի մի ճառագայթ պիտի ցոլայ հրեշտակի լուսաշող ճակատից ու ընկնի աղօթող պատգամաւորների գանգի մէջ մթնած իմաստութիւնը լուսաւորելու։ Թւում է թէ ահա հրետակը ունելիով մի շիկացած կայծ է վերցնում ու մօտենում պատգամաւորների շրթունքներին, որ նրանք մաքրուին ստից ու ճշմարտութիւն խօսին։

Այն, այդ սքանչելի աղօթքների անուշութեամբ սպասում ես որ հրաշք պիտի կատարուի. Վայրկենապէս ի չիք պիտի դառնան անհամաձայնութիւնները. Եղբայրութիւն, սէր, արդարութիւն պիտի կապէ սըրբացած հոգիներին և ամենքը արժանաւորապէս ընտրելիների անուններ պիտի տան. իսկ անարժանները մէկ կողմ՝ իբրև ցնցոտի հանելով իրենցից փառասիրութիւնը կը հրաժարուին կաթողիկոսական թեկնածութիւնից և համեստութեան փայլն ընդունելով՝ հիացմունքի և գովքերի առարկայ կը դառնան անձանց պատիւ շահելով։

\* \* \*

Սակայն լուռ են ամենքը. Էլի նոյն ատելութեամբ պաղած դէմքեր. Էլի՞ նոյն մնավառութեամբ վարագուրուած աչքեր, որ գալիք օրերը չեն տես-

նում, Էլի Բելիարի ու Յահաղի երկրպագութիւն տաճարի մէջ, ինչ որ գուրաը»:

Հրաշքը բարուն, գեղեցկին, ճշմարտին հաւատացողի համար է կատարում, այլ ոչ սոսկ կոկորդով ձևական աղօթքներ մրմնջացողների համար»:

Եւ ես տեսնում եմ, թէ ինչպէս Յիսուսը սեղանից իջնում, ուղղում է իր քայլերը դէպի դուռը, ես լսում եմ նրա ձայնը, վշտից դողացող աւաշը. «Եթէ ոք կամի գալ զինի իմ, ուրասցի զանձն իւր և բարձցէ զիսաչ իւր և եկեսցէ զինի իմ»: Յոլոր սուրբերը՝ պատկերների շրջանակները գատարկ թողնելով իջնում ու հետեւում են նրան: Նրանք դուրս են զնում, նրանք էլ չեն կարողանում, չեն կամենում բնակիլ այն տաճարի մէջ, ուր անարդարութիւն, սուտն ու բոնութիւնն են ծով կապել: «Արդ, թողեալ լիցի տունդ ձեր տւերակ»:

Այլևս գատարկ էր տաճարը մեզ համար, նրա ազնիւ բովանդակութիւնը թողել էր նրան. ինչպէս մի ցուրտ, աներդ, անդուռ գերեզման, որից պէտք էր փախչել, հեռանալ վաղաժամ...

Եւ ահա երբ ժողովի բացման ճառը վերջացնում է Տեղակալ սրբազնը, վեր է կենում տեղիցը ալեզարդ Սուքիաս արքեպիսկոպոսը, կանգնում մի երկու վայրկեան ձախ ձեխքը կախ, աջովը մեր բողոքը սեղմած կրծքին: Տիրում է մի գերեզմանական լոռութիւն կենդանի մարդկանց այս ընդարձակ գերեզմանոցում: Արձանացած դիրքերով, զսպուած շնչով, պաշտած աչքերով ու ափիքերան նայում են ամենքը թէ ինչ կը լինի:

Այդ լոռութեան ու քարացման մէջ հայոց եկեղե-

ցու աւագագոյն արքեպիսկոպոսը՝ կարծես իբր դարերի հայութեան ուրուական, հանդարտ ու վեհ քայլերով շարժւում է յառաջ, կտրում է յետին շարքը թիկունքից, դէպի իջման սեղանը պտոյտ գործում, խոնարհ երկրպագութիւն անում, ապա թիկունքը դէպի արևելք և դէմքը դէպի սրբազն Տեղակալն անելով խոնարհ գլուխ է տալիս, կանգնում է նրա առաջ, և սկսում իր հակիրճ ճառը վշտից, յուզմունքից թափ առած շեշտերով:

Երևակայութեանս առջև կանդ է առնում Սինայի բարձունքներից պատգամներով իջնող Մովսէսը, որ վկայութեան խորանի առաջ Ոսկէհորթի պաշտամունքն է տեսնում և յանդիմանութիւնը շրթունքներում գառնում է Ահարոնին. «Զի՞նչ արար քեզ ժողովուրդ, զի ածեր ի վերայ դոցա զանհնարին մեղսըդ»:

Կանգնում է Աւետարանի Աւետարերը և «վայերը» շրթունքներում որոտում է յանդիմանաբար. «Ճուն իմ տուն աղօթքից կոչեսցի և դուք արարէք զգա այրս աւազակաց»:

Սուքիաս արքեպիսկոպոսը՝ իր խօսքը վերջացնելով խոնարհութեամբ մատուցանում է մեր բողոքը սրբազն նախագահին և իր քայլերը դէպի դուռն է ուղղում: Ոտքի են ելում էջմիածնի արքեպիսկոպոսներ, եպիսկոպոսներ, վարդապետներ և աշխարհական պատգամաւորներ թուռվ 28, երեսուն երկու ձայնով, մի մի հայեացք են ձգում գլխիկոր մեծամասնութեան վրայ, մօտենում շարքով խոնարհ գլուխ տալիս Տեղապահ սրբազն հօրը և Սուքիաս սրբազնի ետեից դէպի դուռը դնում:

Այդ տեսարանի առաջ մեծամասնութիւնը ցընցւում է, ոմանք ջղային ցնցումներ են ունենում, ումանք արտասուում. սակայն շուտով զաղումն իրենց ջղերն ու արցունքը. սպանական հայեացքներից ցուրտ է փշում ու սառոյց դարձնում անցունքը ծովացած աչքերում, չորացնում հետքը լացողների այտերի վրայ:

Դրան ետևից մի հայեացք եմ փոռում գնացողների և մնացողների վրայ. առաջինները՝ շատ աննշան բացառութեամբ, բարձրագոյն կրթութեան, փորձառութեան տէր, լուրջ անձեր, վերջինները մի տարօրինակ խառնուրդ թերումների և տգէտների՝ շատ աննշան բացառութեամբ։ Այս մեծամասնութեան զանգուածին իբրև գլուխ և զեկավար մնում են երեք ոռուսաստանցի անձեր, բարձրագոյն կրթութեան և դիրքի տէր սնձեր։ Միտս են գալիս այն առասպելական կենդանիները, որոնց մարմինը և պոչը կամ ձկան է, կամ չորքոտանու, բայց որոնց ուսերի վրայ մի մարդկային գեղանու գեղեցիկ գլուխ դրուած։ Ու ես ցաւում ու ափսոսում եմ, որ այդ խառնիճաղանձ մարմնի, այդ զանգուածի այլանդակ ուսերին, որպէս գլուխ բազմած էին երեք յարգելի գէմքեր ի մաս իրենց անուան։


Կտրում եմ հայեացքս այդ տխուր տեսարանից, այդ վատերի հանդիսարանից ու մի անգամ ևս միտս է գալիս հինաւուրց իմաստունի խօսքը. «Տեսեալ ի ստորինս խառնակ զամենայն,

Զվիճակ մարդկան յաւերժ ի մթան,

Զվատաց կայտովիլ, զլաւաց կական

Կրօնքն ի սրտէս անկանին կործան...

Լայն բացւում է աւագ դուռը մեր առջև. Սուրբիաս սրբազնին շէմքի վրայ տեսնելիս սրաի տրութիւնով սպասող ժողովրդի հազարաւոր բերանից «կեցցէն» է թռչում։ Խեղճ ժողովուրդ. նա պատերազմի գաշտից վահանը ձեռքին յետ դարձող յաղթական զինուորներին չէր, որ «կեցցէ» էր կանչում, այլ վահանի վրայ արիւնոտ սրտով ընկած հաւատարիմ-



ԵՎՀԵԿ Ա. Ք. ԳԵՂԱՄԵԱՆ

Առաջնորդական ներկայացուցիչ Զենուսի

ներին և գոհ էր և մխիթարուած։ Նա յաղթականների համար պահում էր իր արհամարհանքն ու պատուհաւող լուռթիւնը։

Ժողովրդից շատերը ծունկ իջան Սուքիաս արքեպիսկոպոսի առաջ, համբոյրներ տալով նրա ձեռքե-

Թին ու վերաբկուի քղանցքներին։ Նա միսիթարում էր ժողովրդին, սիրտ էր տալիս, նա շեշտում էր թէ պարտական էին ժողովրդի գարաւոր իրաւունքները պաշտպանել, ինչպէս որ կարող էին։

Այս տեսարանի առաջ քարեն իսկ կը շարժուէին, իսկ առաջ տառապեամլ ժողովուրդ։ Խորապէս զգացուած էի և ժողովրդին ձայնակցելով կարծես նրա կողմից մտքիս մէջ այս գոհացողական էի ուղղում Սուքիսս արքեպիսկոպոսին։ «Ապլիս յաւետ, հայր սրբազն, քո մէջն այդ շեշտն եմ սիրում, այդ հզօր շեշտը, որ հեռազրալարի սիւներու նման հպարտ ու հաստատ շարքով կանգնած են կեանքիդ ճանապարհի վրայ։ Տար այն մինչև գերեզման։ Այդ շեշտերի շարքը կառաջնորդէ յետնորդ սերնդին դէպի քո օրհեալ շիրիմն ու դամբարան, որ մշտաբարբառ ու խօսուն կը մնան նրա համար այն ժամանակն իսկ, երբ ձիւնի ու ցեխի տակ կորած ու ճամբէն կորցրած անարժէք կաթողիկոսների գերեզմաններին այցելութիւն ոչ ոք կը գայ։ Գերեզմաններ, որ լուռ ու համը կը մնան, որպէս յաւիտենական անբարբառ մոռացութիւն։»

Բոլոր բողոքաւորները թուով 28 շրջապատուած էին ժողովրդով։ Այդ մեր մայր ժողովուրդն էր ու մենք նրա գրկում։ Այս, ինչպէս ջերմ, ինչպէս տաք էր այդ գիրկը, ինչ գուրեկան նրա գուրգուրանքը։ այն, այդ արհամարհուած, մեր մայր ժողովրդի գիրկն ու գգուանքը վշտի վայրկեաններում...

Ի դէպ է պատմել և հետևեալ կարեոր միջանհեալը։

Երբ տաճարից դուրս էինք դալիս իշմիածնի

աւագ միաբաններից մինը, Բարդուղիմէոս սրբազնը ձեռքերը դէպի գնացողներիս շարքը տարածած ու վրդովուած ձայն էր տալիս. «Ճօ, կացէք է, տօ յուր էք գնում, տօ հլա մի գնաք է»։ Սակայն, մենք չէինք կարող մալ, մանաւանդ թէ չգիտէինք թէ ինչ ունի իր մտքումը Բարդուղիմէոս սրբազնը։ Միայն նկատեցինք, որ նրա առջև սեղանի վրայ մի ինչ որ սպիտակ շորի մէջ մի բան կար փաթաթած դրած, որ գրքի ձեւ ունէր։ Իմացանք յետոյ հետևեալը. մեր հեռանալուց անմիջապէս յետոյ Բարդուղիմէոս սրբազնը ներկայացնում է ժողովին մի բողոք հետևեալ բովանդակութեամբ։ Հայոց եկեղեցու հիմնական օրէնքներով այն եպիսկոպոսը, որ կաշառքով է ստացել եպիսկոպոսական աստիճանը, ոչ միայն կաթողիկոս լինել, այլ եպիսկոպոս իսկ չէ։ Ժողովի նախագահ Տեղակալ Գէորգ արքեպիսկոպոսը ոչ միայն չի կարող կաթողիկոս լինել, այլ եպիսկոպոս իսկ չէ, որովհետեւ նա 1500 արծաթի կաշառքով է ստացել եպիսկոպոսական աստիճանը Մանկունու միջնորդութեամբ։ Ահա փաստաթուղթը, Գէորգ սրբազնի ինքնաւձեռագիր նամակը։

Այս յայտարարութիւնը զգայացունց — սենսացիօն դէպէ է, խաղը ու խայտառակութիւն Բարդուղիմէոս եպիսկոպոսի կողմից։ Զենք ուրանում, որ Բարդուղիմէոս սրբազնը ճշմարտութիւններ ասել գիտէ. բայց նրա այս անօրինակ և անտեղի յայտարարութիւնը համարում ենք սխալանք։ Զէ որ այդ 1500 ըուբլու պատմութիւնը այլ կերպ է ներկայացնում Սուրբէնեան սրբազնի կենսագրութիւնը կազմող իշմիկեան քահանան։ Կարծում ենք լնտրական ժողովը

արձանագրութիւն պիտի կազմէր այդ վրդովեցուցիչ  
անուանարկութեան համար և Բարդուղիմէոս եպիս-  
կոպոսին ծանր պատասխանատւութեան պիտի են-  
թարկէր։ Սակայն զարմանում եմ, որ լոռութիւնն է  
եղել այդ բողոքին պատասխան։

\* \* \*

Մինչ պատգամաւորների մեծամասնութիւնը  
Մայր Տաճարում քառանուն ցանկի շուրջն ընտրութիւն  
էր կատարում, մենք հաւաքուցինք մեր ժողովարա-  
նը մեր նահանջը վերաքննելու, մէկ անդամ ևս իրար  
տեսնելու, մտքեր փոխանակելու և մեկնելուց, ցրուե-  
լուց առաջ հրաժեշտի փոխադարձ ողջոյններ տալու  
և առնելու։

Մեր այս խորհրդակցութեանը եկան ժողովի հրա-  
ւիրանօք Տ. Տ. Սուքիաս, Անանիա արքեպիսկոպոս-  
ները, Մայր Աթոռի լուսարարապետ Ղեոնդ եպիս-  
կոպոսը։ Աղէքսանդր Քալանթարը մի տաք ճառով ի  
դէմս մեր ամենի շնորհակալութիւն յայտնեց Եջ-  
միածնի այդ աւագագոյն անդամներին, մասնաւորա-  
պէս Սուքիաս սրբազնին, որ այդ պատմական օրը՝  
մի անդամ ևս արհամարհելով իրենց անձին գալիք  
անախորժութիւններն ու հալածանքը արդի հոգեոր  
վարիչներից և ազգային մոլորութիւնից, մի պատմա-  
կան ճշմարտութիւն շեշտեցին, որ դարերով հայոց  
եկեղեցու մէջ անշէջ կանթեղի պէս է վառուել. այ-  
սինքն՝ թէ հայ եկեղեցին կղերական չէ ու ոչ եկե-  
ղեցականը կղեր, այլ ժողովրդական միայն և ընտիր  
եկեղեցականը միշտ ժողովրդի հետ, ժողովրդից ան-  
բաժան։

Ազգն իր պատգամաւորների բերանով այսօր

ցնծագինս շնորհակալութիւն է յայտնում իր այդ  
պատկառելի որդեսէր հայրերին, որոնք պատմական  
նահանջի մէջ գլուխ և աւաջնորդ եղան յաւէտ ան-  
մոռաց մնալու համար հայ ժողովրդի սրտում, ան-  
մեռ հայոց բազմաչարչար եկեղեցու պատմութեան  
մէջ։

Բուռն ծափահարութիւնները, որոնց տարավի-  
տակ խորհրդարան ընդունուեցան սրբազնները,  
վերստին որոտացին ու ծածկեցին ներբողողի ճառը։

Սուքիաս արքեպիսկոպոսը ի դիմաց իր և իրեն  
հետ միախորհուրդ սրբազնն եղայրների շնորհակա-  
լութեան խօսք արտասանեց ազգին ի դէմս նրա ներ-  
կայացուցիչների, յորդոր կարդալով միաժամանակ  
հաւատարիմ մնալ ազգի և եկեղեցու վսեմագոյն շա-  
հերին, հաւատարիմ ճշմարտութեան և հայրենաւանդ-  
հայրենասիրութեան. որոնցից երբէք յետս չընկրկել,  
երես չգարձնել, զօրեղապէս հաւատալ թէ գրանք են,  
որ վտանգների, կարճաժամանակեայ տանջանքների  
և պարտութիւնների միջից անցկացնելով տանելու  
են մեզ դէպի իսկական յաղթանակը։

Տկարութեան պատճառով անկարող էր եղել մեր  
ժողովարան գալ Տ. Յովհաննէս արքեպիսկոպոս Շի-  
րակունին. պարտք համարեցի առաջարկել, որ մեր  
որդիական շնորհակալութիւնը մատուցանւի նաև սրբ-  
բազն Յովհաննէսին։ Ժողովը հաճութեամբ խնդրեց  
պ. պ. Յովհաննէս Սպենդիարեանին և Սամսոն Զէր-  
քէզեանին պատգամաւորութեամբ զնալ Շիրակունի  
սրբազնի բնակարանը մեր գոհութիւնը մատուցա-  
նելու համար։

Այնուհետև պատգամաւորներից շատերը խօսք

բացին անմիջապէս հեռանալու արդի էջմիածնից, ուր հայկական հիւանդութիւնը հաւաքուել, պալար է կապել։ Սակայն այդ անկարելի եղաւ. հարկ համարուեց մնալ մի գիշեր ևս, երեկոյեան հաւաքուել, ուսումնասիրութեան խնդիր դարձնել Հայոց եկեղեցու արդի տխուր վիճակը, դալիք օրերում բռնելիք մեր դիրքը եւ մենք մնացինք։

Մինչև երեկոյ ազատ էինք, ելանք շրջելու վանքի բակը։ Մի նոր տեսարան. ժողովուրդը միաբանական շենքի պատերի տակն է հաւաքուել. Տաճարում Հայոց կաթողիկոս են ընտրում. նա՝ այդ հայ ժողովուրդը, որ սովոր էր առաջներումը ժամերով քաղցած մնալ, մեխուած ու շունչը բռնած Տաճարի դռանն սպասել թէ Երբ կը բացուին դռները և ի՞նչ անուններ կը տան ներսից պատգամաւորները, այս անգամ թողել էր Տաճարը, հեռացել ու շրջապատել կանգնել էր այն շենքը, ուր փոքրամասնութիւնը ժողվ էր արել.


Տխուր էր ժողովուրդը, մտած կոտ ու մոայլ։

— Այժմ ի՞նչ էք անելու, դիմում են ինձ շատ բերաններ միասին, երբ փորձում եմ խիտ շարքերը կտրել անցնել, դէպի լիճը գնալ, էջմիածնի լաւագոյն անկիւնը, որ նրա պարսպներիցը դուրս է, այնտեղ մտորումների աշխարհում փոքր ինչ հանդիսաւ առնեւ։

Զի յաջողւում. ժողովրդի շարքերը խտանում և ինձ մի նեղ մանեակով պաշարում են։

— Էլ ի՞նչ պիտի անենք, ի՞նչ կարող ենք անել. արինք ինչ որ պարտական էինք անել։ Կարծում եմ մեզ մի բան է մնում անել. մեզ ընտրող ժողովրդին

խօսքով ու գրչով մեր արարքների և հայոց եկեղեցու արդի վիճակի վրայ տեղեկութիւն ու հաշիւտալ։ Այնուհետև մենք ազատ ենք, մեր խիդն հանգիստ. ազգն ինչպէս կուզէ թող հոգայ իր մասին։



ՅՈՎՀԱՆՆԻՍ ՍՊԵՆԴԻԱՐԵԱՆ (Երդ. հաւատ.)

Պատգամաւոր Վ բաստանի և Խմերերի

— Հա, մենք էլ հէնց այդ էինք խնդրելու. մենք վաղարշապատի և շրջակայ գիւղերի ժողովուրդներս էջմիածնի հալլ լաւ գիտենք, շատ լաւ էլ ճանաչում

Ենք էն սրբազաններին, որոնցից մինը կաթողիկոս են ուզում ընտրել ու կապել մեր վզին։ Մենք այդ տեսակ կաթողիկոս չենք ճանաչի ու մեր անելիքը կանենք։ Բայց մենք ձէն չունինք, որ բղաւենք ու աշխարհի չորս կողմը ցրուած հայերին հասկացնենք թէ ինչ անիրաւութիւն են կատարում հայ ազգի գլխին։ Դուք գրչի տէր էք, պիտի գրէք, հասկացնէք։

Ես խոստացայ ու բանը չերկարացնելու համար խնդրեցի ճանապարհ տալ ինձ։ Տուին, բայց մի տաք ջահիլ ականջիս հետեւեալ սպառնալիքը զարկեց կատակաբար։

— Հայր սուրբ ջան, թէ որ սուս ես կացել, մին էլ յէջմիածին գաս ոչ հա, չանք հմի սրբազաններն են քեզ փախցնում էս տեղից, հմի էլ մենք կը փախցնենք թէ որ սուս ես կացել ու յետ եկել։ Ես հեռացայ ու ժողովուրդը նոյն ու նման հարցերով խոնուեց միւս պատգամաւորների շուրջը։

Մինչ այս, մինչ այն, Տաճարի դռները բացւում և ազգի հզօր պատգամաւորները թերթերի թղթակիցներին հաղորդում են, որ քառանուն ցանկը մտած թեկնածուներն են Դուրեան, Սուրէնեան, Մեսրոպ և Ստեփան սրբազանները։ Գլխիկոր պատգամաւորները անցնում են համրացած ժողովրդի առջեռվ, առատորէն վայելելով նրա լուռ, բայց պերճախօս արհամարհանքը։

Սկսում է ճաշը. սեղանատան զանգը հրաւիրում է պատգամաւորներին ճաշի. Ես մասամբ տկարութեան, մասամբ էլ հոսհոսական խեղկատակութիւններից անվրդով մնալու համար, ճաշի չէի գնում։ Պատմեցին ինձ թէ այդօր յաղթական մեծամասնու-

թեան տրամադրութիւնը ճնշուած է եղել սեղանաւտանը. Երկի մտածելիս են եղել թէ իրաւունք ունին ազգի հացն ուտելու նրանք, որ ազգի գլխին օյին են խաղում։

Սակայն այդ տրամադրութիւնը փոխելու դիտումով, ղեկավար ոյժերը ճգնել են ճառերով փայլ տալ տխուր իրականութեանը և ընկերների դէմքին, լքումից հեռու պահելով նրանց. չէ որ մի օր էլ կայ՝ վախճանական նալատակի օրը։

Ի միջի այլոց ճառել է Սեբաստիոյ Թորգոմ եպիսկոպոսն ու ասել. «Իզմիրլեան Հայ ազգին կամքն է, Դուրեան՝ Հայ ազգին սիրտը, իսկ Սուրէնեան սրբազան... կեցցէ Սուրէնեան սրբազան»։

Ափսոս այնտեղ չէի. արժէր ասել. Ախъ ты ֆօկչունէ! Հայ ազգը երբ է կամեցել, որ Իզմիրլեանը 300,000 հայ կոտորել տայ, Երուսաղէմի վանքի միաբանութիւնը ստոր ինտրիգներով պառակտէ, մոլորուածների ոյժով կաթողիկոս դառնայ։ Ազգը երբ է ցանկացել, որ Դուրեանը Հայոց եկեղեցին միտինդների սրահ, թատրոնի բեմ, ծխարան, ծեծկոտարան, հայհոյարան դարձնի. ազգը երբ է կամեցել, որ Իզմիրլեան ու Դուրեան Ռուսաստանի հայութիւնից յանուն Տաճկաստանի որբերի հաւաքած 22,000 ըուրլին բաժանեն թայֆայական տղաներին, թէ գնացէք մէկիս կաթողիկոս ընտրեցէք, միւսիս՝ պատրիարք։ Ախъ ты ֆօկչունէ!...

«Իզմիրլեան ազգի կամքն է, Դուրեան՝ ազգի սիրտ», իսկ Սուրէնեան սրբազանի համար էլ միխօսք չունի որ գնէ, միայն կեցցէն է կպցնում։ Յամենայն դէպս Սուրէնեանը, որ ազգի ոչ կամքն է, ոչ

սիրտը, ոչ միտքը, ձեր գովական Խզմիրլեանից ու  
Դուրեանից բարձր է, խաբեբաներ, նա գոնէ ոչ աղդ  
է ջարդել տուել և ոչ որբերին է կողոպտել:

\* \*

Վերջին երեկոն է, վերջին գիշերը, որ պիտի  
անցկացնենք Էջմիածնում Հաւաքուեցանք հայ եկե-  
ղեցու իրականութիւնը և մեր բոնելիք դիրքը պար-  
զելու մեզ համար և մեզ ընտրող ժողովրդի համար:  
Էւրաքանչիւր ոք պէս-պէս խնդիրներ դրաւ ժողովի  
առաջ, որոնց շուրջը խորհրդածութիւններ եղան: Զոր  
օրինակ՝ մենք և մեզ ընտրող ժողովուրդը, զլսաւո-  
րապէս ինչպէս պիտի վերաբերուենք այն կաթողի-  
կոսին, որ ոչ միայն մեր ընտրածը չէ, այլ նոյնիսկ  
հակառակ հայ ժողովրդի ցանկութիւններին. Ի՞նչ բա-  
րոյական, տնտեսական, մտաւոր վիճակի մէջ են  
այժմ մեր վարժարանները, վանքերը, կալուածները,  
թեմական ու փոխանորդական հաստատութիւնները և  
վերջապէս ի՞նքը Էջմիածինը: Էջմիածինը՝ որպէս դե-  
կավար ազգի, ի՞նչ ֆիզիօնոմիա ունի: Ի՞նչ է պա-  
հանջում, ակնկալում ազգը արդի կաթողիկոսից և  
ի՞նչ կարող է անել մի կաթողիկոս, որ ինքնուրոյնա-  
բար գործ ըմբռնելու և բարեկարգելու կարողութեան  
մէջ տկար լինի: Եւ այն:

Այս խնդիրների շուրջը երկար ու ձիգ խորհրդա-  
ծութիւններ, կարծիքների փոխանակութիւն, շփումն  
ու բաղխումն եղան. գրեթէ ամենքը մինչեւ ուշ գիշեր  
իրենց մտքերն ու հայեացքներն էին պարզում զանա-  
զան տեսակէտներով: Գլխաւորապէս ճառում էին և  
իրերի գրութիւնը լուսաբանում Տ. Տ. Կարապետ և  
Բաբեկն եպիսկոպոսները, Պ. Պ. Յովհաննէս Սպեն-

չիարեան, Աղեքսանդր Քալանթար, Հրանտ վարդա-  
դապետ, Սամսոն Չերքէզեան, Գարեգին Ենգիբարեան,  
Խաչատրու Աֆրիկեան, Տ. Եղիշէ Գեղամեան, Տիգրան  
Գոյումճեան, Գէորգ Չուբար: Այդ երեկոյ մեր ժո-  
ղովն էր եկել նաև եղիպտոսի պատգամաւոր Վահան



ՍԱՄՍՈՆ ՉԵՐՔԵԶԵԱՆ (աղնուական)  
Փաթգամաւոր Պարաբաղի

Թէքեանը, որ նոյն հարցերով հետաքրքրում էր և  
խնդիրներ արծարծում զրութիւնը ըմբռնելու համար:

Մէկ մէկ յառաջ բերելն այդ բոլոր ճառերն ու  
լուսաբանութիւնները իմ ծրագրից դուրս է և մա-  
նաւանդ իրենց մանրամասնութեամբ չեմ կարող յի-  
շել: Միայն այս կարող եմ ասել թէ քննադատու-  
թեանց և յայտնագործութիւնների պատկերն ու

Եզրակացութիւնը շատ տխուր և յոյժ ցաւալի էր հայոց եկեղեցու համար, որին վտանգից ազատել կարող են միայն կաթողիկոսի լուսաւոր միտքը, քրիստոնէական սիրտը, հայրենասիրութեան ոգին և համապատշաճ կամքը, որոնց միայն օգնութեան կարող է դալ ազգը իր ազգային խարխուր տունը վերանորոգելու յուսով։

Հետաքրքիր շեշտերով կանգ առան մի երկու խնդրի վրայ մի եկեղեցական անձն, որի անունը տալ գժուարանում եմ, խեղճին հալածողների ճանգը չձգելու համար և Յովհաննէս Սպենդիարեանը։ Ես կաշխատեմ այդ երկու ճառախօսների մտքերն ամփոփել այստեղ, յառաջ բերելով և իմ առարկութիւնները այդ յարգական անձերին։

Ահա այդ մաքուր եկեղեցականի խօսքը, ուր փայլում են արդար զայրոյթը, տրամաբանութիւնը և միաժամանակ անփորձութիւնը։

«Խնդիր դրուեցաւ թէ ի՞նչ դիրք պիտի բռնենք մենք և զմեզ ընտրող ժողովուրդը մեզմէ ոչ ընտրեալ կաթողիկոսի մը հանդէպ. ըստ իս պարզ տրամաբանական մտածողութեամբ մը խնդիրն ինքնըստիքեան դիւրաւ կը լուծուի. զլխաւորապէս Ռուսաստանի հայութիւնը, որի համար է էապէս Մայր Աթոռի կաթողիկոսը, ենթազրելի կաթողիկոսացուներին անարժան է նկատած. հետևաբար ընտրուելէն ետքը, հակառակ այդ ժողովրդի ցանկութեան և ապօրինաբար ընտրեալը չի կը նշան նոյն ժողովրդի կողմէն օրինաւոր կաթողիկոս ճանչցուիլ։ Ապօրինաբար ընտրուած կաթողիկոսի մը օրինաւոր ճանաչել ընտրուելէն ետքը կը նշանակէ քաջալերել և ապագային ոտնձութիւններն ու անարժանութիւնները Մայր

Աթոռը կործանելու համար. կարելի չէ յարգական հիւր ընդունել տանդ մէջ անձ մը, որ կամքիդ հակառակ, բռնութեամբ մտեր է տունդ, այլապէս միշտ անարժան և բռնաւոր հիւրեր կունենաս, որոնք տունը թալանի պիտի տան։ Կարճ խօսքով ըսեմ, այդպիսի կաթողիկոսը մեզ հեռացողներուս և մեր ժողովուրդին համար ընդունելի ըլլալ չի կը նար»։

Ժողովի մեծ մասը միայն լուսութեամբ պատասխանեց այդ պատճաբանութեանը, սիրելով հանդերձ ճառողին. եղան էլ, որ առարկեցին և հակառակ կարծիք յայտնեցին։

Ահա և իմ կարծիքը իր ամփոփման մէջ. «Ապօրինի ժողովի գէմ, ազգի իրաւունքների բռնաբարութեան գէմ բուռն բողոք յայտնել, նոյնիսկ ընտրական ժողովը թողնել հեռանալ մեր խեղճը՝ խեղճահարութիւնից, մեր անունը յետնորդների, գալիք օրերի և պատմութեան դատապարտութիւնից գերծ պահելու համար, մեր իրաւունքն էր և պարտիք։ Մակայն ընտրութիւնից յետոյ, ով էլ լինի ընտրեալը, մենք պարտք պիտի համարենք ընդունել և ճանաչել հայոց ընդհանրական կաթողիկոս, որովհետեւ այդ պարտքը դնում է մեզ վրայ եկեղեցու և ազգի բարձրագոյն և հեռաւոր բարիքը, շահը. եթէ այդպիսի ընտրեալը չարիք իսկ լինի, այդ չարիքը պիտի տանենք համբերութեամբ, առաւել մեծ չարիքի մէջ չընկնելու համար։ Մենք կը պահպանենք մեր մի բարոյական իրաւունքը, որի սրբազն պարտք է, արդարամիտ քննադատութիւն խօսքով ու գրչով, որոնք պիտի շօշափեն հայրապետի աղնիւ գործերը ի քաջալերութիւն հայրապետին և ի հաշտութիւն գահակալի ու ժողովրդի

և տգեղ, ազգավաս գործերը, որոնք պիտի սանձուին ժողովրդով»։

Էջմիածնի կալուածական-տնտեսական խղճալի վիճակի վրայ ծանրացան խորհողները և այդ կործառարար կայութեանը վերջ դնելու միջոցներ առաջարշաբեցան։



ԴԵՐԻԳ ԶՈՒԲՅԱՐ (Կրդ. հաւատ.)  
Պատգամաւոր Թեսաւաբիայի

Մասնաւորապէս կանգ առաւ այդ խնդրի վրայ Տփխիսի պատգամաւոր Յովհաննէս Սպենդիարեանը սրտացաւ շեշտերով և անկման էական պատճառը գործունէութեան սիստեմի—եղանակի պակասութեան մէջը նկատեց։

Ես կաշխատեմ այդ խոհական ճառողի խօսքն ամփոփել այստեղ։

«Որքան բարձր լինի մտաւոր և վարչական կարողութեամբ հայոց եկեղեցու հայրապետը, այնքան աւելի կը բարգաւաճեն մեր ազգային եկեղեցական հաստատութիւնները, որոնց ներկայ ողբալի վիճակը մեր առաջ դրւած է իբրև անցեալ սխալանքների դառն իրականութիւն։

Հայոց եղեցին հարուստ է իր անշարժ արդիւնաւէտ կալուածներով, բայց ի՞նչ օգուտ, նրա հաստատութիւնները հազիւ քարշ են տալիս իրենց գոյութիւնը, չկարողանալով սահմանուած տարեկան ողորմելի բիւղչէտը անգամ լրացնել։

Ի՞նչ է պատճառը։

Տնտեսական կառավարութեան մէջ չկայ որևէ սիստեմ և շահագործման նպատակայարմար եղանակ։ Հկայ տէր, այն, ինչոր ոռւսը ասում է Ճօնրան Խօձանի, այդ պատճառով էլ եկեղեցապատկան կալուածների տուած արդիւնքը շատ չնշին, որով էջմիածինը իր կառավարութեան և պետական հարկերի ծախսն անգամ չէ կարողանում ծածկել։

Գանձասարի, Մարցի, Հաղարծնի, Խօթավանքի և այլ էջմիածնապատկան կալուածների անտառները և հողերը տասնեակ հազար գեսեատին տարածութիւն ունին, որոնք Գերմանիայում կամ Ֆրանսիայում մի փոքր, բայց հարուստ իշխանութեան համբաւ կը վաստակէին. բայց մեզանում այդ եկեղեցական հաստատութիւնները թողնուած են անխնամ, ճակատագրի կամքի անօրէնութեանը։ Զէք հաւատալ, եթէ ասեմ,

որ այդ կալուածներից մի քանիսը, ինչպէս յիշեցի, պետական հարկի ծախսն անգամ չեն կարող հայթայթել և այդ հարկերը տարեցտարի իրար վրայ զիզուելով այժմ մի պատկառելի գումար են կազմում, որ իբրև պարտք ծանրացած է հայոց եկեղեցու բիւրչէտի վրայ։

Որքան մեզ յայտնի է, այդ կալուածներից մի երկուսը պետական գանձարանը որոշել է աճրդի հանել և վաճառել պետական հարկը ստանալու համար։

Պէտք է այցելել և տեսնել այդ վանքերը ու նրանց հարստութիւնները համոզուելու համար թէ ի՞նչ յանցաւոր անհոգութիւն է ցոյց տալիս Եջմիածինը նրանց կառավարելու և շահագործելու մէջ։ Կան հարուստ վանքեր, որոնք իջևանելու տեղ անգամ չունին և եկուորը կամ ուխտաւորը բաց երկնքի տակ է մտում, ինչպէս Հաղպարծինում։ և կան վանքեր՝ ուր թէև մի ողորմելի հիւրատուն կայ, բայց այնտեղ այնպիսի առասպելական ապականութիւն է տիրում, որ մի օր մնալը անգամ անհնարին է, ինչպէս Աւանի յայտնի մենաստանում։

Մի քանի տարի առաջ Թիֆլիզում հայ մասնագէտ գիւղատնտեսներից և իրաւաբաններից կազմուած մասնաժողովը Սինոդի անդամ Բարգէն վարդապետի նախագահութեամբ՝ քննութեան առնելով եկեղեցապատկան կալուածների ներկայ անկերպարան և ողբայի վիճակը՝ ներկայացրեց Սինոդին գրաւոր զեկուցում, թէ ի՞նչ պէտք է անել, որպէսզի հայ եկեղեցական կալուածները լինին արդիւնաւէտ և շահաւէտ, բայց այդ գեկուցումը մնաց ձայն բարբառոյ յանապատի։

Եկեղեցապատկան կալուածների արդիւնաւէտ շահագործութիւնը կարող էր ոչ միայն նիւթապէս ապահովել մեր կրթական հաստատութիւնների վիճակը, այլև բազմացնել նրանց թիւը։ Իւրաքանչիւրիս յայտնի է, թէ ի՞նչ գրութեան մէջ է գտնւում գիւղական դպրոցը մեր հայաշատ գաւառներում։



ԹԱԴԵՈՍ ԶԱՔԱՐԵԱՆ (բժշկապետ)

Պատգամաւոր Շամախու

Կան հարիւրաւոր գիւղեր, որոնք չունին ոչ մի գլուխ գործութեամբ և մէջ է խարխափում մեր լուսաւոր ՀՀ գարում։ Կրթուած և լուսաւորուած եւրոպացու համար դրանք ապշեցուցիչ փաստեր են։ Խակ հայ եկեղեցին ունի անհուն հարստութիւն, միայն կարգ ու սիստեմ չկայ, որով կարելի

լինէր կենդանացնել եկեղեցու մեռած ստացուածքը  
և ծառայեցնել այն ազգի կրթիչ պէտքերին:

Բայց ով կարող է ըմբռնել և իրագործել այդ  
կարեոր ծրագիրը, որից կախուած է հայ ժողովրդի  
մտաւոր բարգաւաճումը և առաջադիմութիւնը եթէ  
ոչ զլիով եւ եռանդով կարող հայրապետը իր ողջամիտ  
և գործունեայ խորհրդականներով:

Կունենայ արդեօք մի օր էջմիածինը այդպիսի  
հայրապետաւ:


Այս ճառով պատկերաւորուած տխուր ու ճշգրիտ  
նկարագրի առաջ ունկնդիրներից շատերի դէմքերը  
ներքին վշտից թոռմած կախուեցան:

\* \*

Ժողովի նախագահի թոյլտւութեամբ խօսքի հեր-  
թըն իմն էր: Նատ անգամ եմ սրտի կսկիծով կամե-  
ցել ի լուր՝ մասամբ թմրած, մասամբ միակողմանի,  
մասամբ անտարբեր հայ ժողովրդին այդ խօսքը  
բարձրածայն ասել, կանչել ու անկարող եմ եղել:  
Այժմ առիթը կար, Յովհաննէս Սպենդիարեանի ճառը  
ինձ համար մի կոչ էր, որ ես պարտքս կատարեմ,  
որ մատնացոյց անեմ այն վէրքը, որ թագնուել է  
միշտ հիւանդ եկեղեցու բուժման շուրջը խորհուրդ-  
ներ կազմող ազգայինների աջից:

«Պարոններ, մի քանի անգամ վերջին երկու կա-  
թողիկոսների օրով, ընտրութեանց, օծման, թաղում-  
ների առիթով ազգը ներկայացնող պատգամառնե-  
րը էջմիածնում ժողովներ են կազմել, խելք-խելքի են  
տուել՝ թէ ինչպէս բարեկարգեն այն եկեղեցին, որ  
ըստ ամենայնի անբարեկարդ վիճակի մէջն է ընկած:  
Խորհրդակցութիւնների արդիւնքը արձանագրում էր

ամեն անգամ և իբրև գիմումն, առաջարկութիւնն,  
խնդիր՝ պահանջի շեշտով ներկայացւում էր կաթողի-  
կոսին: Բարեկարգութեանց ծրագիրը ամփոփում էր  
կալուածական, դպրոցական, շինարարական և մասամբ



ԱԼԵՔՍԱՆԴՐ ՔԱՂԱՄՈՒՄ (Խոմըրագիր)

Պատգամաւոր Տիգրանակերտի

գիւանազիտական խնդիրներ: Ի դէպ, եկեղեցու ան-  
բարեկարգ վիճակը, անկումը իբրև իրողութիւն ըն-  
դունող պատգամառները լոելեայն ընդունում էին,  
որ այդ կաթողիկոսները եկեղեցու դրութիւնը ոչ

պարզապէս հասկանում և ըմբռնում՝ էին և ոչ շնորհք ու կարողութիւն ունէին հաստատութեանը դարման անել։ Եւ ահա ազգը յանձին իր պատգամաւորների (որոնց ուղարկել էր ընտրելու կամ թաղելու համար միայն) պարտք է համարում իբրև խորհրդական մարմին բարեկարգութեան ծրագիրներ տալ կաթողիկոսներին։ Այս լոելայն խոստովանութեամբ հանդերձ սկսում էին գովել, ներբողել, մամուլով երկինք ու երկիր դդրդացնել, թէ աննման է մեր կաթողիկոսը. իսկ երբ մեռնում էին կաթողիկոսները անարտասուք լացն ու շիւանը աշխարհ էր բռնում թէ անօրինակ աննման կաթողիկոս կորցրինք։ Իսկ յետոյ... յետոյ նրանց թողած աւերակների վրայ մի լուրջ հայեացք փուելիս, լուռմ, մոռացութեան տալիս ամեն ինչ կամ նոյնիսկ սկսում վատաքանել սակաւ առ սակաւ։

Պատգամաւորների մատուցած ծրագրերը մնում էին վեհարանի վոշու մէջ, կամ կաթողիկոսի դօշակի տակ որպէս մեռեալ տառեր, որ յարութիւն չունին, իսկ կաթողիկոսները մի բարոյական հիւանդութեամբ, լոկ տրտունջներով խուսափում էին ազգի և պատգամաւորների առաջ յանձն առած պատասխանատութիւնից բամբասելով էջմիածնի միաբանութեանը, որոնք իբր թէ տգէտ, խաւար մարդիկ են, ուստի հայրապետները մարդիկ չունին գործի գլուխ դնելու համար, այդ պատճառով գործ չի լինում։ Մինչդեռ հէնց այդ կաթողիկոսները իրենք տգէտ մարդիկ էին, անկարող եկեղեցի կառավարելու, իրենց շուրջը անշախանձաբար խմբելու բաւականաչափ լուսամիտ կրօնաւորներին և ասպարէզի վրայ դնելու։ Ընդհանուական նրանք պէս-պէս գէշ միջոցներով, գէշ հա-

շիւներով պառակտեցին էջմիածնի կրօնաւորների մնացած սակաւ միաբանութիւնը, կարող միաբաններին միջնադարեան տգեղ հալածանքով ցաք ու ցրիւ արին, փախցրին, զզուեցնելով կարգաթող անել տուին և մնացին իրենք էջմիածնի խաւարի մէջ նըստած, որ դրսի մոլորութիւնների ամպերով էլ աւելի էր թանձրանում։

Այս տխուր վիճակը, այսինքն եկեղեցու կրօնաւորութեան օրաւուր մեռնելը, նուազելը, անկումը, զարմանալի կերպով վրիպում էր պատգամաւորների աչքից։

Այսօր էլ կարծես նոյնն եմ տեսնում. մինչդեռ իմ խորին համոզմունքով հայոց եկեղեցին այժմ միայն մի բարեկարգութեան է կարօտ. պէտք է ժամանակի ոգու համեմատ ժողովրդավարական թափով և քրիստոնէական կրօնի ոգեորութեամբ լի կրօնաւորական մի միախորհուրդ բանակ կազմել և ասպարէզ հանել։

Հայոց եկեղեցին այժմ հունձ ունի. դուք խօսում էք, որ արտը կծղել է, թափւում է, բայց մոռանում էք, որ մշակ չունիք։ Դուք պատերազմ ունիք ձեր առջե, ճակատամարտի դաշտի դիրքերն էք որոշում, կոռուի ծրագիր էք տալիս հեռությ ու մոռանում էք, որ դուք կոռուող զինուոր չունիք։ Դուք ուղում էք ձեր ամրութիւնը պահպանել գիշերուայ յարձակումներից ու մոռանում էք, որ պարիսպների վրայ ու դարպանների առջև դնելու զինեալ պահապաններ չունիք։ Եղածները մեծ մասով անդէն, ապիկար, կուսակցական գինիով հարբած, վարձկաններ են, որոնք շատ անդամ աչք ու ունքով են խօ-

սում ձեր ամրութեան թշնամիների հետ։  
Եւ քանի գուք մի համը եկեղեցի ունիք ու այս-  
պիսի հոգեորականութիւն, որպիսին մենք ենք, ձեր  
ծրագրերը, խորհուրդները կը մնան իբրև մեռնող  
ձայն անապատում, որ արձագանք չունի։



ՀԱՄԲԱՐՁՈՒՄ ԱՌԱՔԵԼԵՍՆ (Խմբագիր)  
Պատգամառ Ախմ եւ Կեուց անապատաց

Այսքանից յետոյ, ես դառնում եմ շատ յարգելի  
պ. Յովհաննէս Սպենդիարեանի ճառին։

Միանգամայն ճշմարիտ է տնտեսական այն նկա-  
րագիրը, որ մեր առջև բաց արաւ պ. Սպենդիարեա-  
նը։ Էջմիածնի կալուածական փոքրիկ թագաւորու-  
թիւնը մի լէշ է, որի վրայ անգըներն են հաւաք-  
ուել։ Այդ գրութեան պատճառը յարգելի լուսաբանո-  
ղը սիստեմի պակասութիւնն է համարում։ Անտարա-  
կոյս սիստեմը ամենայն կազմակերպւած գործունէու-  
թեան շարժիչ ոյժն է, շոքին է, որ բարդ մեքենան  
իսկ կանոնաւոր, նպատակայարմար ու ներդաշնակ  
շարժողութեան մէջ է գնում։ Բայց ի՞նչ կարող է օգ-  
նել շոքին՝ եթէ մեքենաները ծռմուած, կոտրտուած,  
իրարից մեկուսացած ու ժանգոտ կտորների մի կոյտ  
են ներկայացնում։

Ի՞նչ կարող է անել սիստեմը տգէտ, անջիգեար,  
կուսակցական, շողոքորթ, խաբեբայ անձերի աշխար-  
հում։

Էջմիածնի կալուածական դրութիւնը ես լաւ  
գիտեմ, գիտեմ մասնագէտի նման։ Այն էլ գիտեմ,  
որ այդ կալուածները, եկամուտները կառավարելու  
համար բաւական լաւ սիստեմ կայ, կանոններ ու օ-  
րէնք, պէտ, օրէնք։ Բայց ոյք են այդ օրէնքների, այդ  
սիստեմի վրայ հսկողնորը, գողերը, մեծ մասով գողերը։

Ահա ձեզ մի իշխանաւոր, մի սրբազն անձն,  
որ օրինական սիստեմի վրայ հսկողն է և հէնց ինքն  
էլ կալուածների կառավարիչ։ Օրէնքի բարձր ատեա-  
նը տալիս է նրան պաշտօնական ժապավինեալ մատ-  
եան, ուր ամենայն ճշտութեամբ պիտի արձանագր-  
ուի ելքն ու մուտքը կալուածքի թ. 8 տունը վար-  
ձու արուած է տարեկան 1200 ըուբիով։ Մուտքի  
մէջ գրւում է թ. 8 անից ստացուեց 600 ըուբի

միայն, որովհետև 6 ամիս անբնակ էր, վարձող չունենալու պատճառով։ Մինչդեռ 6 ըուլէ անբնակ չի եղել. վարձող հրէան ամենայն սիրով պատրաստ է վկայել, թէ յիրաւի 6 ամսուայ վարձ է վճարել այն կրկնակի շահով, որ 1500 ըուբլիանոց տունը նա վարձում է 1200-ով և երկրորդ, որ գաղուած 600 ըուբլոց էլ մի 50 ըուբլու ընծայ կը ստանայ, որպէս բարեկամական առհաւատչեայ։

Ահա ձեզ մի ծախքի հաշիւ. կալուածքի շէնքերից մինը մի 2000 ըուբլիով կարկտնուում է, բայց օրէնքի ներկայացուցիչը, գործադրող սուրբ անձը պատրաստ է գրել՝ շինեցաւ ի կալուածի տուն նոր և ծախք եղեն 18,000 ըուբլի։


Ահա ձեզ գիցուք վանքի ազարակի կառավարիչ մի վարդապետ։ Թերթեցէք ժապաւինեալ մատեանը և դուք կը տեսնէք այսպիսի մարգարիտներ ելքի բաժնում։ «Խոչկոր մի գայլք կերին», «գառ մի շունք կերին», «Զենեցինք երինջ մի և քանզի ճարպն ի փուրին հոտեալ էր, ուստի արկինք շանց» և այլն. փորձեք գաղտնիքն իմանալ, գնացէք մի օր ճաշի հայր սուրբի մօտ, լաւ կոնծել տուէք ու խօսեցըէք և նա ձեզ կը բացատրի թէ ոյք են այդ «շունք» այդ «գայլք», որ կերել են այդքան խոզ ու խոչկոր։

Ահա ձեզ մի անտառապահ. յանդուգնի մէկը համարձակուել է գողութիւնը, անբարեխողձութիւնը մերկացնել։ Դողը վազում է կեդրոնը, քննիչ է զալիս, օրէնքի և սիստեմի ներկայացուցիչը, և ինչ էք կարծում ի՞նչ է լինում. գողը պաշտպանուումէ, յանդուգն մեղադրողը որպէս զրպարտիչ մեղադրում, բայց առանց պատժի մնում։ Եւ այլն և այլն,

անվերջ, անչափ, անսահման։

Արդ, ո՞ր կատարեալ սիստեմը կարող է օգնել այն հաստատութեանը, որ անբարեխողձ, անօրէն մարդկանց ձեռքն է ընկել։

Ուրեմն վրկութեան համար մէկ ճանապարհ կայ. հաւատ, պատուասիրութիւն, ժողովրդասիրութիւն



ԱՐՏՍՈՆԵԿՍ ՇԽԵԱՆ (բժշ.)

Պատգամաւոր Արդեիի եւ Բալուի

ունեցող փոքր ի շատէ բարեխողձ անձեր պիտի հրաւիրել, պատրաստել և հոգեոր կոչումն տալ ու գործի վրայ դնել։ Ուրիշ խօսքով հոգեորականութիւն պատ-

բաստել, եղած լաւերը խմբելով, նոր լաւերը բերելով, անպիտաններին սանձելով։

Այլասէս գողութեան և անբարեխղճութեան սիստեմը կը սպանէ ամեն ընտիր սիստեմ, էջմիածնի խարեւան կը գայ Թիֆլիս կալուածներ բարեկարգելու վրայ խորհրդակցութիւն անելու և կերթայ էջմիածնին ապացուցուած հզօր գողին պաշտպանելու ու մտքումը ազգի վրայ ծիծաղելու և այսպէս անվերջ։

Իսկ ազգը, ազգը... ազգը... ազգն էլ հէնց դրանցից է գոհ, շողոքորթող գողերից ու անտարբեր դէպի իր եկեղեցու շահն ու նրա հալածական պաշտպանները։

Իսկ պատգամաւորները... ծրագիր են կազմում քցում վեհարձն, որ մէկէլ կաթողիկոսի թաղմանը գան, նոր ծրագիր կազմելու համար։

Ահա այս էր իմ խօսքը մօսաւոր, որի վրայ միքանի օրինակ աւելացրի որ ընթերցող ազգը իրազեկ լինի դրութեանը և ուշքի գալով իր գլխին գալիքը, իր եկեղեցու վիճակն իմանայ. ու դարման տանի, եթէ միայն, այդ ազգը ուշքի գալ կարող է։

Փամի շն էր մեր նախագահն սկսել էր նիրհել ու յիշեցնել մեզ էլ թէ քնելու ժամանակն է և մենք վերջին գիշեր քնեցինք Ս. էջմիածնի հովանու ներքոյ։

\* \*

Առաւօտն է, կաթողիկոսական ընտրութեան առաւօտը։ Մեծամանութիւնը կաթողիկոս ընտրելու համար Մայր Տաճար պիտի մտնի. իսկ մենք պատրաստ էնք ճանապարհ ընկնելու, ցըռուելու, ժամ

ուաջ հեռանալու էջմիածնից, ուր կուտակուած անիրաւութեան երեսից այնքան սրտմաշօրեր ու գիշերներ անցուցինք։ Մեզ էլ չէր հետաքրքրում այն ընտրութիւնը, այն ընտրեալ անձնաւորութիւնը, որի շուրջը անարդարութիւնը, բռնութիւնն էր ծով կապել։ Անսուրբ խորհուրդներով, կուսակցական ոգով ընտրեալը կարող է կաթողիկոս լինել, բայց որբազան անձնաւորութիւն չէ, Աստուծոյ եւ ազգի ընտըրեալը չէ, ուստի և ընտրութիւնն էլ մեզ չէր հետաքրքրում։

Մեզնից ոմանք մեկնեցին դէպի Երևան, ոմանք դէպի էջմիածնի կայարանը։

Կառք նստանք բժ. պ. Արտաշէս Շխեմնի հետ և Երևանի ճանապարհը բռնեցինք. Վաղարշապատից դուրս գալուց առաջ իջանք մեր բարեկամներից մէկին մնաք բարով ասելու, յետոյ իջանք Ս. Հռիփսիմէի վանքը, ուր եկան մեր ընկերներից Տիրայր, Հրանտ վարդապետները, պ.պ. Սպիհնդիարեան ու Զէրքէղեան, վանահօր՝ պատուական Պարեգին վարդապետի հիւրասիրութիւնը վայելեցինք, մտանք վանք, ուստ արինք ու աղօթեցինք, Ս. կոյսերին նուիրած «Անձինք նուիրեալք» անոյշ շարականը երգեցինք անցած դարերի վերյուշերով, ներկայի տխուր շեշտերով, գալիք օրերի առկայծող յոյսերով ու ճանապարհ ընկանք։

Մինչև երկաթուղու գնացքի մեկնիլը մէկ ժամից աւելի ժամանակ ունէինք։ Ուստի իջանք Երևանի անմաքուր հրապարակը ճանապարհի համար մանր-մունք բաներ գնելու։

Խանութներում մեզ հանդիպող ծանօթ ու ան-

ծանօթ հայեր, որոնց արգէն յայտնի էր մեր մեկուսանալն ընտրութիւնից, յայտնում էին մեզ իրենց անկեղծ գոհութիւնը, իրենց երախտագիտութիւնը, իրենց համակրանքը:

Մեկնում ենք դէպի կայարան. այստեղ նոյն հա-



ԱՐՃԱԿ ԲԱԲԵՍԻՆ (ճարտարապետ)

Պատգամատոր Սեբաստիոն

մակրանքը, շնորհակալութիւնը ճանապարհորդ հայերի կողմից, գնացքի մէջ նոյն բանը, Ալէքսանդրապոլի կայարանում նոյնը: Այս հանդիպումները մեզ բացարձակապէս համոզեցին թէ մենք ժողովրդի հետն ենք եղել, ժողովուրդը մեր ապրումներով է ապրել այդ օրերը և այդ բուն ժողովուրդն է, հրապարակի վրայ անբարբառ, զոռող գոչող խմբակներից հեռու մեծ ժողովուրդը:

Երևանի կայարանում մենք գտանք մեր ընկերներից պ.պ. ճարտարապետ Բաբեանին և Գույշում ճեանին. Էջմիածնի կայարանում հանդիպեցինք պ.պ. պ. Քալանթարին և Առաքելեանին և խոհերով, խորհրդակցելով, քննադատելով ու նորութիւններ ասելով, ճանապարհ ընկանք դէպի Թիֆլիս:

Մեր ընկերները մեզ հետևեալ նորութիւնները պատմեցին. կաթողիկոսացու էր ընտրուել Տեղակալ Տ. Գէորգ Արքազան Սուրէնեանը 58 ձայնով, կանդիտատ Դուրեան արքեպիսկոպոսը 57 ձայնով: Պարզ էր, որ կաթողիկոսը ընտրուել էր բոլոր պատգամաւորների կիսից պակաս ձայներով, ուրեմն և ընտրութիւնը օրինաւոր համարուել չէր կարող և ընտրական ընդհանուր օրինաց տեսակէտից:

Լսեցինք նաև հետևեալ սխրագործութիւնները, որ պատուական մեծամասնութեան նկարագիրն է լրացնում:

Կաթողիկոսի ընտրութեան գիշերը պատգամաւորները ժողով են կազմում, թուով 91 հոգի կարծեմ, իրաւախոհ լինում, վճռում միաձայն Դուրեան սրբազնին ընտրել որպէս առաջին թեկնածու բոլոր ներկայ ձայներով, իսկ Սուրէնեան սրբազնին և Մեսրոպ եպիսկոպոսին տալ 60-ական ձայն: Եւ որովհետև փոխադարձ վատահութիւնն իրար վրայ պակաս են եղել, ազնիւ խօսքը քիչ է համարուել հաւատ ներշնչելու համար, ուստի վճիռն արձանագրել են և... և մինչև իսկ Աւետարանն են բերել ու ուխտել, որ հաւատարիմ մնան իրենց խօսքին:

«Սուտ խոստովանութեան՝ սուտ թողութիւն, սուտ ուխտին՝ սուտ մուրագ»:

Ընտրութեան ժամանակ մեր «ուխտեալները» Մայր Տաճարի մէջ առանց այլայլութեան փոխադարձ ուխտագրժութեամբ և խաբեբայութեամբ են պսակում իրենց ուխտը. «Այս Վասակ եղիտ զայն Վասակ»։ Սուրբէնեան սրբազնի կողմնակիցները Դուրեանին սև քւէ են տալիս, որպէսզի նա աւելի պակաս քուէ ստանայ քան Սուրբէնեանինը, իսկ Դուրեանի կուսակիցների մի



ԽՍԴԱՏՈՒՐ ՍՅՐԻԿԵԱՆ (իրաւաբան, մեծ վաճառական)  
Պատգամառ Ռայազերի

մասը Սուրբէնեանին սպիտակ քուէ են տալիս, կարծելով թէ Դուրեանը բոլոր սպիտակ քուէները պիտի շահի։ Մեսրոպ եպիսկոպոսի կուսակիցները սև են տալիս և Սուրբէնեանին և Դուրեանին ու սպիտակ տալիս միայն Մեսրոպին այն հաշուով, թէ առաջինների

կուսակիցները իրենց խոստման հիմամբ կը խաբուին, Մեսրոպին սպիտակ քուէ կտան և նա կը լինի առաջին կամ երկրորդ ընտրեալը։

Այս պատմութիւնը լսելիս միտքս եկաւ հետևեալ դէպքը. տարիներ առաջ ինձ պատմել են այսպիսի մի բան.

Փարիզի մեծ ցուցահանդէսի ժամանակ Ուռուսիոյ գաղտնի ոստիկանութիւնը գրում է գտղունաբար բա. ըեկամ Թրանսխայի ոստիկանութեանը թէ՝ Ուռուսատանում յայտնի Ուռուսովի գրպանահատութիք մի մեծ խմբով գնում են Փարիզ աշխատանք անելու, հետևաբար զգուշանալու է։ Թրանսխայում էլ Լիօնի լոթիքն են յայտնի։ Վերջիններս ոստառվցինների գան իմանալով, կազմակերպում են և մրցման մտնում նրանց հետ և սկսում է ճարտարամիտ խաբեբայութիւնների, արկածների մի շարք երկու երկրի լոթինների մէջ։ Վերջը լիօնցինների ձեռքից ոստառվցիք փախչում են և ֆրանսիական ոստիկանութիւնը հաղորդում է մեր ոստիկանութեանը թէ. «մեր լիօնցիք յաղթեցին ձեր ոստառվցիններին»։

Ճիշտ նոյն պատկերը, նոյն եղանակը։ Էջմիածնի իւրատեսակի ցուցահանդէսում, կաթողիկոսական նախավերջին ընտրութեանը Տաճկաստանից եկած պատգամաւորների մեծ մասը, որոնց մէջ հեռուից յարգուողներ էլ կային, էջմիածնում աչքի ընկան իրենց խաբելասիրութեամբ։ Էջմիածնեցիք այս բանը չէին մոռացել այս անգամ և վերջին մրցման մէջ մեր լիօնցիք փառաւոր կերպով յաղթեցին արևմուտքի ոստառվցիններին։

Եւ այդ մրցման մէջ կոխկրտեցին հայոց սուր-

բերն ու քաջերը և՝ պատգամաւորի կոչումը, և խիղ-  
ճը և այն Աւետարանը, որի վրայ ուխտեցին, ուր-  
յուղայական համբոյը դրոշմեցին:

Պարզուեցաւ ինձ համար թէ ինչու այնքան վըր-  
դովուեցան ազգի ներկայացուցիչները, երբ ես միա-



ՅՈՎՀԱՆՆԵՍ ՅՈՎՀԱՆՆԻՍԵԱՆ (Բանաստեղծ)

Պատգամաւոր Քրուսայի

մտարար իմ խօսքի մէջ դիմեցի նրանց ասելով.  
«Ազնիւ եղէք»: Շնորհաւորում եմ այժմ:

Ի՞նչ կասի այժմ այն «ազնիւ» վարդապետը, որ  
լիօնցու պէս հայհոյեց ինձ. որ Թիֆլիզի խմբագրա-  
տներից մինում Օրմանեանին գովելու համար իր աղ-  
քատ լեզուի պաշարն սպառեց, որ պատրաստ էր

«Ղասախօսութիւն կարդալ Օրմանեանի համար», Էջմիա-  
ծին զալով Սուրէնեան սրբազնին հաւատացնում էր  
թէ նա է իր միակ ընտրելին, որպէսզի ընտրութեա-  
նը Սուրէնեանին էլ մե քուէ տայ և Մեսրոպի համար  
ճգնի: 0՝, երանի ձեզ, Սիօնի քաջեր, Լիօնի հերոս-  
ները ձեր առջև գաճաճներ են, բան չեն:

Եւ ահա ազգը մի չարաբաստիկ օր էլ վարագու-  
րած աչքերով սրանցից պիտի ընտրէ իրեն համար  
կաթողիկոսացու...

\* \*

Ես վերջացրի խօսքս, զեկուցումս, իրերի և վի-  
ճակի ճշգրիտ նկարագրութիւնը, որ դնում եմ ընդ-  
հանրապէս իր եկեղեցու, իր ինքնուրոյն կեանքի հա-  
մար սրտացաւ հայերու և մասնաւորապէս այն թեմի  
ժողովրդի առաջ, որի պատգամաւորն էի ես:

Այժմ ամփոփում եմ խօսքս:

Հայոց եկեղեցու վիճակն ընդհանրապէս, Մայր  
Աթոռինը մասնաւորապէս, աւաղելի է: Կիսակործան  
կրօնական ազգային հաստատութիւնը վախճանական  
կործանումից ազատելու համար անհրաժեշտ էր մի  
արժանաւոր կաթողիկոս ընտրել: Այդ նպատակով,  
այդ տրամադրութեամբ, այդ ուխտով ու սրտի միա-  
մտութեամբ գնացինք ո. Էջմիածին: Սակայն անկարող  
եղանք մի արժանաւոր անձի կաթողիկոս ընտրել. ոչ  
ազգի, ոչ եկեղեցու շահերով, այլ լոկ կուսակչական  
կարձատե, անձնական հաշիւներով առաջնորդուող  
պատգամաւորների մի բազմութիւն տեսանք մեր ա-  
ռաջ, որ իրենց յարած նսեմ հոգեսրականներից էին  
ուզում յաջորդ ընտրել Լուսաւորչին: Նրանք իրենց  
թուական առաւելութեանը յենուած կուռ զինեալ

Եին ու պատերազմական փողն ի բերան։ Դիմումն արինք, խաղաղութեան կոչ արինք, աննշան զիջումն խնդրեցինք յանուն տառապեալ եկեղեցու, բայց նրանք քար սրտով իրենց հպարտութեան բարձունքումն արձանացած, մերժեցին մեղ և բռնութեան զէնքով, մեր ձայնը խեղելով, մեղ սպառնալիքներ



Գևորգ Աբոյիւսն (Մանկավարժ)  
Պատմաւոր Գերջանի

տալով պահանջեցին, որ վաճառենք մեր խիդը, ուշրանանք արժանիքն արժանաւորների, ձեռք քաշենք մեր գիտակցութիւնից, միանանք իրենց հետ և մեղ ընտրող ժողովը լաւագոյն ցանկութիւնների հակառակ անձն ընտրենք ու նպաստենք որ եկեղեցու անկումն արագանայ։

Այս բոլորի վրայ երբ աւելացաւ յանցանքներից էն խոշորագոյնը, երբ գաղտնիքների վարագոյներն այրուեցան ու պարզուեցաւ թէ կուսակցական անձեր երկու տեղապահների ձեռքով ստնահարել են ազգի ընտրական իրաւունքը, իրենց կուսակիցներին փաթաթել են ազգի վղին, որպէս ընտրելիներ, փոխադանական շահերի հիմունքով, այլևս մենք չէինք կարող մասնակցել ազօրինի ընտրութեանը, չէինք կարող դաւաճանել մեր եկեղեցուն, մեր ազգին, մեր գիտակցութեան ու սեերես մնալ պատմութեան առաջ։

Ուստի թօթափեցինք մեր ոտքերի փոշին ու մեր խղճի անգորրութիւնը զրկած՝ հեռացանք ընտրութիւններից ու Էջմիածնից։

Ահա թէ ինչո՞ւ հեռացանք։

Խղճի լուսաւորութեամբ, առանց ատելութեան, պատմական ճշմարտութեանը անդաւաճան ծառայելու պարտաճանաչութեամբ զրի առայ պատմական անցքը, այն անյողգողդ հաւատով թէ երբ կրքերը հանդարտին, երբ թերես մենք մի հողաթմրի տակ ամփոփուած լինինք, անշուշտ իր գաղտնարանից դուրս պիտի գայ անկաշառ ու անաշառ պատմագիրը և իմ նկարագրիս մէջ՝ անդրագարձած պիտի տեսնի ճըշմարտութիւը. հէնց այն օրն էլ մենք պիտի ստանանք մեր բարոյական վարձատրութիւնը, որ պատմագրի գոհութեամբը պիտի արտայայտուի։

Այդ վերջակէտով կամենում էի վար դնել գրիչս Բայց մեր հակառակորդներն իրենց մի նոր արարքով գալիս են վկայելու, թէ իրենք բռնաւոր են ազատ խղճի, սպանիչ՝ ազատ մտածութեան, գերող՝ ազատ

հոգիների, հեթանոս հալածողներ՝ քրիստոնէական շնորհքի և ինքնուրոյնութեան:

Հէնց այժմ տեղեկութիւն առայ թէ պատգամաւորների մեծամասնութեան զլուխը ներոնի և կալիգուլայի, Զինդիդ խանի և Համիդի գավինիներով պատկող «ընկերները» հոգեոր ու աշխարհական, Տաճկաս-



ՏԻԳՐԱՆ ԳՈՒՅՈՒՄՃԵՍՆ (գիւղատնտես, վաճառական)  
Պատգամաւոր Բաղդատի

տան համնելով կատարել են իրենց տուած սպառնաւիքներն իջմիածնում, պաշտօններից զրկել ու հալածանքի են ենթարկել հայ եկեղեցու ընտիր հայրերին Տ. Տ. Բաբդէն եպիսկոպոս Կիւլէսէրեանին, Տիրայր ծայրագոյն վարդապետին և Հրանտ վարդապետին, որովհետև նրանք հաւատարիմ մնալով իրենց ազգին

ու եկեղեցուն իջմիածնում, չկամեցան արաւաւորել իրենց խիզձը՝ և բռնութեան դէմ բողոքելով, փոքրամասնութեան մէջ մտնելը պատիւ և պարտք համարեցին:

Եւ այսպիսի բռնութիւն գործ են դնում շնորհալի հոգեոր հարց վրայ այն անձերը, որ միշտ բռնութեան դէմ են բողոքել. հայ Աննան ու Կայիափան, հայ Հերովդէմներն ու պիղատոսները գաշնակցած: Նախատինք ձեզ, վատարի անձինք, ստորացած բռնաւորներ...

Դուք ուզում էք հայոց եկեղեցին գատարկել աղատ հոգիներից, գուք ուզում էք հաւատաքննութեան անէծքով և ստրկահոգի շողոքորթներով լցնել մեր աղդային աղատ եկեղեցին, բայց քաջ իմացէք, որ այդպիսի գարշելի բովանդակութիւնից կը պատռուի քրիստոնէական եկեղեցին, չի դիմանայ այդքան անարդանքի և դուք՝ սևահոգի բռնաւորներ, նրա վլատակների տակը կը մնաք, իսկ ձեզնից բարձր՝ միայն անէծքը ժողովրդի ձեզ բաժին:

Տեսնո՞ւմ էք, որքան անիրաւութիւն կայ գործուած ու կախուած այդ հայրապետական ընտրութեան գլխին. օ, այսպիսի ընտրութիւնը օհնութիւնաբեր չի մինի մեր եկեղեցուն:

## ՅԱԽԵԼՈՒՅՌ

Ես իմ խօսքը վերջացրի. սակայն անկարող եմ առանց այս յաւելուածի կնքել գիրքս:

Այս վերնագրի տակ դնում եմ նկարագրիս լրացումները, որոնք երկու նշանակութիւն ունին գլխաւորապէս. նախ՝ վաւերացնում են նկարագրիս ճշմարտութիւնը. երկրորդ հերքում են անբարեմիտ ասէւկոսէները, որոնք ուղղում են տեղտեղ պատգամաւորների փոքրամասնութեան հասցէին:

Չոր օրինակ՝ ասում են թէ փոքրամասնութիւնը յամառօրէն, առանց պատճառաբանութեան, լոկ քմահաճոյքով պահանջում էր որ Օրմանեան Սրբազնին ընտրելի ընդունեն:

Յովհաննէս Սպենդիարեանի ճառը՝ որ խօսուած է Դեկտ. 11-ին համերաշխութեան ժողովի նիստին, կատարեալ հերքումն է այդ հնարովի լուրերուն:

Ասում են թէ փոքրամասնութիւնը ոչ մի ապօքէնութիւն չէր տեսնի, եթէ Օրմանեանի անունը ընտրական ցանկի մէջ մտնէր:

Սուքիաս Սրբազնի ճառը, փոքրամասնութեան ընդհանուր բողոքը, Զուբարի, Ենգիբարեանի, Բերբերեանի, Բարդուղիմէոս սրբազնի անհատական բողոքները, որոնք նուիրուած են ի պաշտպանութիւն միայն սկզբունքների եւ ոչ երբէք անձերի, բացարձակ հերքումն են այն չարահնար լուրերու, որոնք հակառաւմ են բողոքների բովանդակութեանը:

Ուստի ես կարեոր եմ համարում՝ իբրև գրքիս լրացումն, այս յաւելուածով հրատարակել այդ բողոքները:

Յաւում եմ որ փոքրամասնութեան պատգամաւորներից ոմանց լուսանկար պատկերները ժամանակին չհասան ձեռքս, ուստի և գրքիս մէջ բաց մնացին: Ի դէպ. չեռաւոր ծանօթներս գրերով, մօտաւորները բանիւ բերանոյ յորդորեցին ինձ ինայել ինքս ինձ, ծածկել շատ ճշմարտութիւն, այլապէս վերջ ու վախճան չի ունենայ այն հալածանքը, որ առատօրէն վայելում եմ հոգեոր իշխանութեանս ու մանց հզօրների կողմից:

Պատասխանում եմ, բարեկամներ, այս ու այն անձի դէմ տածած ատելութիւնը չէ, որ ինձ խօսեցնել է տալիս, քաւ լիցի, այլ այն վտանգը, որ սպառնում է—գոնէ իմ համոզմունքով—հայոց եկեղեցուն և ազգին և վրաս պարագ է դնում չծածկել այն ճշմարտութիւնները, որոնք հասարակաց կեանքի հետ կապ ունին:

Ես դեռ հաւատում եմ, զօրեղապէս հաւատում եմ ճշմարտութեանն ու արդարութեանը, որոնք ինձ կը պաշտպանեն, եթէ ոչ այժմ՝ գոնէ փոքր ինչ յետոյ, չար լեզուների, չար հալածանքի դէմ:

Իսկ եթէ անիրաւութիւնը էլ աւելի կը լեռնանայ և վրէժինդրութեան թափով իբրև հալածանք կը փիչի անձիս վրայ, որովհետեւ հոգուս անկախութիւնը ծախել, պարտքս ուրանալ, ճշմարտութիւնը ծածկել չկարողացայ, ինչ անեմ. կը մնայ ինձ այդ դէպքում հնաւուրց կրօնաւորների խօսքը կը կնել. «Ի փառու վեհին Աստուծոյ»:

Բենիկ վարդապէս

### Յ. ՄՊԵՆԴԻԱԼԵԱՆԻ ՃԱՌՈՒ

(Արտասանուած էջմիածնում դեկտ. 11-ին, համերաշխութեան յանձնաժողովի նիստին)

Խրիմեանի ըստ ամենայնի անյաջող հայրապետութիւնից յետոյ հայ ժողովուրդը հասկացու, որ կաթողիկոսական ծանր և պատասխանատու պաշտօնէութեան համար առաջարկուած ընտրելին պիտի անպայման օժտուած լինի վարչական չնորհքով բնութեան կարող ոգով և կամքով, մտաւոր զարգացմամբ և կրթութեամբ:

Հայ ժողովուրդը դառն փորձերից յետոյ ըմբռնեց, որ միայն այդպիսի արժանաւորութիւնների տէր եկեղեցականը կարող է բարեկարգել և պայծառացնել էջմիածնի ներկայ վիճակը, կարգաւորել հայոց եկեղեցու վարչական դպրոցական և կալուածական գործերը, բարձրացնել Մայր Աթոռի և հայրապետի ենթնակութիւնը, հայոց ազգի և եկեղեցու անունն ու պատիւը:

Ամենայն հայոց կաթողիկոսի իրաւասութեան ներքոյ է գտնուած ամբողջ էջմիածինը իր հաստատութիւններով և միարանութիւններով:

Նա հայոց եկեղեցու գլուխ լինելով՝ դեկապարում է կրօնական, եկեղեցական-վարչական, դպրոցական և կալուածական գործերը:

Նրա բարձր հոգատարութեանն է յանձնուած էջմիածնի ձեմարանը իր ուսուցչական խմբով և աշակերտներով:

Կաթողիկոսը հսկում է թեմակալ առաջնորդների գործունէութեանն ըստ իրան ներկայացուած տեղեկագիրների, նաև

երբեմն լուրջ ազգային-կրօնական խնդիրների առիթով բանակցութիւնների մէջ է մտնում հայոց պատրիաքների հետ, տալով նրանց որոշ հրահանգների ի գործադրութիւն:

Ո՞քան, ուրեմն, մտաւոր եռանդ և պատրաստութիւն պիտի ունենայ հայրապետը, ո՞քան մեծ վարչական չնորհքով օժտուած պիտի լինի նա այդ ծանր ու բարդ գործերի կարգաւորումը գլուխ բերելու համար.

Բայց ամենապատասխանատու մասը հայրապետի գործունէութեան կազմում են նրա բանակցութիւնները պետական հաստատութիւնների և բարձրաստիճան պաշտօնեանների հետ այլ և այլ եկեղեցական-վարչական և դպրոցական դործերի առիթով:

Այս մասում հայրապետը եթէ չունի վարչական-դիւնապիտական չնորհք, կարող է անփարատելի սխալներ անել, ունկնդիր լինելով իր խորհրդատունների անհեռատես ներշնչումներին; Դժբաղդաբար այդպիսի դէպքեր տեղի են ունեցել թէ այստեղ էջմիածնում և թէ Թիւրքիայում, դէպքեր, որոնք շատ թանգ են նստել հայերիս համար և ծանր կացութեան մէջ են գրել հայրապետական և պատրիարքական աթոռները:

Ներկայ ժամանակի անխուսափելի պահանջներից մէկն էլ նա է, որ հայոց հայրապետը լինի բարձր ուսման տէր և կրթուած անձն, գիտակ ուսուերէն կամ եւրոպական լեզունեներին. դա պահանջում է ազգի և եկեղեցու արժանապատաւութիւնը:

Էջմիածինը ունի հարուստ գրադարան և հին ձեռագրերի նշանաւոր ժողովածու, բայց նա չունի ուսումնատենչ միաբանութիւն. գիտական պաշարով օժտուած հայրապետը՝ կարող էր իր անձնական օրինակով գրաւել և ոգևորեմիաբաններին գիտութեան վերաբերեալ աւարկաններով:

Միիթարեանների աշխատավիրութեանը և ուսումնատենչ ոգուն ենք պարտական, որ մեր եկեղեցական և պատմական մատենագրութիւնն ունի այսօր բազմաթիւ քննական հրատարակութիւններ: Ինչու յետ է մնացել էջմիածինը այդ մասում. արդեօք պատճառն այն չէ, որ մեր միաբանութիւնը շեղուել է

իր ուղիղ կոչումից և զբաղուելով սին, անցաւոր ձգտումների պայքարով՝ մոռացել է իր սրբազան կոչում աղդի և եկեղեցու առաջ:

Հայրապետի անձնական հեղինակութիւնը մեծ ազդեցութիւն ունի էջմիածնի միաբանութեան վրայ և նա է միայն, որ կարող է տիրող մեռելութիւնից թմրած ոյժերը կեանքի կանչել:

Հայրապետը պիտի քաջ տեղեակ լինի եկեղեցական մատենագրութեան կան եկեղեցական խնդիրներ, որոնք կարօտեն վերաբննութեան ժամանակի և դիտութեան պահանջների համաձայն ազգային-եկեղեցական ծողովների միջոցով։ Բայց այդ խնդիրներին կարող է մօտենալ լուսաւորուած, գիտութեան պաշտառով զինուած միտքը՝ նրանց պատշաճաւոր ուղղութիւն տալու համար։

Հայրապետի մտաւոր և գիտական պատրաստութիւնը կարող է այդ դէպքում մեծ ծառայութիւն մատուցանել եկեղեցուն, վերակենդանացնելով և կեանքի պահանջներին մօտենելով եկեղեցական կանոնները և աւանդութիւնները։

Ահա այն արժանաւորութիւնների համառօտ ամփոփումը, որ պիտի ունենայ կաթողիկոսութեան թեկնածուն ամենայն իրաւամբ հայրապետական աթոռը ժառանգելու համար, և մենք անտես առնելով կուսակցական պայքարը ու միայն աչքի առաջ ունենալով աղդի, եկեղեցու և Մայր Աթոռի շահերը՝ բարյական պարտք ունենք կատարելու մեր խղճի առաջ, այն է՝ ընտրել արժանաւորագոյն ժառանգ կաթողիկոսական գահի համար։

Բնաւ չկամենալով ժխտել արժանիքները այն կաթողիկոսական թեկնածուների, որոնց անունները դրուած են հրապարակի վրայ, արդարութիւնը ստկայն պահանջում է, որ մենք խոստովանենք, թէ արժանաւորագոյնը նրանց մէջ Մաղաքիա արքեպիսկոպոս Օրմանեանն է։

Սա ամենախոչոր և քանքարաւոր դէմքն է հայ հոգևորականութեան մէջ։

Նա է, որ իր վարչական ընդունակութիւններով, փորձառութեամբ, ուսումով, գիտութեամբ և երուական կը թու-

թեամբ բաւարարութիւն է աալիս այն պահանջներին, որոնց մասին մենք արդէն յիշեցինք։

Այդ նշանաւոր եկեղեցականը իրօք օժտուած է վարչական և դիւանագիտամիան ակնյալանի տաղանդով, որը և արտայայտեց նա տեսչական, առաջնորդական և պատրիարքական պաշտօնները երկար տարիներ վարած ժամանակը կարնում, Արմաշի դպրեվանքում և Կ. Պօլում։

Օրմանեանը պատրաստեց մի խումք երիտասարդ կրթուած հոգեպրականներ, որոնք Թիւրքիայում առաջնորդական և քարոզական պաշտօններ են կատարում, նաև գործում են բանասիրական և գպրոցական ասպարէզների վրայ։ Ներկայ գտընւող պատգամաւորներից նրա աշակերտները լինելու բաղդը ունեցել են Գաղատիոյ առաջնորդ Բարդէն սրբազնը և Բարեդի առաջնորդի տեղապահ։ Տիրայր ծայրագոյն վարդապետը։

Օրմանեանը տաղանդաւոր քարոզիչ է և լեզուագէտ։

Օրմանեանը եկեղեցական մատենագրութեան մէջ անուն հանած հեղինակ է և, չնայած իր պատկառելի հասակին, մինչև այսօր չարունակում է աշխայժ հոգով աշխատել։

Այդ բոլորը բաւ է վկայելու համար, որ այսօր Լուսաւորչի Գանի արժանաւորագոյն ժառանգը ամենայն իրաւամբ, կարող է համարուել Մաղաքիա արքեպիսկոպոս Օրմանեանը, որի թեկնածութիւնը խղճի մտօք և խորին համոզմունքով պիտի պաշտպանէ մինչև վերջը մի միլիօնից աւելի հայ ժողովրդի ներկայացուցչութիւնը էջմիածնում։

### ՍՈՒՐԻԱՆ ԱՐՔԵՊՈ. ՊԱՐՁԵԱՆԻ ՃԱՌՈՅ ԲՈՂՈՔԸ ՆԵՐԿԱՑԱՅԵԼԻՄ

Ամենապատիւ տէր Տեղապահ սրբ. հայր,

Խոհական ատենապետ պատկառելի

Համազգային Ժողովոյ.

Մենք, Մայր Աթոռոյս միաբանութեան կողմանէ կաթողիկոսական ընտրութեան քանի մի պատգամաւորներս, Ուսուսասանի 4 վիճակների աշխարհական և հոգեօրական, նոյնպէս

Պարսկաստանի, և Թիւրքիայի քանի մի թեմերի պատգամաւորները՝ ի նկատի ունենալով այս համազդային ժողովով բարձր նշանակութիւնը, մի ժողովոյ՝ որ 17 դարուց հետէ հայ ազգի ժողովրդեան անմոլար կառավարութեան դեկավարն է, որ մեր եկեղեցւոյ անխոտոր վարչութեան բևեռական աստղն է, որ մժութեան մէջ լուսափայլ փարոսն է, այժմ կապտուած է իր ժողովրդական հաւաքական իրաւունքով մասնակցութիւնից իր անդամների կողմանէ մինչև ցայսօր ունեցած աղատ և անբըռնադատ ընտրութիւնից, ենթարկուելով անձնական ազդեցութիւնների թելադրութեանց, որով պիտի նուաստանայ եկեղեցւոյ ընտրելի հայրապետի նշանակութիւնը, մեծարանքը և արժանիքը՝ հասուն խորհրդակցութեամբ և խորին պատուազգացութեամբ չկարողանալով մասնակցել սոյն ընտրութեան՝ ցաւօք սրտի պարտաւորում ենք հեռանալ, որպէսզի ազատենք մեզ ապագայ պատասխանատւութիւնից մեր խղճի և ընտրով ժողովրդների առջև։

Ամենապատիւ սրբազան հայր, մատուցանելով ձեզ ներկայ բողոքազիրս՝ որոյ մէջ պատճառաբանուած են մեր հրաժեշտի առիթները մի առ մի, յարգոյաբար խնդրում ենք այս մեր առարկութիւնները բարեհաճել մտցնել կաթողիկոսական ընտրութեան արձանագրութեան մէջ և ընթացք տալ ներկայ բողոքագրին։

---

Ամենայն Հայոց կաթողիկոսի ընտրութեան համար գումարուած Ա. էջմիածնի պատգամաւորական ժողովին։

Մենք ստորագրող Ռուսաստանի, Տաճկաստանի և Պարսկաստանի թեմերից եկած հոգևորական և աշխարհական պատգամաւորներս համարում ենք սոյն կաթողիկոսական ընտրութիւնը անկանոն և բեկանելի հետեւալ պատճառներով։

Գոյութիւն ունեցող օրէնքը (Պոլօժենիէ հայ եկեղեցու գործերի կառավարութեան 1836 թ. ամենայն հայոց կաթողիկոսի ընտրութեան կանոններ 1865 և 1908 թ.թ.) սահմանում

է որպէս սկզբունք և հիմք այն ընտրական սկզբունքը, որով «իւրաքանչիւր ոք ի ժողովրդականաց տայ զկարծիս իւր... ազատորէն, ըստ ուղիղ հասկացողութեան իւրում, ըստ մաքուր խղճի, մասց, առանց երբէք երկիւղի և ոչ նայելով յառաջարկութիւն ինչ կողմնակի կամ ի գրութիւն մասնաւոր, թէն իցէ այն ի պատուաւորագոյն անձանց յազգէն հայոց (կանոնք § 16): Մինչդեռ Ա. էջմիածնի Սինօփի ընտրական ժործից երեսում է, որ Կ. Պոլսի հայոց կրօնական ժողովը տարւոյս նոյեմբերի 17-ի իր գրութեամբ № 329, յայտնել է նորին ամենապատիւ Ա. էջմիածնի կաթողիկոսական Տեղապահ Գէորգ արքեպիսկոպոս Սուրէնեանին, որ Ա. էջմիածնում կաթողիկոս ընտրելու համար գումարուած պատգամաւորական ժողովը վճռականապէս մերժէ Կ. Պոլսի նախակին պատրիարք Մաղաքիայ արքեպ. Օրմանեանի թեկնածութիւնը. Այս գրութիւնը, որի իսկականը գտնւում է ընտրական զործի մէջ, հանդիսանում է որպէս օրէնքով արգելուած անմիջական ճնշումն, որ արգելում է ընտրողների պատ կամքի արտայայտութեանը և բունագատում է նրանց խիղճը, մանաւանդ Տաճկաստանից եկած պատգամաւորներինը։ Նոյն հոգով է կաղմուած նաև Կ. Պոլսի Աղզային ժողովի վճիռը։ Իսկ այդ ապօրինի եղանակով հայ բարձրաստիճան եկեղեցականների ցանկից դուրս եկած Մ. արքեպ. Օրմանեանը ուսահայ ժողովրդի ճնշող մեծամասնութեան առաջին թեկնածուն է, ինչպէս նաև տաճկանայ ժողովրդի մի մասի, որպէս աչքի ընկնող և արժանաւորագոյն հովիւ Հայաստանեաց եկեղեցու։ Ապա կաթողիկոսական Տեղապահ Գէորգ արքեպ. Սուրէնեանը, ինչպէս երեսում է լրագրական տեղեկութիւններից, որ պաշտօնական ծագումն ունին, ցոյց է տուել Նիկոմիդիայի թեմական առաջնորդութեան որոշ անձանց՝ պատգամաւոր ընտրելու համար։ Նոյն Սուրէնեան Սրբազնը տարւոյս նոյեմբերի 17/30-ին յանուն Կ. Պոլսի պատրիարքական տեղապահի Վահրամ արքեպ. Մանկունուն հեռագրով խնդրել է իր առաջուց յանձնաբարած երուանդ քահ. Նալբանդեանի, Խորէն ք. Խուցեանի, Լեռն Ալէքսանեանի և այլոց փոխարէն ընտրել տալ Ա. էջմիածնի Եփրեմ և Խորէն եպիսկոպոսներին և էջմիածնի միարանութեան անդամ Բագրատ, Մատթէոս և Բարգէն վարդապետներին։

Այս բոլոր փաստերը կատարեալ իրաւունք և հիմք են առավելու մեջ մտածելու, որ հայ լրագրութեան մէջ հաղորդուած սենսացիոն տեղեկութիւնները՝ թէ Ս. էջմիածնից կ. Պօլսի է ուղարկուած յատուկ անուանացուցակ ուուսահովատակ հայերի, որոնք պիտի փոխարինեն տաճկահայ թեմերի պատգամաւորների, կատարուած իրողութիւն է և հէնց զբանով է բացատրուում կ. Պօլսի պատրիարքական տեղապահ Վահրամ արքեպ. Մանկուու տարւոյս նոյեմբերի 26-ի թուակիր Հ. 1442 կաթողիկոսական տեղապահ Գէորգ արքեպ. Սուրէնսկանին ուղղած զրութիւնը, որ գտնուում է ընտրական գործի մէջ: Այս նամակից երկում է, որ Վահրամ արքեպ. Մանկունին ներողութիւն է խնդրում առ այն, որ պատգամաւորների սկզբնական ընտրութիւնների մէջ որոշ փոփոխութիւններ են առաջացել: Միաժամանակ Վահրամ արքեպ. Մանկունին յայտնում է, որ ինքը կը պատժէր էլ «ցուցմունքներին» չհպատակող հոգեորական պատգամաւորներին, եթէ չինէր մօտիկ ապագայուում պատրիարքական տեղապահութեան պաշտօնից հեռանալու հանգամանքը: Թէ կաթողիկոսական տեղապահի և թէ տաճկահայ հոգեոր բարձր իշխանութեան այս գործողութիւնները հաստատուում են, որ պատգամաւորների ընտրութիւնները կատարուել են ճնշման ներքոյ և բարձր իշխանութեան ցուցմունքներով: Գործին մօտիկ ծանօթանալով, կարելի է գտնել նաև ուրիշ նոյն տեսակ ապօրինութիւններ, բայց կանգ առնել դրանց վրայ, աւելորդ ենք համարում, բաւականանալով վերոյիշեալ փաստերով, որ արմատապէս խախտում են գործող օրէնքներով փաւերացուած ընտրողական սկզբունքը:

Վերև սերած փաստերի հիման վրայ մենք, աշխարհական և հոգեորական պատգամաւորներս, որ ներկայացնուում ենք Պրաստանի և Խմէրէթի, Ղարաբաղի, Շամախու, Բեսսարաբիոյ թեմերը, որ ուուսահայ ժողովով ճնշող մածամասնութիւնն է կազմում, և նոյնպէս տաճկահայ թեմի մի մասը, այլև Սինօդի և Ս. էջմիածնի միաբանութեան ներկայացուցիչներս, յայտներով բողոք վերև յիշուած աղաղակող այն բոնութեան և մի շարք գեղծումների դէմ, որ թոյլ են տուել Տաճկաստանի պատգամաւորների ընտրութեան գործում՝ որոշ ցուցակներով և ցուց-

մունքներով հայ հոգեոր բարձր իշխանութեան ներկայացուցիչների կողմից թէ Ծուսաստանում և թէ Տաճկաստանում, զեղծումների, որ դարձել են ընտրութեան գործը նշանակութիւնից զորկ և ապօրինի, գտնում ենք, որ ներկայ ընտրութիւնները կատարուում են այնպիսի պայմաններում, որ ժիտում են ամեն օրինականութիւն և Հայաստանեայց եկեղեցու որբագործուած նախաւանդ սովորութիւնները, ուստի և ստիպուած հրաժարում ենք այդ ընտրութիւններին մասնակցելուց:

Մեր այս բողոքը խնդրում ենք բառ առ բառ մացնել ընտրական ժողովի օրագրի մէջ նրան օրինական ընթացք տալու համար:

Պատգամաւոր միաբանութեան Մայր Աթոռոյ ս. էջմիածնի Սուրբիս արքեպ. Պարզեանց, առաջնորդ վիճակին հայոց Շամախոյ Անանիս արքեպ. Համազասպեան, պատգ. միար. Ս. Աթոռոյ Յովհ. արքեպ. Շիրակունի, պատգ. միար. Մ. Աթոռոյ և լուսարարապ. Մ. Տաճարի ս. էջմիածնի Դեռնդ եպ. Յովհակիմեան, առաջն. թեմին Ատրպատ. Կարապետ եպ., Բաբէն եպ. Գաղատիոյ, ներկ. թեմակ. Բաղդապի թեմի Տիրայր վ., անդամ Սինօդի ս. էջմիածնի և ներկ. Պրուսայի առաջն. Յուսիկ վ., ներկ. հոգ. պատգ. Արզիի վիճակի Բենիկ վ., Տիրայր ծ. վ. Մարգարեան պատգ. Բաբէրդի, ներկ. Բալուի առաջն. միաբան ս. էջմիածնի Մուշէ վ., ներկ. առաջն. Տիգրանակերտի Գարեգին վ. Յովհէփեան, առաջն. փոխ. Դերջանի վիճակին Հրանդ վ. Յովհաստիեան, ներկ. Զնդուշի վիճ. առաջ. Եղիշէ ա. ք. Գեղամեան, առաջն. տեղապահ հայոց Բաղրիկանդի Պայազիտ ներսէ վ., Վրաստ. և Իմէրէթի հայ լուսաւորչ. թեմի պատգ. Երդ. հաւատ. Յովհաննէս Սպենդիարեան, պատգ. Ղարաբաղի հայոց թեմի և պատգ. Բաղէշի թեմի աղնուական Սամսոն Զէրքէղեան, պատգ. Շամախոյ թեմի բժշկ. Թաղէսու Զաքարեան, պատգ. Ն. Եախիշինանի և Բեսսարաբ. թեմի երդ. հաւատ. Գէրդ Զուբար, պատգ. Սեբաստիայի թեմի ինժ. Արշակ Բաբէն, պատգ. Լիմ և Կտուց անապ. վիճ. աղնուական Համբ. Առաքելեան, պատգ. Բաղդապի թեմի Տիգրան Գոյումճեան, պատգ. Բասէնի վիճ. Խաչատուր Աֆրիկեան, պատգ. Տիգրանակ. վիճ.

Աղեք. Քայլանթար, պղատկ. Արդնի վիճ. և պատկ. Բալուի վիճ. բժ. Արտաշէս Շինեան, պղատկ. Զնդուչի թեմի երդ. հաւատ. Գարեգին Ենգիբարեան, պղատկ. Պրուսայի Յովհաննէս Յովհաննիսեան, աշխարհ. պղատկ. Դերջանի Գէորգ Արուեան:

## ԷջՄԻԱԾՆԻ Ս. ՍԻՆՈՂԻՆ

Դիւանի անդամ փոխ-ատենապետ  
երդ. հաւատարմատար ԳէՈՐԳ ԶՈՒԲԸՐԻ

### Առանձին կարծիք

Ինչպէս մասնաւոր յանձնաժողովը, նոյնպէս և ընդհանուր ժողովը, որ գումարուած էր ամսիս 10-ին պղատամաւորների լիազօրութիւնները քննելու համար, իմ կարծիքով՝ չկատարեց այն պղարտաւորութիւնները, որոնք դրուած էին նրանց վրայ ներքին գործոց նախարարութեան վշաբերականի համաձայն:

Եթէ կառավարութիւնը տալիս է իրաւունք և պատգամաւորների ժողովը ընդունում է այդ, նա պղարտական է իրազործել իր պղարտականութիւնը լիովին, այսինքն ամեն մէկ պղամաւորի լիազօրութիւնը պղաշտօնական ժողովը. ինչպէս և մասնաւոր յանձնաժողովը պղարտական էր քննել մէկիկ-մէկիկ, ստուգել ամեն մէկ պղատամաւորի վկայագիրը և ըստ այն դնել այս կամ այն վճիռը, մինչդեռ ոչ յանձնաժողովը, ոչ նոյնիսկ պղաշտօնական ժողովը դեկտեմբերի 10-ին չփարուեց այդպէս, և մինչև անդամ ինձ, որ անդամ էի մասնաւոր յանձնաժողովի՝ լիազօրութիւնները քննելու համար, չտուեց հնարաւորութիւն կարգին, ըստ օրինի տալ զեկուցում այն թերութիւնների մասին, որ ես նկատել էի այս կամ այն պղատամաւորի լիազօրութեան նկատմամբ: Երբ մատնանիշ էի անում մէկի վրայ և ինդրում էի զեկուցանել նրան վերաբերեալ թղթերը գործի միջից, նախարահ պ. Ա. Յարութիւնները իսկոյն և եթ հարց է դնում իմ զեկուցման առթիւ, թէ «ընդհանուր ժողովը գտնում է վաւերականն, թէ ոչ», և ժողովի անդամների մի մասը չտեսնելով վաւերաթղթերը, չծանօթանալով անդամ

նրանց բովանդակութեան և անտեղեակ լինելով նրանց պարունակութեան, աղաղակելով կրկնում էր «վաւերացնում» ենք; վաւերացնում ենք» – մինչդեռ պղատգամաւորների միւս մասը, որ իր պղարտականութիւններին սրբութեամբ էր վերաբերում, մնում էր շուարած և անհետեանք կերպով բողոքում էր:

Այդօրինակ ժողովը և պ. ատենապետի տարօրինակ վարմունքը՝ հարցեր դնելու և վճիռներ կայացնելու՝ ես համարում եմ ապօրինի և ամսիս 10-ին գումարուած ժողովը՝ անվաւերի:

11 դեկտ. 1911 թ. Ս. Էջմիածին:

## Ի Ս. ՍԻՆՈՂԻՆ Ս. ԷՋՄԻԱԾՆԻ

Զնդուշի պղատգամաւոր երդուեաւ-  
հաւատարմատար Գ. Ենգիբարեանից  
Բ ո ղ ո ք.

Եերքին գործերի մինխստրի բացատրութեան համաձայն՝ դեկտ. 10-ին պղատգամաւորների ընտրական ժողովը ստուգեց պղատգամաւորների լիազօրութիւնները և գտաւ բոլորը օրինաւոր: Ես պղատկառելի ժողովին յայտնեցի, որ պղատգամաւորներից արժանապատիւ Սիօն վարդապետի, գերապատիւ Եփեմ եպիսկոպոսի և Բագրատ ու Մատթէոս վարդապետների լիազօրութիւնները, ինչպէս և մի քանի ուրիշներին անկանոն եմ գտնում, յարակցելով որ ես անկանոն եմ համարում ընդհանրապէս այն միջոցները, որոնք գործ են դրուել Թիւրքիայում պղատգամաւորներ ընտրելու ժամանակ: Պատգամաւորական ժողովը վճռեց, որ ես իրաւունք չունեմ ընտրութիւնների ընդհանուր միջոցների ապօրինաւորութեան մասին ապացոյններ բերելու, և ես վերապահեցի իրաւունք բողոքելու սինօդին և ապա ըստ օրինի վարւելու: Ես գտնում եմ, որ պղատգամաւորական ժողովը իրաւունք չունէր նախ արգելելու ինձ ապացոյններ տալու, որ Թիւրքիայում ուսուսահայերից պղատգամաւորներ ընտրելու ժամանակ գործադրուել են հակաօրինական միջոցներ, որոնք այդ ընտրութիւնները միանգամայն ապօրինի են դարձնում:

Ապացոյցները հետևեալներն են. ընտրական գործի մէջ կայ մի դրութիւն հայր Սիօն վարդապետի ընտրութեան վերաբերեալ յանուն սրբազն Տեղակալի, որից երևում է, թէ Կ. Պօլսի պատրիարք. տեղապահ գեր. Մանկունի արքեպիսկոպոսը, յանձնարարել էր ընտրել արժ. Սիօն վարդապետին, ուրեմն հոգեոր իշխանութիւնը միջամտել է ընտրական գործին և պատգամատորը ընտրուել է ճնշման տակ: Լրագրներում տպագրուած էր, թէ գեր. տեղակալ Սուրէնեան արքեպիսկոպոսը ուղարկել է Կ. Պօլսի տեղապահ ս. Մանկունի եպիսկոպոսին մի ցուցակ ուուսահայ մարդկանց, խնդրելով որ թիւրքահայ թեմերից այդ անձինք ընտրուեն պատգամաւորներ գեկտ: 11-ին կաթողիկոսի ընտրութեան մասնակցելու համար: Թէ սրբազն տեղակալը կարեւոր համարեց հերքելու լրագիրներում այս լուրը, բայց ընտրական գործի մէջ եղած տեղեկութիւնները միանգամայն ապացուցանում են, թէ ս. տեղակալ Սուրէնեանն է թէ ս. Մանկունի արքեպիսկոպոսները ուժին պրօպագանդա են արել ընտրութիւնների ժամանակ և միջամտել են գործին և դրանով իրեւ իշխանաւոր ճնշում են գործել ընտրողների վրայ: Գործի մէջ կայ գեր. Մանկունի արքեպիսկոպոսի նամակը յանուն տէր Տեղակալի, որի մէջ ս. տեղապահ Մանկունի արքեպիսկոպոսը ներողութիւն է խնդրում, որ ուղարկուած ցուցակով չեն ընտրուել պատգամաւորները, այլ մի քանի փոփոխութիւններ են եղել: Ես ներկայացրի ժողովին «Մշակ» թերթի մի համարը, որից երևում է, թէ Կ. Պօլսի «Ժամանակ» թերթում հրատարակուել է ս. Սուրէնեան արքեպիսկոպոսի մի հեռագիրը յանուն տեղապահի ի Պօլս, որով տէր Տեղակալը խնդրում է առաջուց ցոյց տրուած անունների տեղ ընտրել տալ ս. Եփրեմ և Խորէն եպիսկոպոսներին, Բարգէն, Մատթէոս և Բագրատ վարդապետներին: Պարզ է ուրեմն, որ այն ընտրութիւնները կատարուել են հոգեոր բարձր իշխանութիւնների ճնշման ներքոյ և հակառակ Փոխարքայից տրուած 1865 թուականի հրամանագրի § 16-ի մաքին. ուստի և ես այս հրաման վրայ բոլոր այն պատգամաւորների լիազօրութիւնները, որոնք վերև յիշուած են և նոյնպէս ս. տեղապահ Սուրէնեանի ուղարկած ցուցակով են ընտրուած, ապօրինի ևմ համարում:

Իսկ ցուցակ ուղարկուած լինելը ապացուցւում է թէ զործի մէջ եղած դօկումենտներով և թէ լրագրական տեղեկութիւններով, որոնք տակաւին հերքուած չեն սրբազն տեղապահ Մուրէնեանի կողմից:

Էջմիածին, 11 նոյեմբերի

## Ա. ԷջՄԻԱԾՆԻ Ս. ՍԻՆՈՂԻՆ

Ամերիկայի թեմի պատգամաւուր  
Մաղաք Գ. Պէրպէկեանէն:

Բողոք.

Քնուանուը համազգային ժողովը, ինչպէս և ս. Սինոգը Ամերիկային ընտրուած երկու աշխարհական պատգամաւորներէն լիազօր ճանչցաւ ալ. Հ. Ամպրուկեանին: Այդ վճիւը ես կը գտնեմ անվաւեր հատեեալ պատճառներով:

ա) Մկրտիչ Ա. Կաթողիկոսի առուած կոնդակի համաձայն (Յ սեպտ. 1902 ամի, թիւ 1226) Ամերիկայի նամար հաստառուած է նոր սահմանադրութիւնն մը, և ամերիկահայ առաջնորդական թեմը պարտի վարել «ըստ այնմ» իր եկեղեցական գործերը: Ուրեմն՝ սահմանադրութիւնն է միակ օրէնքը և կանոնը, որու հիման վրայ Ամերիկայի հայ ժողովուրդը կառավարուած է և պիտի կառավարուի իր եկեղեցական և այլ գործերուն մէջ:

Ես ամենը, ինչ որ դուքս է սահմանադրութիւնէն և համապատասխան չէ անոր կանոններուն, միանգամայն ապօրինի է: Ուստի՝ դառնամ փաստերուն և իրողութեանց ի նկատի ունենալով որ սահմանադրութեան յօդ. 25-ի համաձայն Ամերիկայի մէջ գտնուած հայ եկ. ժողովրեան միակ օրինաւոր ներկայացուցիչ մարմինն է երեսփոխանական ժողովը, որ կը կազմուի առաջնորդական և հովուական թեմերու կողմանէ ընտրուած երեսփոխաններէ և պաշտօնավարող եկեղեցականներէ:

Ես սահմանադրութեան 29-րդ յօդուածի համաձայն երեսփ. ժողովին կը նախազանէ առաջնորդը կամ տեղապահը:

Համազգային ժողովը և ս. Սինոգը իմ ընտրութիւնս անվաւեր նկատեցին, որովհետեւ զիս ընտրող ժողովին չէ նախա-

թէ ինչ ձեռվ պէտք է կատարել պատգամաւորի ընարութիւնը, չին կարող ունենալ ոչ մի իրաւաբանական զօրութիւն, որովհետեւ նախ այդ հրահանգը պարտաւորիչ է միայն Անդրկովկասի համար և ոչ Ամերիկայի համար, որը դեկավարուած է և պիտի զեկավարուի Խրիմեան կաթողիկոսի կողմէն հաստատուած սահմանադրութեամբ:

Երկրորդ, Սինօդը ոչ լիազօր է և ոչ ալ իրաւունք ունի այս թէ այն հրահանգով ի չիք գարձնել սահմանադրութիւնը, ոք հաստատուած է կաթողիկոսի մը կողմէն, որովհետեւ այդ Սինօդի իրաւունքներէն վեր է:

Երկրորդ, Ամերիկայի 16 թիմերէն 14-ը, այսինքն ամերիկահայ գաղթականութեան ստուար մեծամասնութիւնը, կաթողիկոսական ընտրութենէն դեռ 6 ամիս առաջ բողոքեր է և Գաֆթանեանի առաջ. փոխանորդութեան դէմ և չէ ճանցած զինքը այդ պաշտօնին մէջ; Խեղդել ժողովրդի ձայնը և այն պարագային, ուր միակ տէր և տնօրէն իր հոգեոր գործերուն, ինչպիսին է կաթողիկոսական ընտրութիւը, կը նշանակէ հիմնայտակ ընել գարերէ ի վեր սրբագործուած ու նուիրագործուած ընտրութական սկզբունքը:

Ի նկատի ունենալով վերոյիշեալ պատճառաւրանութիւնները, ես ներքոյ ստորագրեալս, որպէս Ամերիկայի առաջ. վիճակին կանոնաւոր և սահմանադրականօրէն ընտրուած միակ պատգամաւոր, կը բողոքեմ ո. Էջմիածնի մէջ դեկտ. 10-ին (1911) գումարուած՝ պատգամաւորների լիազօրութիւնը քննող համագգ. ժողովի վճիռին դէմ, ինչպէս և ո. Սինօդի այդ վճիռը հաստատելուն դէմ, և պատիւ ունիմ ինդրել այս իմ բողոքը կցել ընտրական նիստերու օրագրութեան հետ:

Էջմիածն, 13 դեկտ.

### ԿԱԹՈՂ. ԸՆԾ. ՊԱՏԳԱՄԱԿՈՐԱՅ ԺՈՂՈՎԻՆ

Պատգամաւոր ո. Էջմիածնի միարանութեան, Բարդ. եպ. Գէորգեան (Ճուղութեանց)  
Յայտաբարութիւն

Թուսական ներքին գործոց մինիստրութիւնը հրահանգել է ո. Էջմիածնի Սինօդին, որ նաև պետ. օրինաց համաձայն՝ արգելէ մասնակցել կաթողիկոսական ընտրութեանը — այն պատգա-

մաւորներին, որոնք ամբաստանուած են որոշ յանցանքների համար: Պետական այս օրէնքը ներգործում է ինչպէս ընտրող պատգամաւորների՝ նմանապէս և՛ ընտրելի կաթողիկոսական թեկնածուների վրայ:

Ես ի նկատի առնելով վերոպեսալը, գալիս եմ ահա սորանով յայտնել ներկայ համազգային ժողովիս, որ ամենապատիւ տեղապահ Տ. Գէորգ արքեպիսկոպոս Սուրէնեանցը կաշուով է ստացել իր եպիսկոպոսական ձեռնադրութիւնը, որի համար նա յանձնուած է Հայրապետական դատաստանին, և որից արգարանալու ոչ մի հնարաւորութիւն չունի, քանի որ դատապարտող գոկումենտը նրա ինքնաձեռագիր նամակն է՝ որով առաջարկել է կաշառքը: Նրա այդ նամակը ես քաղուածօրէն հրաւարակել եմ 1906 թուին «Ծշմարտութիւնը չի մենում» իմ գրքում, տես եր. 13: Կաշառքով նրա ձեռնադրութեան մասին տես և իմ նամակը «Երկիր» լրագրում 1906 թ. № 16: Ապա նրա իսկական նամակը ներկայացրել եմ իմ խնդրագրով Տ. Մկրտիչ Ա. Խրիմեան կաթողիկոսին ի. 4-ն դեկտ. 1906 թ. և խնդրել որ Առաքելական կանոնի և պետական օրինաց համաձայն յայտարարէ գԳէորգ արքեպիսկոպոսն՝ չեպիսեպոպոս, կարգից լուծուած: Առաքելական կանոնն ասում է. «Եթէ ոք եպիսկոպոս ի ձեռն ընչից այսօն պատուոյ հասանել կարաց, ի բաց հատցի ամենենին, միանգամայն և ի հաղորդութենէն՝ որպէս զՄիմոն մող՝ յառաքելոյն Պետրոսէ»: Այդ իմ խնդրագիրը ընդունուած է և արձանագրուած կաթողիկոսական մտից մատեանում ընդ համարաւ 1888: Մինոյն խնդրի մասին դիմել եմ և Տ. Մատթէոս Բ. Իզմիրլեան կաթողիկոսին 1910 թ. Ապրիլ 23 ին: Խրիմեանը արդէն զառամեալ, —որին այդ ժամանակ աշխատում էին գահընկեց անել և «ուղարկել Սև ծովի ափերը, օրինակ Բաթում, կամ Սանահնի վանքը՝ ապրելու» տես «Մշակ» 1906 թ. Հոկտ.—Նոյեմբերի համարներում բժ. Ա. Բարայեանցի նամակները. — վախճանեց իմ խնդրագիրը ընդունելուց յիսոյ, և ողբացեալ իզմիրլեանը՝ նոյնպէս այնքան վաղ վախճանեց: Մնում է ուրեմն, որ պատգայ կաթողիկոսը արձակէ այդ դատի վճիռը:

Ամենապատիւ Սբբազան Սուրէնեանցի իսկական նամա-



կը, որով նա առաջարկել է կաշառքը, իմ ձեռքումն է, կարսղ եմ հէնց այժմ ցոյց տալ ժողովիս, ինչպէս ցոյց եմ տուել հանդ. կաթողիկոսներին, սակայն եթէ ինքը Սուրէնեանց սրբագանը այդ ցանկայ: Իսկ «Ծշմարտութիւնը չի մեղնում» գրքի մի օրինակը, ուր տպուած է կաշառման մասին նրա նամակից քաղուածը, այլև «Երկիր» լրագրի յիշեալ համարը՝ ահա դնումեմ համազգային ժողովիս առաջ և տրամադրութեան տակ:

Պատառ եմ ժողովի ցանկացած բացարութիւնները տալ:

Վասն ողոյ սրանով խնդրում եմ ներկայ ժողովիդ չ'մտցնել Տ. Գէորգ Սուրէնեանց արքեպիսկոպոսի անունը կաթողիկոսական թեկնածուների ցանկի մէջ՝ իրեն արդէն իսկ ամբաստանեալ և եր ինքնաճեռապիր ապացուցագրով պարտաւորեալ, ի նկատի ունելով Առաքելեան կանոնը: Այլև խնդրում եմ ինկատի առնել այն հանդամանքը, որ նա կաթողիկոս հաստատուելուց յետայ՝ ինքն իւր դէմ յարուցուած այս դատի անմիջական դատաւորը պիտի հանդիսանայ, այն էլ ամենայն լիազօրութեամբ. որ պատճառաւ կանխեցի ահա նախ քան ընտրութեան ձեռնարկելը՝ ծանուցանել ժողովիդ՝ Սրբազն Սուրէնեանցի թեկնածութիւնը արգելող այս գործը:

Միաժամանակ տալիս եմ սոյն յայտարութեանս պատճէնը Սինօդի Պրօկորոր պ. Փ. Մելիք-Օհանջանեանցին՝ որ ներկայ է ժողովիս, խնդրելով որ իմ այս դատի մասին գործադրէ իրանցից կախուած օրինական միջոցները՝ և արտաքոյ այս ընտրութեան:

Ես յանձն եմ առնում իմ՝ յարուցած այս դատի բոլոր պատասխանատւութիւնը ապագայ կաթողիկոսի և պետական օրինաց առաջ:

~~Ծանօթ. Սրտանց ափսոսում եմ, որ ուշ ձեռքս ընկաւ համախու պատգամատր բժշկապետ պ. Թաղէոս Զաքարեանի նմրհոն յօդուածը՝ «Почему я отказался отъ участія въ выборахъ католикоса», որ զետեղուած է «Баку» թերթի 1912 թ. № 21: Գրքի տպագրութիւնը վերջանում էր արդէն, ու հնար չեղաւ այն էլ առնել յաւելուածիս մէջ:~~

Բ. Վ.

ՀՀ Ազգային գրադարան



NL0174177

